

WANT

NIUSPEPA BILONG YUMI OL PAPUA NIUGINI STRET! 27 YIA NAU

44 pes


Namba 1,304

Wik i stat long Fonde Jun 24, 1999

60t

**Ol haus sik
no inap pas**

pes 2



**PDM holim balens
bilong pawa**

pes 3

Kutubu saplimen

pes 17-28

**Tokpilai
wantaim
Kanage**

pes 38 na 39

Skate laik stap PM inap 2002

**Kantri bai
yusim
nupela K50**

**VERONICA HATUTASI
i raitim**

LONG Jun 28 neks wik Mande, kantri bai yusim nupela K50, Gavana bilong Beng bilong Papua Niugini Morea Vele i bin tok long dispela wik long lons bilong dispela nupela plastik pepa mani.

Nupela plastik K50 bai kism ples bilong dispela K50 pepa mani we kantri i wok long yusim nau. Ol pipel bai yusim dispela tupela mani long 6-pela mun na bihain lusim olupela pepa K50 mani.

Mista Vele i tok nupela plastik K50 not bai i mekim hat long ol lain husat i save wokim ol kauntafit o kopi giaman (mani) wantaim long pepa.

Em i tok olsem nupela plastik K50 bai sevim kos long beng bikos pepa mani i save bagarap hariap na ol i save tromoi bikpela mani long mekim gen ol nupela pepa mani insait long olgeta 6-pela mun.

Tasol nupela plastik mani ya i strongpela na bai kism tupela kris-mas bipo ol i senisim na dispela em i longpela taim moa winim olupela pepa mani.

Em i tok moa olsem dispela nupela plastik mani i gutpela long yusim long kantri we i save reh planti na klaimet i save hot na wet wantaim.

Nupela pepa mani em ol i wokim long Ostrelia long "polima plastik" na manmeri bai luksave long en long ol dispela sekyuriti mak:

• Ol i wokim long polima plastik pepa;

**WENCESLAUS MAGUN
i raitim**

WANPELA bikpela astingting bilong Praim Minista Bill Skate long dispela taim i go inap long Julai taim palamen bai bung, em bilong holim strong sia bilong praim minista inap yia 2002.

Wanpela saveman bilong politik long Papua Niugini, Dokta Ray Anere i tok, pasin Mista Skate i mekim bilong brukim PNG First pati na senisim i go bek long Pipel's Nesenel Kongres pati na strongim bek Nesenel pati long dispela wik, em bilong kism inap namba long gavman.


"Em i ples klia tru olsem Mista Skate i laik stap praim minista inap yia 2002," Dokta Anere i tok.

Dokta Anere i tok bikpela laik bilong Mista Skate em bilong holim pawa na long kism dispela, em i mas gat inap namba.


Em i tok Mista Skate i wok long pulim na winim tingting bilong ol memba bilong Niugini Ailan na Hailens rijen long givim em sapat na namba, bai em i ken stap olsem praim minista inap yia 2002.

Dokta Anere i tok tu olsem namel long Jun 1999 na Jun 2002, Mista Skate bai traim long wok gut tru wantaim lida bilong Pangu pati, Chris Haiveta.


I go moa long pes 3



• Praim Minista, Bill Skate.



• Gavana Pater Robert Lak.



• Nesenel Pati Lida, Paul Pora.

Nesenel Pati i no bruk

PETER MAIME i raitim

MEMBA bilong Hagen na Nesenel Pati lida, Paul Pora i no bin tok orait long Praim Minista, Bill Skate long mekim Gavana bilong Westen Hailans, Pater Robert Lak olsem lida bilong Nesenel Pati.

Mista Pora i tok em i lida bilong pati na em wanpela tasol i stap long dispela pati.

Mista Pora i tokim Wantok olsem em i no save wanem tingting i stap long het bilong Mista Skate taim em i pinisim PNG Fes Pati na kirapim ol nupela pati.

Mista Skate aste long wanpela nius ripot i tok, em i brukim PNG Fes Pati bilong em i go long tupela hap. Ripot i tok olsem Mista Skate i kirapim gen Nesenel Pati na mekim Pater Lak olsem lida bilong dispela pati na makim Mista Pora olsem namba tu bilong Pater Lak.

I go moa long pes 2

I go moa long pes 3

LOOK UNDER CAPS OF

PLANTI SANS TRU LONG WIN

SPRITE, FANTA, AND LIFT ARE REGISTERED TRADE MARKS OF THE COCA-COLA COMPANY

WHILE STOCKS LAST

PLIS RIPOT

Hagen:

OL stillman i bin stilim K348,100 bilong Wespac beng long Hagen las Fraide.

Provinsal Plis Komanda Wini Henao i tok foapela man i bin stap insait long dispela stilpasin we i bin kamp long las Fraide 8 kilok moning taim ol i opim beng long bisnis. Em i tok foapela man i bin holim naip na kamaut long wanpela blupela Nissan dabel keb we i bin wet ausait long beng na hensapim sekyuriti gad husat i wok long opim dua bilong beng.

Ol stillman ya i fosim sekyuriti gad long go insait na autim yunifom bilong em na givim na wanpela long ol i putim. Narapela tripela i hensapim ol beng wok-lain wantaim pistol na stilim ol bek mani na ronawe long ka. Mista Henao i tok plis i bin kisim toksave long dispela samting 10 minit bihain na ol i painim ka long ples Katiga ausait long taun. Nogat man i bin stap long ka na registresen namba plet bilong ka em ol i rausim.

Plis i saspek olsem ol ronawe kalabus man bilong Baisu haus kalabus i wokim dispela samting. Long wankain taim tu, plis i holim 240 katen dak ram long las wik Trinde na ol bai tromoim ol.

Goroka:

Plis long lsten Hailans i sasim wanpela man long stilim moa long K11,000 bilong Norwek Kofi fektori long Goroka. Provinsal Plis Komanda Edward Kinamon i tok plis i bin sasim Roy Ane husat i gat 25 krismas na em i bilong ples Kamusi insait long lsten Hailans provins.

Ane i wok wantaim Norwek kofi fektori olsem man husat i save baim kofi long rot. Mista Kinamon i tok plis i bin holim pasim Ane taim ol i painimaut olsem K11,743 i bin lus bihain long Ane kam bek long em i bin go baim kofi long rot long wiken.

Long wankain taim tu long Kainantu, foapela man i holim wanpela pistol i bin kamapim preti na stilim wanpela man i baim kofi long rot na stilim K1,500 kesmani bipo ol i ronawe. Stilpasin ya i bin kamap long las wiken Sarere.

Lae:

Wanpela man Manus i bin dai long las wiken bihain-im pait long Madang plis Bareks.

Plis i ripotim olsem daiman ya i bilong Manus na em bin go lukim kasen bilong em long bareks taim pait i kamap na ol i paitim dai man ya long het na em i kisim birua na dai long en.

Provinsal Plis Komanda Benson Simanjon i tok man Manus i bin dai bihain long ol i paitim em long het wantaim wanpela hap timba. Mista Simanjon i tok man ya i bin spak taim em i go lukim kasen bilong em na ol i no wanbel long sampela samting.

Orait, daiman ya i bin paitim kasen bilong em husat i wanpela plisman long pes na pait i bruk. Ol narapela lain i go insait na kilim dai man Manus ya.

Hagen:

Faipela meri em ol raskol i bin bagarapim ol long las wiken long Hagen, ol plis ripot i tok.

Olsem na Provinsal Plis Komanda Edward Kinamon i putim stronmgpela toksave long ol yangpela meri bilong noken raun ol yet long nait o go aut wantaim ol man husat i tok em ol ankel bilong ol tasol tru yet em nogat. Na ripot bilong bagarapim ol meri long provins i go antap gen.

Wanpela plis ripot i tok faipela saspek i bin kisim foapela meri bihain long danis long Fentom Klub na kisim ol long sampela hap na bagarapim ol. Plis i mekim wok painiaut long dispela samting.

Long narapela, sevenpelaspakman i bin bagarapim wanpela meri long Wessan Klub las wik.

Ol haus sik bai no inap pas, Temu tok

JASON TAU i raitim

SEKETERI bilong Helt, Dokta Puka Temu i tok long Trinde long dispela wik olsem, em i bin raitim wanpela pas i go pinis long Nesenel Helt Federesen na holim wanpela kibung pinis wantaim olgeta lain long Federesen na tokim ol long no ken pasim ol haus sik long Fraide sapos gavman i no givim mani long helt dipatmen.

Dokta Temu i tokaut long dispela taim em i bekim toktok bilong Nesenel Helt Federesen long pasim ol helt sevis long dispela wik Fraide.

Tasol Presiden bilong Nesenel Helt Federesen, Dokta Robert Danaya i bin go pinis long Bogenvil na em i no bin stap long nambawan kibung bilong ol.

Dokta Temu i tok, em bai bung wantaim ol gen long tok-tok long dispela hevi taim Dokta Danaya i kam bek.

Dokta Temu i tok, Nesenel Helt Federesen i rong long tok gavman i katim mani long helt dipatmen, bikos gavman i bin givim K49 milion las yia na K54 milion long baset bilong dispela yia.

Em i tok, gavman i wok long givim mani long helt dipatmen long wanwan mun long baim ol marasin, tul na ol masin bilong ol dokta long wokim wok bilong ol na skulim ol wokman bilong

ol. Em i tok, ol planti marasin, tul na ol arapela samting long ol haus sik i stap yet tasol ol wanwan tasol i sot.

Dokta Temu i tok, gavman bai no inap long pasim ol haus sik bikos ol i no laik mekim laip bilong ol sik manmeri i go hat moa yet taim dispela kantri i gat hevi long mani.

Eksekutive Opisa bilong Sios Medikel Kansel long PNG, Pawa Warena i tok ol haus sik bilong wanwan sios long dispela kantri i save kisim mani long gavman tu long wokim wok bilong haus sik bilong ol na ol i kisim taim tu olsem ol gavman haus sik. Tasol, Mista Warena i tok, ol haus sik bilong ol wanwan sios bai no inap kam olsem wanpela grup na sapotim astingting bilong Nesenel Helt Federesen bikos plant i bilong ol bai no inap wanbel long straik.

Em i tok, sapos ol haus sik bilong ol wanwan sios laik sapotim NHF long dispela straik, em laik bilong ol na nogat asua long dispela.

Federesen bilong ol wok manmeri insait long helt dipatmen long Papua Niugini i tokaut pinis long Mande olsem olgeta wok manmeri long olgeta haus sik long kantri bai no inap wok na olgeta haus sik bai pas bikos gavman i no bin givim inap mani long dispela yia long ronim olgeta haus sik long kantri.

Presiden bilong Nesenel Dokta Asosiesen, Dokta Robert Danaya i tokim Wantok long

Mande long dipela wik olsem, olgeta haus sik bai pas i go inap gavman i givim mani long helt dipatmen long wokim wok bilong ol. Dokta Danaya i no bin toksave long amas mani ol i laikim long gavman tasol, em i tok gavman i wokim bikpela baset kat long helt dipatmen long dispela yia na em i mekim ol haus sik ran sot long ol marasin, tul bilong ol dokta na ol arapela masin we ol dokta i save yusim long sevim laip bilong ol sik manmeri.

Em i tok, i gat 6-pela asosiesen insait long PNG Helt Woka Asosiesen. Ol dispela 6-pela asosiesen em: Nesenel Dokta Asosiesen, PNG Nes Asosiesen, Komyuniti Helt Woka Asosiesen, Helt Ekstensen Opisa Asosiesen, Medikel Laberatori Pesonel Asosiesen na Alaid Helt Woka Asosiesen.

Bilong makim maus bilong ol dispela asosiesen, Dokta Danaya i bin raitim wanpela pas i go pinis long helt minista long sampela taim i go pinis na askim em long karim i go long palamen na toktok wantaim ol arapela memba tasol em i no bin kisim wanpela bekim long dispela pas bilong em.

Dokta Danaya i tok, ol i no gat narapela we long lukluk long dispela hevi long ol haus sik olsem na ol i plen long pasim olgeta sevis.

Em i tok Medikel Bod long PNG i bin harim planti komplek

long ol sik pipel olsem ol wok manmeri long haus sik i no bin lukluk gut long sik bilong ol. Tasol Dokta Danaya i tok, dispela em i no asua bilong ol wok manmeri long haus sik, em i asua bilong gavman. Ol wok manmeri bai no inap long sevim ol laip bikos ol i no gat ol marasin na ol tul na risos bilong sevim laip na tu ol i no gat mani long go skul na kisim moa save.

Dokta Danaya i tok, ol haus sik i nogat marasin na em i no gutpela long larim ol wok manmeri i stap long haus sik nating bikos ol sik manmeri bai krosim ol taim ol i no givim marasin na tu sampela taim ol wantok bilong ol sik manmeri husat i dai long haus sik bai bagarapim o kilim ol wok manmeri na famili bilong ol.

"Nau long dispela taim, olgeta laip bilong PNG pipel i stap long han bilong gavman na em i mas givim mani hariap long ol wok manmeri ken wokim gut wok bilong ol long sevim laip," em i tok.

Dokta Danaya i tok olsem pasin bilong pasim ol haus sik na salim ol sikman i go bek long ples em i wanpela lo we ol helt woka bai kalapim tasol, ol i nogat narapela we long stapim dispela hevi na las tingting ol i bin kamap wantaim em long pasim ol haus sik.

"Sapos ol haus sik i op em i wankain olsem yu tokim ol lain olsem kaikai i stap long haus na taim ol i kam long kaikai, yu no gat wanpela hap kaikai i stap long haus," em i tok.

Em i tokim gavman long wokim wok hariap long sevim laip bilong ol pipel na noken giamanim ol pipel olsem nogat wanpela samting i kamap long haus sik.

Dokta Danaya i tok opis bilong em i bin toksave long olgeta haus sik long olgeta provins insait long kantri na ol i wetim tok orait long opis bilong em. Dokta Danaya i tok, taim em tok orait long Fraide long dispela wik, olgeta haus sik insait long kantri bai pas i go inap gavman i givim mani.

Dokta Danaya i tok amamas long Tred Yunion Kongres i stap baksait long ol na sapotim ol long pasim ol haus sik bilong askim gavman long givim mani long sevim laip bilong ol pipel bilong PNG.

Seketeri bilong Nesenel Tred Yunion Kongres, John Paska i tok i no gat wanpela politik i stap insait long dispela wok bilong pasim ol haus sik.

Mista Paska i tok: "Mipela wokim dispela wok bilong askim gavman long givim mani long haus sik na ol i ken mekim kantri i gat gutpela wok manmeri bilong mekim PNG kamap helti nesen."



• Ol meri Madang i soim pasin Madang long Shibamura Tysuyoshi wanpela saveman bilong Japan long turis bisnis. Foto: TPA.

Nesenel Pati i no bruk

I kam long pes 1

Siaman bilong Pasifik Grup ov Kampani, Peter O'Neill olsem Presiden bilong Pipels Nesenel Kongres.

Long wankain taim, ripot i tok Mista Skate bai sanapim Is Nu Briten Gavana, Francis Koimmanrea long kamap lida bilong wanpela nupela pati ol i kolim Pipels Demokratik Pati.

I gat tupela wik tasol i stap bipo long palamen i bung long Julai 13. Bikpela toktok nau i raun long kantri olsem ol lain long Oposisen bai putim wanpela vot i nogat bilip long Mista Skate na rausim em olsem Praim Minista.

Mista Pora i tok disisen bilong husat i kamap lida na

presiden bilong pati em samting bilong pati yet long mekim na i no bisnis bilong narapela man olsem Mista Skate.

Em i tok Mista Skate i nogat rait long kirapim o pinisim ol politikel pati. Em i tok Mista Skate i wok long go insait long wok politikis bilong kirapim na bagarapim ol politikel pati long kantri.

"Mi no save wanem samting Mista Skate i mekim. Em i nogat rait long kirapim na brukim ol pati," Mista Pora i tok.

Em i tok em i no save long wanem as na Mista Skate i kirapim "tupela o tripela pati." Em i tok Mista Skate i mas kisim stail bilong Afrika we ol

politikel lida i save kamapim planti pati bai ol i ken stap yet long pawa.

Mista Pora i tok em i no save wanem kain plen Mista Skate i gat long pinisim pati bilong em na kamapim nupela gen. Em i tok dispela samting Mista Skate yet i mas tok aut.

Long sait bilong Nesenel Pati, em yet i pati lida na John Munnul bilong Westen Hailans em pati presiden na i no Pater Lak na Michael Mel. Em i tok Nesenel Pati i gat mama lo bilong em long bihainim na i no inap long wanpela man ausait i mekin nabaut long pati.

Tasol Mista Pora i tok olsem em i bin toktok wantaim Pater

Lak na Simbu Gavana, Pater Louis Ambane na ol i stap pinis long Nesenel Pati.

Mista Pora i tok Mista Skate mas smelim dispela toktok bilong ol na pairipim long nius olsem em i kirapim gen Nesenel Pati.

Mista Pora i tok em i harim long Pater Lak olsem Mista Skate i bin mekim sampela toktok long dispela senis bilong politikel pati. Tasol em i tok, Pater Lak i no bin givim sampela tingting o sapotim toktok bilong Mista Skate.

Tasol Mista Pora i amamas olsem nau Nesenel Pati i kisim sampela luksave. Em i tok dua i op na husat i gat laik i fri long joinim pati bilong em.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

| | |
|---|---|
| General Manager and Group Editor in Chief: Anna Solomon. | Papers distributed by air throughout PNG. |
| Advertising Manager: Mike Kanin. | Available by air mail subscription within Papua New Guinea and overseas |
| Editor of Wantok: Yakam Kelo. | Email address: word@global.net.pg |

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Kantri bai yusim nupela K50



• Wanpela wokmeri bilong BPNG Nancy Lakasa i soim K50 pepa moni taim ol i bin lonsim long dispela wik. *Poto: Ivan Bayagau.*

I kam long pes 1

- Windua we yu ken lukluk i go na i kam i gat logo o mak bilong Beng bilong PNG ol i raitim long en;
 - Yu ken lukim sedo piksa long Beng ov PNG logo taim yu holim dispela mani long lait; na
 - Sampela disain long pes na bak-sait em ol i wokim long bikpela prin.
- PNG i bin mekim histri ausait long Ostrelia taim em i kamap olsem namba wan kantri long wol long

yusim plastik mani taim em i yusim K2 plastik mani long makim 1991 Saut Pasifik Gems tasol nau Nu Silan, Tailan, Sri Lanka na sampela arapela moa kantri i bihainim na tanim ol pepa mani bilong ol i go long plastik.

Mista Vele i tok dispela plastik K2 mani em planti manmeri i save yusim na i save winim tupela yia bipo ol i senisim. Olsem na nau ol i kamapim K50 plastik mani gen.

Skate laik stap PM inap 2002

I kam long pes 1

Em i tok Mista Skate i save olsem sapos em i wok gut wantaim Mista Haiveta na ol lida bilong Niugini Ailan na Hailens rijen, em inap gat inap namba bilong winim vot i nogat bilip long Julai sapos kain vot olsem i kamap.

Tasol Dokta Anere i tok, kain pasin Mista Skate wantaim ol arapela memba bilong palamen i wok long mekim long brukim ol politikel pati, kamapim ol nupela politikel pati na bungim ol politikel pati, i soim olsem nogat wanpela politikel pati inap holim gavman longpela taim.

Em i tok tu olsem dispela kain pasin i soim olsem nogat wanpela man o meri long PNG na ovasis inap save wanem politikel pati bai ronim gavman na husat tru bai kamap praim minista. Em i tok kain pasin em i no gutpela.

Dokta Anere i tok ol bisnis lain bilong arapela kantri na ol kantri na ogenaiesen husat i save givim mani

long PNG i laik lukim gavman i mas sanap strong na mekim wok longpela taim.

Em i tok sapos gavman i senis kwik olgeta taim, kainkain senis tu bai kamap long polisi o pasin bilong wok-bung namel long ol bisnis lain long arapela kantri na tu pasin bilong kisim mani long ol kantri na ogenaiesen. Na dispela em ol bisnis lain long arapela kantri na ol kantri na ogenaiesen i save givim mani long PNG i no laikim.

Dokta Anere i tok ol kantri na ol ogenaiesen i save givim mani long PNG i laikim gavman i mas stap longpela taim olsem bai ol polisi bilong ol tu i ken stap longpela taim na wanem mani ol i salim i kam insait long kantri bihainim ol agrimen namel long PNG wantaim ol i ken karim kaikai.

Em i tok ol dispela lain i laik lukim PNG i yusim mani na ol arapela samting ol i givim long mekim gut wok bai ol pipel bilong PNG i ken stap bel isi na stap gut.

PDM holim balens bilong pawa

JOE KANEKANE i raitim

TUPELA saveman bilong Nesenol Rises Institut (NRI) i tok olsem PDM pati i wok long holim balens bilong pawa na lida bilong dispela pati Mekere Mourata i gat gutpela sans long kamap Praim Minista.

Joseph Ketan na Dorke Gedare i tok olsem husat politikel pati i gat plenti memba bai gat sans long winim wok olsem praim minista na ol lain husat bai kisim ol narapela wok bai bihainim namba ol i gat long em.

Long wanpela pepa Husait Bai kamap Praim Minista tupela man i glasim wanem samting i wok long kamap long wok politiks long PNG.

Dispela ol man i tok, maski sapos Sir Mekere i stap yet long gavman o joinim oposisen wantaim John Pundari em i gat bikpela namba olsem na em i sanap strong winim sia bilong praim minista o namba tu praim minista.

Tupela saveman i tok tu olsem Sir Mekere i gat planti ekspirians long wok bilong lukautim mani na bikpela dipatmen na tu long ronim kantri na long dispela sait em i sanap klia.

"Tru Sir Mekere i no stap longpela taim long wok politik tasol, sapos yu laik ol wok em i bin holim na skelim ol hevi we kantri i wok long bungim, em raitman long dispela taim long holim dispela kain wok," tupela saveman i tok.

Tupela man i tok tu olsem i gat strongpela bilip olsem wok bilong

praim minista em wanem politikel pati i gat planti namba bai winim.

PDM tu i wok long bungim hevi namel long pati long wanem i gat bruk namel long ol yet. I gat sampela lain we praim minista i rausim ol long wok na sampela we ol i sambai wantaim Mista Skate na ol i holim wok minista yet.


Long aste Trinde, dispela em ol politike pati na ol memba husait i stap long ol:

| Pati | Namba |
|---------------|-----------------------------|
| PDM - | 29 |
| PNG First - | 28 |
| Advance PNG - | 23 (13 bai tok klia bihain) |

| | |
|-------------------|---|
| Pangu Patu - | 7 |
| National Alliance | 6 |
| United Risos - | 4 |
| MA - | 4 |
| PPP - | 4 |
| PAP - | 3 |
| Independent - | 1 |

Dispela ol namba bai senis long wanem i gat planti toktok i kamap namel long ol wanwan memba na ol lida bilong ol politikel pati.

Tupela saveman i tok olsem stori bilong politik long PNG i narakain long wanem i gat sampela samting bai kamap long las minit long wanem, ol pati i gat planti rot long pulim ol memba.



• Het tisa bilong ol Tok Ples insait long Yunivesiti bilong Papua Niugini, Profesa Otto Nekitel i kamapim pinis wanpela buk. Dispela buk em planti ol sumatin long PNG na long ol ovasis kantri i wok long yusim. I luk olsem planti sumatin i laikim dispela buk. Niusman bilong Independent niuspepa, Joe Kanekane i wok long stori wantaim Profesa long sampela hap bilong buk. *Poto: Jim Jicki*

Simbu bai kisim nupela edministreta

PETER MAIME i raitim

SIMBU bai kisim wanpela nupela edministreta long dispela wik.

Dispela nupela edministreta bai wok olsem eking edministreta inap wok painim aut long sas agensim Provinsal Edministreta Joe Bal i pinis.

Gavana Pater Louis Ambane i tok em i gat tripela nem pinis long givim i go long Nesenol Eksekyutiv Kaunsel na Dipatmen bilong Pesenel Menesmen.

Nesenol Eksekyutiv Kaunsel bai glasim ol nem ya na bai kisim wanpela tasol long kisim dispela wok.

Pater Ambane i no tokaut long nem bilong ol dispela tripela man.

Provinsal Gavman i bin saspensim Mista Bal long dispela wik Mande na em bai stap long ful pe inap long ol i klaim ol sas em i gat long paulim ol mani bilong provins.

Ripot i tok Mista Bal i paulim moa long K91,000 bilong dipatmen bilong Simbu.

Pater Ambane i tok em bai askim ol wok manmeri bilong Odita Jenerel long mekim dispela wok painim aut na we ol mani i bin go long en.

Em i tok ol lain bilong Odita Jenerel bai sekim olgeta rekot bilong mani taim em i lusim sia bilong gavana long Suprim kot long 1998 i kam inap nau.

Dispela tu i min bai i gat sekap bilong mani taim memba bilong Karamui Nomane, Simeon Wai i stap gavana bilong provins.

Pater Ambane i tok em i laik mekim wok bilong em gen long nupela buk bilong mani na i no laik miks wantaim ol rekot bilong bipo.

Dispela em namba tu taim Pater Ambane i bin saspensim Mista Bal olsem edministra bilong provins. Nambawan taim em long 1999 long wankain sas long sait bilong paulim mani.

Pater Ambane i tok, long dispela taim tupela deputi edministreta bilong provins i lukautim dipatmen bilong Simbu.

Tasol aste wanpela wok man bilong Gavana Pater Ambane long Kundiawa i tok planti pablik sevan i paul husat i bos bilong ol. Em i tok planti ol pablik sevan i no sindaun gut long opis na mekim wok bilong ol.

T
O
R
O

TORO ILAIK GO LONG PLES TASOL EM NOGAT MONI NA EM TINGIM WANPELA AIDIA...

EM NAU! BAI MI GO NA GIAMANIM WANPELA WANIGELA NA MEKIM KIDDO BET LONG EM.. YU SAVE!

EM I GO MEKIM BET WANTAIM PORO BILONG EM...

HEY, TOTITI! YUMI BET KIDDO LONG STET OVORIJIN, MI MAROONS NA YU BLUES OKEY?!

ORATI!

NAU PORO GIVIM KIDDO LONG TORO NA EM I GO...

EM YA, KIDDO BILONG MI.. YU LOS YU GIV M. K200, OKEY?

NO WARIS, LUKIM YU TUMORA!

SANS YAH!

TORO IKISIM MONI NA GO BAIM BALUS NA TEK-OFF...

HAIHAIHA! LUKIM YU NEKS YIA!! MI GO PLES!

WANTOK

NIUSPEPA BILONG OL PAPUA NIUGINI

Oposisen no ken slip

Oposisen Lida, Bernard Narakobi na ol memba bilong em long Oposisen mas noken slip.

Ol i mas opim maus na toktok planti olsem ol bai putim wanpela vot i nogat bilip na rausim Praim Minista, Bill Skate wantaim gavman bilong em.

Palamen bai bung long Julai 13. I gat tupela wik tasol i stap. Mista Narakobi na lain bilong em i mas redim namba bilong ol long soim long floa bilong palamen. Nogut, ol i pairap long maus tasol na nogat wok i kamap. Mista Skate wantaim gavman bilong em i no slip. Ol i mekim olgeta samting aninit long san long holim pawa inap long 2002.

Em i traim olgeta rot long kisim sapot bilong kantri long stap bek olsem praim minista.

Tu wik i go pinis em i brukim Pipels Demokratik pati i go tupela. Wanpela bilong Treseri Minista, Iairo Lasaro na narapela bilong Palamentri Lida, Sir Mekere Morauta. Bihain em i kisim Chris Haiveta na Pangu pati i go bek long gavman. Mista Haiveta i wok bilong Fiseris Minista. Mista Skate i promisim em tu wok bilong Deputi Praim Minista.

Nau long dispela taim kantri i no save husat i deputi praim minista bilong PNG. Mista Haiveta o Mista Lasaro? Long dispela wik, Mista Skate i brukim PNG Fes pati bilong em i go long tupela hap, Nesenel pati na Pipels Nesenel Kongres pati. Em i sanapim tu Is Nu Briten Gavana, Francis Koimanrea olsem nupela lida bilong Pipels Demokratik pati. Dispela muv i soim olsem Mista Skate i laik kisim sapot long olgeta hap long kantri long winim dispela vot i nogat bilip.

Gavman i save kamap long las minit. Oposisen mas pasim gut sampela karamap kaikai long las minit long winim lewa bilong ol memba. Sapos nogat, ol bai isi tasol putim wok bilong praim minista long han bilong Mista Skate long Julai 13.

Skate mas risain

VERONICA HATUTASI i raitim

SINGAUT i go long Praim Minista Bill Skate long risain nau na larim narapela rait lida long kisim ples bilong em bikos aninit long lidasip bilong em kantri i wok long bagarap moa yet.

Eking Gavana bilong Is Nu Briten provins Leo Dion taim i mekim dispela singaut i laikim lida bilong Pipels Demokratik Muvmen Sir Mekere Morauta long kamap Praim Minista, kisim ples bilong Mista Skate.

Mista Dion i tok pasin we Mista Skate i

wokim long i no lukautim gut kantri, publik mani na nogat luksave long ol lo i stap insait long Nesenel Eksekutiv Kaunsel em ol as long em nau long iusim sia bilong praim minista.

Em i tok pasin we Mista Skate i wokim long mekim sampela bikpela disisen em yet wantaim nogat gutpela toktok wantaim NEC i no bihainim lo we i karamapim NEC na ol dispela samting i putim kantri long trabel. Olsem na i gutpela long Mista Skate long risain, Mista Dion i tok.

Em i askim tu ol nesenel lida bilong Is Nu Briten na ol G17 memba bilong Niugini Ailans rijon long lusim tingting long pati grup na vot long nupela gavman we bai lukautim gut kantri na pipel.

"Long wankain taim, mi singaut long ol nesenel lida bilong Is Nu Briten olsem Memba bilong Kokopo Sir Rabbie Namaliu, Nakikus Konga memba bilong Gazelle, Gavman Francis Koimanrea, Alois Koki memba bilong Pomio na memba bilong Rabaul Sir John Kaputin na olgeta memba bilong G17 long Niugini Ailans long lusim tingting long ol politikel pati ol i stap long en na vot long nupela gavman we bai lukautim gut intres bilong dispela kantri na pipel long lewa bilong en.

"Kantri bai i gutpela tasol olsem lida bilong en. Na sapos em i gat nogat lida, kantri bai no gutpela tu", Mista Dion i tok.

Ol Kavieng LLG memba laikim moa mani

I MAS gat strongpela faundesen, gutpela woklain na gutpela opis na ol mesin pepa samting long karimaut ol wok bilong Provinsal Gavman Rifom insait long kantri, Minista bilong Komes na Industri na memba bilong Kavieng lan Ling-Stuckey i bin tok.

Em i wokim dispela toktok taim em i bin go wokim wanpela lukluk raun i go long ples Bura we i stap long Is kos Kara-nalik eria long Kavieng las wik.

Mista Ling-Stuckey i tok sapos i nogat gutpela fanding sapot na plening long daunbilo i go antap, dispela rifom bai no inap go gut.

"Plening i mas stat long daunbilo wantaim ol Vilis Plening Komiti (VPC) insait long olgeta ilketoret long kantri bikos sapos dispela i nogat, rifom sistem bai i pondaun," em i tok.

"Hau bai ol memba bilong VPC insait long ol longwe ples long kantri husat i nogat opis, pawa, ol steseneri na ol save woklain i karimaut wok olsem i stap aninit long mama lo bilong ol Provinsal na



• lan Ling-Sruckey wantaim ol woklain bilong VCP long Karanalik, Is Kos Kavieng.

Lokol Level gavman?" Mista Ling-Stuckey i tok.

Em i tok bikos ol LLG i no kisim inap mani long tilim i go long ol VCP memba

long karimaut wok bilong ol, VPC insait long ol ilketoret long provins i no ron gut.

Na ol pipel i nogat laik long stap insait long nupela gavman rifom.

Misis Kuypers dai long Goroka Air Link balus birua

WANPELA meri Bogenvil na tupela narapela lain bilong em i bin dai taim Air Link balus i bin pondaun na bagarap long Goroka long las wik Fonde.

17 pipel wantaim pailot i bin dai long dispela birua we i mekim namba tu birua Air Link i bungim long dispela yia. Long mun Epril long dispela yia, 11 pipel i bin dai taim narapela Air Link balus i pundaun long Bialla, Wes Nu Briten provins.

Nem bilong meri Bogenvil em Margaret Kuypers na em i bilong Buin long Saut Bogenvil. Narapela tupela em tambu meri bilong em N Kuypers husat i tambu meri

bilong Margaret na pren bilong em C. Harmsen. Tupela i bilong kantri Holan long Yurop.

Ol i bin go long Goroka long lukim pikinini bilong Margaret Marisha husat i skul long Aiyura Nesenel Hai skul.

Kuypers famili i gat nem na luksave long Bogenvil. Peter Kuypers, man bilong Margaret em i bilong Holan na em bin go olsem wanpela sios leiman wantaim Katolik Sios long Bogenvil na wok long hap long longpela taim.

Bihain em bin maritim Margaret husat i wanpela skul tisa na ol i gat faivpela

pikinini. Mista Kuypers i bin dai insait long taim bilong bikpela pait long Bogenvil long yia 1991.

Bipo long ol trabel long Bogenvil, Kuypers famili i bin gat wanpela gutpela holsel na riteil kampani/stoa ol i kolim Makossi Entaprais we ol bin ranim klostu long Tubiana katokim Misin long Kieta insait long Sentrel Bogenvil.

Kuypers famili na kampani bilong em i save givim gutpela sapot i go long ol skul, moa yet Rigu na Asitavi hai skul. Na tu long sios na ol arapela sariiti wok long Bogenvil.

WANTOK

NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA YIA 52 NIUSPEPA

| PLES | AIR |
|-----------------------|-----------|
| PNG | K 60.00 |
| Ostrelia na Nu Silan | US\$46.00 |
| Esia Pasifik na Japan | US\$55.00 |
| Amerika na Yurop | US\$95.00 |



Bogenvil pipel laikim independens

STRONGPELA sapot i stap long Bogenvil i kisim independens tasol rot long kisim dispela i mas kamap isi isi long pasin bilong gutpela toktok na i no pait pasin.

Presiden bilong Bogenvil Pipels Kongres (BPC) Joseph Kabui i bin tokaut long dispela wik bihainim wanpela bung we ol BPC na ol arapela Bogenvil lida i holim long Arawa. "I gat bikpela sapot olsem Bogenvil bai kisim independen yet. Tasol BPC i luksave olsem samting ya bai no inap kamap nau. Em mas bihainim sampela rot. Wanpela gutpela rot long bihainim long bungim dispela as tingting em long toktok na i no long rot bilong pait.

"Kongres i luksave olsem i gat ol hevi we i stapim Bogenvil long kisim independens hariap tasol ol (Bogenvil) lida i bilip olsem bai yumi kamap wantaim sampela ansa. Kongres i no laik wokim ol hait toktok o plen tasol em i sapotim open dua polisi," Mista Kabui i tok. Long bung bilong BPC long Arawa, ol bin makim wanpela komiti we bai karimaut ol toktok i sut long Bogenvil na pasin politik long bihain taim wantaim Nesenel Gavman. Mista Kabui i tok BPC i yunaitim ol pipel

bilong Bogenvil gut nau na olsem taim i stret na rait long holim ol toktok long stretim hevi long ailan.

"Wantaim luksave ol pipel i givim long mi na BPC, ol wok redi long ol toktok long lida na ol opisel level i go het gut long provins. Mi bilip wankain samting i wok long kamap long Waigani," Mista Kabui i tok.

Em i tok bung long Arawa i bin sut long ol tok politik we em (BPC) bai bihainim, taim em i toktok wantaim Nesenel Gavman.

Long wankain taim, Nesenel Gavman i redi long sindaun na toktok na lukluk long ol samting we ol Bogenvil lida i kamap wantaim.

Toktok we Wantok i kisim long wanpela gavman mausman i tok "Mi bilip Mista Kabui bai sindaun na toktok wantaim gavman na luksave long sampela kain politikel setelmen taim Ona i strong long Bogenvil i kisim independens kwiktam tasol.

"Taim yumi skelim tingting bilong tupela man, ol i laikim independens long Bogenvil. Tasol Kabui i laikim rot bilong sindaun na toktok wantaim Nesenel Gavman taim Ona i nogat," mausman ya i tok.

Boda pipel laik helpim na pinisim ol boda trabel

FELIX RAMRAM i raitim

OL PIPEL i mas stap insait long delegesen bilong bung na paitim tok-tok long bihain taim sapos Papua Niugini na Indonesia gavman i laik lukim ol trabel na ol pasin bilong holim manmeri nating i pinis.

PNG na Indonesia Papagraun Asosiesen Seketeri Paul Kimson i bin mekim dispela toktok long Sandaun long las wik.

Mista Kimson i tok PNG na Indonesia i mas luksave olsem mipela inap long helpim tupela long paitim toktok wantaim ol OPM pait-

man bilong wanem mipela olgeta i wan blut.

Em i tok tu olsem gavman bilong PNG na Indonesia bai luksave tu olsem ol inap helpim OPM na Indonesia long stretim wari bilong ol.

Em i tok pasin bilong holim manmeri pas i no wanpela nupela samting long toktok long en.

Em i tok dispela i mas namba foa o 5-pela taim dispela samting i kamap tasol nogat arapela kantri i luksave long dispela pait bilong OPM long kisim independens.

Em i tok tu olsem ol boda pipel i no laik lukim ol ausat lain i go insait long taim bilong trabel na yusim fos na sampela samting long bagarapim tingting na bel bilong arapela

Operesen Selamat i pretim ol boda pipel

Operesen Selamat we ol Papua Niugini Difens Fos Na plis i bin mekim long kisim ol 11 manmeri husat ol OPM i bin holim insait long boda, i mekim ol pipel long ples Schotiao i pret, nogut wanpela samting bai kamap long ol.

Long wanpela pas ol pipel i bin raitim i go long gavana bilong Sandaun John Tekwie long dispela mun, ol i laik bai gavana i tokim ol stret, sapos sampela hevi bai bungim ol long bihain taim.

Pas i tok olsem ol i no klia long wanem gavman ol i stap aninit en long las 30 yia i go pinis, ol i wok long bungim planti hevi na trabel we ol dispela hevi i wokim na planti bilong ol i dai pinis.

Long dispela pas, dairekta bilong Schotia papagraun Franz Jibu i tok, ol i stap aninit long tripela pawa em

PNG, Indonesia na OPM na taim OPM i kamapim trabel long hap bilong Indonesia, ol pipel i save karim hevi bilong ol tu.

Em i tok tu olsem, long Operesen Selamat, wanpela bikman bilong OPM i dai na bai ol i kisim hevi tu long dispela.

Mista Jibu i tok sindaun bilong ol long boda eria i gat bikpela pret long ami bilong tripela ap na dispela pret i stap wantaim ol ples manmeri olgeta taim.

Em i tok tu olsem bilong wanem PNG i wok'long sapotim independens bilong ol arapela kantri taim em i no sapotim pait bilong ol Melanesian pipel insait long Wes Irien. Dispela tasol bai pinisim OPM trabel na bai ol i ken sindaun gut olsem olgeta man insait long PNG.

Nupela intanesenal bas stap bai kamap long Sandaun

SANDAUN Grin Distrik PMV Asosiesen bai kamapim wanpela intanesenal bas stap insait long provins long mekim isi long ol manmeri na turis husat i laik go long Jayapura.

Presiden bilong Asosiesen Peien Aloitch i tokaut long dispela projek long miting ol i bin holim long mun i go pinis.

Mista Aloitch i tok tu olsem asosiesen i luksave olsem nau long dispela taim, planti ol turis i save yusim gavman ka o baim ol arapela ka long wokim ron bilong ol i go insait long Jayapura. Em i tok olsem taim olgeta samting i stret, bai olgeta bos bilong PMV i mas mekim dispela wok namel long taun na

boda lait haus.

"Ples bilong kisim bas i go na kam bai long dispela bas stap tasol," em i tok.

Mista Akloitch i tok pei bilong bas bai K20 long wanwan turis na manmeri husat i laik go long Jayapura na tu asosiesen bai makim de bilong ol PMV long ron.

Aitape rot i bagarap

Ekting Distrik Edministreta na Siaman bilong Aitape Distrik Disasta Komiti, Martin Salmartin i tokaut long dispela olsem rot i bagarap na i wok long stapim ol wok bilong kirapim bek sindaun bilong ol manmeri long Aitape.

Mista Salmartin i tok ol i wok long painim mani insait na ausait long kantri long stretim rot bilong wanem dispela rot em wanpela

tasol long karim ol sevis i go insait.

Em i tok: "Dispela em rot i go long ol eria we tsunami i bin daunim na sapos yumi no stretim olgeta samting bai olgeta samting i bagarap."

Long wankain taim ol ples lida i bung long autim ol wari bilong ol long dispela rot na laikim gavman i mas stretim dispela rot.

ADAM ELLIOT i raitim

ROT i go long Aitape i bagarap bihain long bikpela ren i bin pundaun na Wara Yalingi i bin kam antap stapim ol sevis i go long ol ples tsunami i bin bagarapim.

Indonesia bas i go long Vanimo

SANDAUN pipel i laikim ol bikman long painim aut long husat i givim tok orait long tupela bas pulap long Indonesia ami we i bin go insait long Sandaun Taun.

Sandaun Wes Kos lida Wegra Kenu i tok ol pipel long Sandaun i no amamas long lukim tupela bas pulap long ami i kam raun olsem insait long taun olsem na ol i singautim Minista bilong Foren Afeas na Sekuriti Kaunsel sapos ol i save long dispela o nogat na tu sapos ol i givim tok orait long 28 Mei long bas i kam

insait.

Mista Kenu i tok ol i les pinis long planti paul i kamap aninit na namel long ol man i gat pawa na sapos investigesen i painim aut husat i mekim dispela rong disisen long larim bas bilong arapela kantri i kam raun insait ol i mas rausim ol long wok.

Em i tok tu olsem em i gat bilip olsem tok orait i bin kam long Kastams na Imigresen long Wutung insait long Sandaun na i no long Mosbi.

Em i tok olsem sapos tok orait

i bin kam long Mosbi dispela tupela bas bai i kamap wanpela o tupela de bihain long toksave i kisim Sandaun.

Ol mama long maket i pret na sampela i lusim kaikai bilong ol long maket na ronawe taim ol i lukim dispela tupela bas.

Mista Kenu i tok tupela bas i opim rot namel long Sandaun na Jayapura long ai bilong ol man na ol man i kisim tingting olsem ol i ken go raun long Jayapura wantaim ol kar bilong ol.



LAND CRUISER 4WD UTE

Em i gat nem olsem wanpela strongpela kar. Land Cruiser 4WD Utiliti em i kar bilong mekim wok. Sapos yu nidim wanpela hevi duti Utiliti we i no inap hambag na inap kisim yu i go na kam bek gut.

Toyota Land Cruiser 4WD Utiliti i kisim sapot bilong Ela Motors Genuan Pats na Kwaliti Sevis long olgeta hap long kantri.

HARIAP
LIKLIK SAPLAI TASOL!

SUPA SPESEL
PRAIS BILONG KISIM
I GO LONG TOYOTA LAND
CRUISER LONG OLGETA
HAP BILONG
KANTRI.



EM6410A


KAM TUDE NA TOKTOK WANTAIM OL SELS TIM BILONG MIPELA LONG NAMBWAN OFA INSAIT LONG TAUN.

PORT MORESBY 3229400 • LAE 4722322 • KOKOPO 9829100 • RABAUL 9829188 • MADANG 8522188 • GOROKA 7321844 • MT HAGEN 5421888 • WEWAK 8562255
KAVIENG 9842132 • KIMBE 9835155 • TABUBIL 5489060 • VANIMO 8571254 • PORGERA 5479367 • KUTUBU 5496685 • BUKA 9839915 • LIHIR 9864099 • ALOTAU 6410100

Ela Motors

TOYOTA

Madang Nius



Madang gavman baim Kasakten Haus

BEN TAUMAI i raitim

BISNIS han bilong Madang Provinsel Gavman, Madang Developmen Koporesen i baim wanpela haus long K500,000 long helpim Madang Provinsel Gavman long bringim moa sevis i go long ol pipel.

MDC i bin baim Kasakten Haus bilong Stimsips long las wik Mande. Long dispela taim, bos bos bilong Stimsips i givim ki long gavana na MDC siaman, Jim Kas.

Mista Kas i amamas na tok tenkyu long ol bod memba na menesmen bilong MDC long hat wok ol i bin

mekim long baim dispela haus. Mista Kas i tok: "Olsem politikel het bilong provins mi wok long driman longpela taim long dispela na nau em i karim kaikai. Mi amamas tru."

Em i tok olsem ol operesen bilong MDC long planti yia i kam i bin gutpela long wanem, em i save helpim gavman wantaim mani long givim sevis i go long pipel insait long Madang provins.

Haus Kasakten bai wanpela flek keria bilong MDC na provinsel gavman long gutpela hap em i stap.

Mista Kas i tok olsem MDC bai wokim ol wok bilong em long Kasakten Haus bilong karim moa

mani i go long gavman long helpim long sampela astingting bilong em.

Em i tok tu olsem sampela bisnis bilong ol arapela gavman long ol arapela provins i bruk daun pinis tasol Madang na Is Niu Briten provinsel gavman tasol i gat gutpela gavman bisnis.

Ol i wok long painim sampela we gen long karim planti mani i go insait long provins na givim gutpela gavman sevis i go long ol manmeri olsem 85 pesen husat i stap long ol bus ples long Madang.

Mista Kas i salensim MDC long lukautim na ronim dispela bisnis long save bilong ol. Long dispela taim, em

i tok sori long ol manmeri long wanem rong em i bin mekim na go long haus kalabus na mekim ol pipel bilong Madang i sem.

Em i tokaut long ol pipel olsem em i bin kisim pinis pen long kalabus long dispela rong em i bin wokim na em i tok em bai no inap wokim narapela rong ken.

Ol narapela manmeri husat i stap wantaim Mista Kas long dispela bung em, Madang Taun Mayor, Steven Amansaik, MDC Deputi Siaman, Nallon Der, Stimsips Treding Kampani Nesanel Propeti Menesa John Bob na Menesa bilong Saut Pasifik Benk, Ken Dunn.

Sekim wok
bilong Aitape
Tsunami
Komiti

**FELIX RAMRAM
i raitim**

OL PIPEL long Aitape ke senta i singautim ol bikman long sekim wok bilong Aitape tsunami Komiti long mani na ol samting ol i bin kisim na givim aut.

Dispela tok i kam bihain long ol pipel insait long ke senta i wok long lukim sampela lain i gat ol samting we ol lain i no inap gat insait long sotpela taim.

Samuel Tasig i tokim Wantok olsem ol i save long ol man husat i holim wok wantaim Aitape komiti taim tsunami i bin bagarapim ol man long las yia na long lukim ol i gat ol samting i kos bikpela mani i mekim ol pipel i mekim planti askim.

Em i tok olsem i mas gat wanpela bikpela wok lukluk i go insait long ol mani na ol samting ol man i bin givim long ol pipel insait long Aitape.

Mista Tasig i tok tu olsem sampela samting olsem kemera, redio, masin bilong wokim wara kol, spot lait na ol narapela samting ol i givim long ol lain husat i kisim bagarap ol i no nidim.

**Madang Plis i
holim 6-pela
kalabus**

JOHN DAU i raitim

PLIS long Madang i holim 6-pela long ol 27 kalabus husat i bin ronawe long Beon haus kalabus long Madang long las mun.

Provinsol Plis Komanda Benjamin Simanjon i tok olsem ol i sasim olgeta long ronawe long han bilong lo taim ol i gat yet taim bilong ol long haus kalabus.

Mista Simanjon i tok, Tobias Nabi i bin stap 9pela yia na 7pela mun long kisim mani wantaim samting bilong pait, Peter Kawa i sevim 18 yia long kisim mani wantaim samting bilong pait na yusim kar wantaim nogat tok orait, David William na Bonny Dickson tupela wantaim i gat 7 na 8 yia long wokim pasin nogut long ol meri. Nem bilong narapela tupela em i no givim bilong wanem ol i go long kot.

Em i tok olsem ol kalabus husat i ronawe i man nogut tru na ol plis i wok long painim ol yet. Mista Simanjon i tok ol i kisim pinis gutpela toksave long wanem hap ol arapela kalabus i stap. Em i tok: "Mipela bai go long ol dispela hap na holim ol."



• Ol mama bilong Mindere ples we Highlands Pacific Limited i laik wokim fektori bilong Nikel na Kobal i amamas long fektori i kamap tasol ol i pret planti hevi bai kamap tu. Foto: Wenceslaus Magun.

Paramed gat ol nupela haus

JASON TAU i raitim

KOLES bilong Alait Helt Sains long Madang bai kisim wanpela nupela haus bilong ol skul meri long slip na wanpela tu stori klasrum bilong ol sumatin long skul. Ol bai wokim dispela tupela nupela haus bihain long Asian Developmen Bank i givim sampela mani long dispela koles.

Din bilong ol sumatin bilong dispela koles Andrew Tuka i tok, prais bilong dispela tupela nupela haus bai i klostu long K1 million.

Mista Tuka i tok dispela nupela haus bilong slip bai i gat ol wanwan rum bilong wanwan sumatin na nupela tu stori haus ya bai i gat foapela klasrum insait.

Wanpela kampani long Mosbi i statim wok pinis long wokim dispela tupela nupela haus long mun i go pinis na ol bai pinisim long namba 9 mun o namba 10 mun long dispela yia.

"Ol klasrum na ol haus bilong ol sumatin i stap klostu long skul na ol i go ras na go olupela na nau mipela i amamas long dispela nupela haus long dispela skul," Mista Tuka i tok.

Woksap insait long Aitape bai helpim ol yut

DAIOSIS bilong Aitape Wok Sambai Senta i holim tripela wik woksap long helpim ol yut lida long stretim ol wari na kamapim ol gutpela manmeri insait long ol komyuniti bilong ol.

Long dispela woksap, 45 yut long arapela provins i i bung long kisim ol save we bai strongim na helpim ol yet na tu ol i ken strongim wanwan komyuniti bilong ol taim ol i go bek.

Man husat i go pas long woksap Joe Apam i tok em i taim ol yut lida i bungim arapela na kamap strong long wok bilong ol. Mista Apam i tok woksap bai helpim ol long save long ol yet, ol wanem kain manmeri na

wanem samting ol i ken wokim long bihain taim. Em i tok: "Olsem ol yut lida ol i mas save long stretim sindaun o wari bilong ol yut bilong ol yet taim ol i bungim hevi long famili o yut laip bilong ol."

Em i tok tu olsem nau long dispela taim sampela yut wok long spak, smukim spak brus na wokim planti bikhet pasin. Ol samting olsem bai i no inap helpim ol long kamap olsem gutpela manmeri.

Mista Apam i tok planti yut i nogat astingting long laip bilong ol na dispela i wanpela bikpela hevi long ol komyuniti bilong yumi olsem na ol wok long ronim dispela woksap.



Hailans Nius

Mapi kisim tok salens

PETER MAIME i raitim

FAMILI bilong Dick Mune i singaut i go long Plis Komisina, Peter Aigilo long rausim Provinsal Plis Komanda, Sief Suprintenden, Samson Mapi na putim em long narapela provins.

Famili bilong Mista Mune i tok olsem Mista Mapi i no mekim gut wok bilong em. Ol i tok Mista Mapi na ol plis manmeri i no bin stap long ples kraik long soim rispek taim ol i kisim bodi bilong Mista Mune i kam aut long haus sik.

Mista Mune em olpela rijinol memba na gavana bilong Sauten Hailans. Em i bin dai long wanpela ka eksiden namel long Nipa na Mendi long las mun.

Sampela maus man bilong Nipa, ples bilong Mista Mune nau i stap long Mosbi i

tok tu olsem Mista Mapi i bin resis long 1997 nesenel ileksen long winim sia bilong rijinol memba na em i gat sampela laik long wok politiks bilong provins.

Mista Mune i bin ron long bik moning long go long Hagen na bihain kisim balus i go long Mosbi taim em i bungim dispela birua.

Em i bihainim kot bilong em agenimis Gavana, Anderson Agiru long Waigani Suprim Kot.

Mista Mapi i tok dispela toktok famili bilong Mista Mune i sutim long em i no stret. Em i tok em i no politisen, em i wanpela pablik sevan.

Em i tok sapos ol pipel bilong Nipa i no laikim em, em i laikim ol.

Mista Mapi i tok em i no gat bel kros long Mista Mune o famili bilong em.

Ol famili bilong Mista Mune i no laikim em wantaim ol plis manmeri long givim gad ov ona o long stap long lotu bilong

Mista Mune, em i tok.

Em i tok ol famili bilong em i rong taim ol i tok olsem, em wantaim ol plis manmeri i no stap long dispela bung bilong soim sori long Mista Mune.

Mista Mapi i tok planti ol bikman long provins tu i no go long soim rispek long Mista Mune.

Em i tok wanem samting i kamap long Mendi Ragbi fil i tanim kamap olsem wanpela politikel rali na i no olsem lotu o bung bilong soim sori.

Em i tok em i bin sanap long ileksen long 1997 bikos lo i orait long ol pipel bilong PNG long resis.

Em i tok nau em i no politisen tasol wanpela pablik sevan, na plis komisina i makim em long lukautim wok bilong plis long Sauten Hailans.

Em i tok plis komisina i no longlong na salim em i go long provins.

Taipoid sik go daun

JOE KANEKANE i raitim

NAMBAWAN dokta bilong Goroka Jenerel haus sik i tok olsem ol wokman bilong haus sik i wok long daunim sik taipoid bihain tasol long planti sumatin bilong Goroka Bisnis Koles i kisim dispela sik.

Dokta Peter Asuo i tok em i amamas long lukim sik i stap tasol long ol lain husat i kisim dispela sik na i no surik i go long ol narapela lain.

"Mi ken tok olsem mipela i wok long daunim dispela sik isi na long ol wik i kam bai mipela inap long pinisim dispela sik we ol sumatin bilong dispela skul i wok long bungim," Dokta Asuo i tok.

Em i tok narapela samting i helpim ol wokman long daunim dispela sik em rot we dispela sik i save kamap long en.

Dokta Asuo i tok ol pikinini i bin painim sik long wanem wanpela kuk i no bin lukaut long klinim em yet pastaim long em i redim kaikai bilong ol sumatin.

"Sapos ol sumatin i bin painim sik long wara, bai planti ol lain long Goroka taun i kisim dispela sik tasol, ol lain long Goroka taun i no kisim sik, ol sumatin long dispela koles tasol," Dokta Asuo i tok.

Long dispela ol i glasim i go na lukim olsem wanpela bilong dispela ol kuk i bin gat dispela sik na em i karim raun. Taim em redim kaikai em i no bin wasim han bilong em.

"Sampela wok painim aut i stap wantaim ol lain long planti hap na sapos mipela i kisim ol bekim i kam bai mipela i ken save tru long wanem samting i kamap. Tasol mipela i save husat i karim dispela sik raun na mipela i daunim pinis," Dokta Asuo i tok.

Plis bai bagarapim ol strongpela dring

PLIS long Hagen bai bagarapim klostu long 200 katen OP spirit we i hait na go long provins.

Sampela lain i bin odaim dispela ol strongpela dring long Lae na kisim i go long provins long salim. Tasol plis i kalabusim dispela kago trak i kisim ol dring taim sampela lain long Lae i toksave i go pas long ol plis long Hagen.

Ol lain husat i odaim ol OP dak ram dring i giaman long doket olsem ol i pulamapim stoa kago long trak.

Hagen Distrik Kot i sasim draiva bilong dispela kago trak long K500 na odaim ol plis long bagarapim dispela 200 katen OP dak ram spirit.

Provinsal Plis Komanda, Wini Henao i tok ol i wetim ol kot opisal long kam wantaim kot oda pepa bai ol plis i kapsaitim long graun o brukim ol dispela strongpela dring.

Ol dispela dring nau i stap long banis bilong plis.

Mista Henao i askim ol pipel long noken mekim kain hait pasin bikos i gat sampela lain i stap bai toksave long plis, na plis bai painim aut yet.

Westen Hailans i gat tambu long salim bia na ol strongpela dring long provins. Ol ples we ol manmeri i ken go baim bia na arapela strongpela dring long dring em long ol hotel tasol.

Kot i makim Ambane olsem gavana

SIMBU nau i gat wanpela gavana bilong ronim provins.

Rijinol memba, Pater Louis Ambane i kisim bek wok bilong em olsem gavana bilong Simbu.

Nesenel Kot long las wik Fraide i tok olsem sia bilong gavana em samting bilong Pater Ambane i no bilong Memba bilong Karamui Nomane, Simeon Wai.

Taim Pater Ambane i lus long Suprim Kot long 1998 olsem wanpela memba bilong palamen, Simbu Provinsal Asembli i bin makim Mista Wai long kisim sia bilong gavana.

Pater Ambane i bin win gen long bai ileksen na i go kisim sia bilong em bek tupela wik i go pinis taim provinsal asembli i bung. Tasol Mista Wai i tok Pater Ambane i rong long bungim ol memba bilong provinsal asembli long votim em bek olsem gavana na kisim em i go long kot.

Tasol Nesenel Kot i tok Mista Wai i kisim sia taim dispela wok i stap nating. Em i tok taim provins i makim Pater Ambane olsem rijinol memba gen na kamap olsem memba bilong nesenel palamen, dispela wok bilong gavana i no moa stap nating.

Olsem na kot i askim Mista Wai long lusim wok olsem gavana bikos Pater Ambane i gat rait aninit long lo long kisim sia bilong gavana.

Bai-ileksen bungim hevi

JOHN DAU i raitim

VOT long Isten Hailans bai-ileksen i bin bungim sampela liklik hevi long taim vot i bin stat long Mande.


Tasol Provinsal Ritening Opisa Kala Rawali i tokaut olsem gutpela sekyuriti bilong ol plis long Isten Hailans bai daunim ol hevi.

Mista Rawali i tok olsem long Goroka distrik, ol manmeri husat nem bilong ol i no stap long 1997 komon rol i bin laik bikhet liklik. Lo i tokaut klia olsem ol lain nem bilong ol i no stap long komon rol bai i no inap long vot.

Insait long Goroka tu, tripela man i bin bagarapim ol balot pepa, haus bilong ronim ileksen na sampela liklik samting olsem ol pepa na pen.

Em i tok long Henganofi, ol sapota bilong wanpela kendidet i bin katim ia bilong sapota bilong narapela kendidet.

Mista Rawali i tok klia olsem olgeta liklik hevi we ol i bin bungim i stap long han bilong plis.



• Ol meri Goroka i singsing tumbuna na go givim sapat long kendidet bilong ol long taim bilong bai-ileksen. *Poto: Sape Metta.*



BOROKO MOTORS
Heading for the future!

Waigani drive & Cameron road Gordons Phone: 325 5255

Namba wan yus kar dila insait long Papua Niugini taim yu laik baim nupela yus kar bilong yu, noken abrusim namba wan yus kar dila bilong yu. Boroko Motors long Pot Mosbi i go pas long salim ol yus kar long 6-pela mun olgeta. 100 lain i baim ol yus kar i no inap mekim asua. Joinim ol arapela na baim gutpela kar.



SEDANS - WAGONS - UTILITIES - DUAL CABS - COMMERCIAL TRUCKS - 4X2 AND 4X4'S




BANK OF PAPUA NEW GUINEA

THE NEW 50 KINA POLYMER BANKNOTE NUPELA 50 KINA PLASTIK MONI 50 KINA PLASTIKI MONI MATAMATANA

The Bank of Papua New Guinea will issue a new 50 Kina polymer banknote. This banknote incorporates advanced security features to help protect our currency from counterfeiting, and retains many of the familiar design elements of the paper banknote. Please take a moment to become familiar with the security features detailed below.

Bank bilong Papua New Guinea bai kamapim nupela 50 Kina plastik moni. Dispela moni i gat ol nupela sekuriti mak bilong helvim lukaut long ol GIAMAN MONI. Na tu, dispela nupela 50 Kina plastik moni i gat wankain ol mak olsem i stap pinis long pepa moni. Plis luksave gut long ol sekuriti mak mipela i stori long daunbilo.

Papua New Guinea ena Banika Badana ese 50 KINA PLASTIKI moni matamatana beha lasiamu. Ina moni lalonai na sekuriti toa matamatadia danu mimia, ita ese baita ita tao MONI KOIKOIDIA GARIDIA. Ina 50 KINA PLASTIKI moni laulauna toadia momo na 50 KINA PEPA monina ida hegeregere. Ina moni matamata ena sekuriti toadia na henu kahana ai - Mani emui kara ba itadia namonamo.



**FRONT
PES
VAIRA**



**BACK
BAKSAIT
MURI**

LOOK FOR THESE FEATURES

FRONT

1. Slightly raised printing "50", National Crest, Legal Tender clause and words "Bank of Papua New Guinea"
2. Offset printing (flat printing) used for multi-coloured patterns
3. See through front to back shape (when held up to light), register to form a cross
4. Slightly raised printing of Parliament House, with micro printing of words "50 Kina"
5. Shadow image of BPNG Logo (viewed when held up to light)
6. Clear window with printed Bank logo and "50 PNG" micro lettering
7. Embossed "50" numeral in clear window
8. Optical thread "PNG 50", viewed when held to the light (both sides of the note)
9. Signatures fluoresce when viewed under UV light
10. Serial numbers fluoresce when viewed under UV light
11. Invisible fluorescent "50" numeral patch, visible under UV light

BACK

12. Slightly raised printing of Michael Somare
13. Slightly raised printing of "50", kakar spears, and micro-printing of "Papua New Guinea"
14. Slightly raised printing of head-dresses from several provinces
15. Latent image of "50" which appears when viewed from an angle close to horizontal
16. Visible fluorescent pattern, visible under UV light

LUKLUK GUT LONG OL DISPELA SAMTIN

PES

1. Namba "50" Nesenel Mak bilong Papua New Guinea na toktok olsem "Legal Tender Throughout Papua New Guinea" na "Bank of Papua New Guinea" i stap antap liklik na i kamap klia.
2. Level printin i mekim kamap ol kainkain kala.
3. Taim holim antap long lait na lukluk long pes i go long baksait dispela mak "+" (kros) bai kamap.
4. Piksa bilong Palamen Haus na rait bilong "50 KINA" yu nap lukim klia sapos yu holim klostu long ai bilong yu.
5. Piksa bilong BPNG yu i nap lukim taim yu holim antap long lait.
6. Klia plastik windua wantaim BPNG Mak na nem "50 PNG" ol i raitim liklik tru.
7. Namba "50" kamap gut tru long klia windua.
8. Taim yu holim long lait bai yu lukim wanpela lain. Dispela lain i gat liklik rait bilong "PNG 50" i stap long en.
9. Signature i soaut tru aninit long U.V. lait (Blupela Sekuriti Lait).
10. Namba bilong moni i soaut gut tru, aninit long U.V. lait (Blupela Sekuriti Lait).
11. Namba "50" yu nonap lukim tasol bai i soaut gut tru aninit long U.V. lait (Blupela Sekuriti Lait).

BAKSAIT

12. Piksa bilong Michael Somare i stap antap liklik.
13. Namba "50", Sup Sup bilong Kakar, na nem "Papua New Guinea" i stap antap liklik.
14. Ol bilas blong het bilong sampela provins i stap antap liklik.
15. Namba "50" i stap hait, i ken kamap taim holim level wantaim ai bilong yu.
16. Ol narakain makmak i soaut gut tru aninit long U.V. lait (Blupela Sekuriti Lait).

INI TOA NA BA ITADIA NAMONAMO

VAIRA

1. Ehetore gaudia "Imahui" (50), "Logohu manuha gaba ida" "hahemomokani gauna" (Legal Tender), "Bank of Papua New Guinea" na taidia eheabi isi.
2. Asi ehe abi isi eiava muri laulaudia na kala momo bona laulau toretore idaidau ai ehalasidia.
3. Vaira bona Muri, bema diari kahanai ba duduia isi neganai barohaia uru korosi (+) na heto.
4. Hebou rumana badana (Parliament) laulauna maji "50 Kina" revareva maragi maragidia ida na taidia eheabi isi.
5. PNG Banika badana ena revareva kwaranai ebetoremu laulauna (Logo) na mia, bema diari henunai ba duduia isi neganai.
6. Roha hanai gabamauru raonina ta na mia, lalonai na PNG Banika badana ena revareva kwaranai ehe toremu laulauna (Logo) bona "50 PNG" revareva maragi maragidia na mimia.
7. Roha hanai gabamauru lalona ai "50" danu ehetore vareai.
8. Vaira bona Muri, diari kahanai ba duduia isi neganai "PNG 50" ehetore varo maragi maragina ta latana.
9. Saini makadia na bae kiama bema paoa kala diari (U.V. light) henuna ai ba itaia neganai.
10. Numera danu bae kiama bema paoa kala diari (U.V. light) henuna ai ba itaia neganai.
11. Imahui "50" na ehetore to basio itaia diba, a bema paoa kala diari (U.V. light) henunai ba duduia isi neganai ba itaia diba.

MURI

12. Michael Somare laulauna na sisina ehe abi isi.
13. Imahui "50", "Kakar edia io" bona Papua New Guinea ehetore maragi maragi revarevadia danu sisidia eheabi isi.
14. Kwara heradia laulaudia gabu haida amo danu sisidia eheabi isi.
15. Imahui "50" na baine hedinarai bema bavabia palaka neganai.
16. Laulau toretoredia haida na bekiama mu bema paoa kala diari (U.V. light) henuna ai bavatoa neganai.

Aitape pipel laik lukautim graun

ADAM ELLIOT i raitim

OL program ogenaia bilong Aitape Daiosis na ol asples bilong Aitape i bin wan bel pinis long holim wanpela kibung bilong wokim wanpela grup bilong ol yet long ples bilong ol. Ol i plen long kolim dispela grup olsem 'Lokol Developmen Asosiesen' o sapos nogat ol i laik kolim 'Risos Ona Asosiesen'.

Ol i laik wokim dispela grup bilong stretim we bilong stap fri na mekim ol samting olsem bai ol diwai na ol arapela samting long ples i stap gut long yusim long bihain taim.

Maus man bilong dispela grup i tok 70 maus man bilong ol wanwan komyuniti i bung na ol i bin wan bel na plen long holim dispela kibung bilong kamapim dispela grup bilong ol.

Long 24 Julai, ol bai bung gen bilong wokim sampela moa toktok long ol diwai na ol narapela samting olsem bataflai long pulim ol pipel bilong ol narapela hap long PNG na ol pipel bilong ol narapela kantri i go insait long ples bilong ol. Em i tok tu olsem ol i plen long toktok long wokim ol liklik komiti insait long dispela asosiesen bilong ol.

Sampela pipel i tok olsem ol i no redi long wokim dispela kain grup tasol ol i laik dispela tingting bilong wokim dispela grup na ol i laik i go bek gen long wanwan ples bilong ol na toktok wantaim ol pipel bilong ol long kamapim maus man bilong ol.

Namel long ol, sampela toktok ol i bin wokim i kirapim tinting bilong stretim sampela wari i stap namel long ol asples wantaim ol kampani bilong katim ol diwai long bus bilong ol.

Maus man ya i tok, dispela plen bilong ol long kamapim grup bilong ol i kamap long tupela yia i go pinis taim Aitape timba mil i bin yusim ol kainkain nupela masin bilong katim diwai. Em i tok olsem, ol i laik kampani long yusim gut ol masin bilong ol taim ol i katim diwai na lukautim gut ol narapela diwai.

Dispela maus man i tok olsem ol bai tokim ol asples man olsem ol bai helpim ol long kain wok olsem wokim gutpela wok painim long ol diwai na ol arapela samting bilong lukautim gut ol diwai na ol arapela samting bilong yusim long bihain taim.

Em i tok ol i bin tokim ol komyuniti long no ken lukluk tumas long ol diwai. Maus man ya i tok ol i tokim ol asples long lukluk long ol arapela samting olsem wokim bataflai fam bilong grisim ol lain bilong ol narapela hap ples bilong PNG o ol lain bilong ol narapela kantri long go insait long ples bilong ol.

Tutmouna askim gavman long luksave long sios

JASON TAU i raitim

BISHOP bilong Yunaited Sios long Bogenvil rijin, Bishop Tutmouna Himata i askim ol gavman na ol bisnis long PNG long luksave long wok bilong sios insait long Bogenvil long kirapim bek gutpela sindaun bilong ol pipel.

Bisop Himata i mekim dispela toktok taim Orogen Minerals limited i givim K10,000 i go long Yunaited Sios long Bogenvil rijin long las wik i go pinis.

Em i tok bihain long trabel i bin kamap long Bogenvil, planti wok olsem wokim rot, wokim haus na stretim hevi bilong mani i bin stap

tasol, sios i bin wok long stretim laip bilong ol manmeri na pikinini bilong kirapim bek gutpela sindaun long ailan.

Em i tok, ol hevi olsem long Bogenvil i no save kamap nating. Dispela kain hevi olsem long Bogenvil i save kamap long tingting bilong ol man.

"Ol kainkain hevi mipela i save bungim long komyuniti bilong yumi i no save kamap bikos man i no gat mani, klos, kaikai o gutpela ples bilong stap. We bilong wokim pasin nogut na hevi long mani i save kamap long pasin bilong ol man yet. Ol man i no save laikim narapela long bosim ol na tu ol i no stap klostu wantaim God na olsem

birua i save kamap," Bisop Himata i tok.

Em i tok: "Sapos man i givim lewa bilong em stret long God, em bai stap klin na em bai i mekim gut long komyuniti we em i save stap long en."

"Tasol sapos man i nogat wanbel pasin wantaim ol arapela man na em i no pogivim ol na tu em i no gat laik bilong God, em bai i no inap stap fri long gutpela komyuniti we em i save stap long en."

Bishop Himata i tok, sapos man i no wanbel wantaim birua bilong em na em i no go klostu long God na wok bilong yusim planti mani long wokim ol kain wok olsem haus, rot, bris na ol arapela samt-

ing bai no inap helpim long kirapim bek gutpela sindaun long ailan.

"Papa God i wokim man na em tasol i ken yusim Holi Spirit bilong em long senisim tingting bilong ol man stap wanbel long komyuniti bilong ol," Bisop Himata i tok.

Em i tok sios i bin mekim ol planti yut long Bogenvil i tanim bel na i stap gut stret long komyuniti bilong ol na ol i skulim ol narapela ol pipel long wanbel long kirapim bek gutpela sindaun insait long nupela komyuniti bilong ol.

Bisop Himata i tok tenkyu long Orogen Minerals Limited na i tok, sios bai yusim skel bilong em long kirapim gutpela sindaun bilong nau na bilong bihain taim.

Pata Antonine Senta mekim gutpela wok



• Dispela piksa soim wanpela long ol dispela pikinini husat i save kisim helpim long Pata Antonine Senta bihain long em i bin kisim bagarap long Aitape tsunami. Foto:Wenceslaus Magun.

PATA Antonine Senta long Aitape i ronim wanpela program bilong helpim ol pikinini na manmeri long komyuniti husat i nogat lek, han na i aipas na iapas.

Wanpela wokman bilong Pata Antonine Senta, Charles Monane husat i bin wok olsem 7-pela krismas i tok, sevis bilong dispela program long dispela senta i gutpela moa yet na em i gat 87,000 manmeri long olgeta ples we Pata Antonine senta i save wok long en.

Dispela program bilong kirapim bek gutpela sindaun long dispela senta long Aitape em i wanpela gavman polisi long helpim ol manmeri na pikinini husat i painim hat long toktok wantaim narapela manmeri, painim hat long harim toktok bilong narapela manmeri, painim hat long lukim ol samting na painim hat long wokabaut.

Mista Monane i tok, taim ol i statim Pata Antonine senta long 1997 i kam inap nau em i save skulim ol tisa, lida bilong ol komyuniti na ol i save go bek long ples na skulim ol papa mama na brata susa husat i stap wantaim wanpela manmeri o pikinini husat i gat asua long we bilong toktok, wokabaut,

harim, lukluk na holim gut ol samting nambaut.

Em i tok, taim ol i statim dispela senta, ol i bin wok insait long Aitape tasol nau ol i wok long planti hap olsem long Lemieng na i go antap olsem long Malol na i go olgeta long Serang.

Mista Monane i tok dispela program em i wanpela nupela program na ol i no bin i gat inap save man long statim dispela program tasol ol i bin kisim ol nupela wokman. Em i tok tu olsem, ol i bin go long ol ples na askim ol man meri long ples long spotim dispela program.

Em i tok planti lain i laikim stret dispela program taim ol i statim Pata Antonine senta.

"Mipela bai yusim save bilong mipela yet long ples na bung wantaim ol save mipela i kisim taim mipela wok long helpim ol manmeri long ples," Mista Monane i tok.

Mista Monane i tok ol i bin mekim ol sampela lek nogut i wokabaut na ol i save gut tru long wok bilong dispela komyuniti bes wok bilong kirapim bek gutpela sindaun bilong ol lain lek, han i bruk o ia na ai i pas.

TU MINT TINGTING

Ol Bikman tu i save tingting krangi

1902: "Samarin em i wanpela longlong samting. I no gat wok bilong en. Insait long en bai ol man i dai aninit long wara." Tasol tude yumi gat sampela tausien samarin na ol i ran gut.

Long yia 1946 wanpela bikpela saveman bilong wokim ol muvi, em i tok bilas long ol video olsem: "Video em i samting bilong pilai tasol. Bihain long 6-pela mun olgeta pipel bai les long en, na ol bai tromoim i go." Tru, a? Nau bihain long 50 yia - em tude tasol

- yu ting dispela tok bilong bikman ya i tru, o nogat? Olabo, em i rong olgeta.

Wanpela bikpela jenerel bilong kantri Frans, nem bilong em Marshal Foch, em i tok olsem long yia 1911: "Ol balus ol i bilas nating. Ol i samting bilong hambak na pilai tasol. I no gat wok bilong kain samting olsem long taim bilong woa." Tru, a? Hamas tausien balus i bin bomim PNG long woa?

Long yia 1870 Presiden Hayes bilong Amerika i bin tok

olsem: "Telipon em i samting bilong pilai tasol. Tasol tude i gat telipon long olgeta kantri long graun.

Ol dispela eksampel i soim olsem wanem na ol tingting na aida bilong ol dispela man i bin popaia olgeta.

Sapos yu gat wanpela gutpela tingting o aida, yu no ken wari bikos sampela manmeri i egensim yu na ol i tok bilas long yu. Ol i bin mekim olsem long ol aida bilong Jisas tu. Maski. Yu go het tasol wantaim God, na bai yu win.

wantaim



Tude yumi inap lukluk i go bek na yumi inap painimaut olsem: sampela bikman bilong bipo i bin popaia tru long tingting na tok profet bilong ol.

Long yia 1943 hetman bilong bikpela IBM kampani i bin tok olsem: "Ating i gat wok bilong 5-pela kompyuta tasol long dispela graun. Maski long wokim sampela moa; bai no gat man i laik baim." Olabo! Tude i gat planti milion kompyuta long olgeta kantri bilong graun.

Wanpela man i gat biknem bilong raitim ol buk, em H.G. Wells, i bin tok olsem long yia

Lae Nius

Gavman givim K7.4 milion long Morobe

FRANCO NEBAS i raitim

MOROBE Provinsel Gavman i kisim tasol K7.4 milion long Nesenel Gavman long pes 6-pela mun.

Dispela em aninit long hap mak bilong olgeta mani gavman i skelim long Morobe long dispela yia.

Insait long Tutumang asembli miting las Trinde, Gavana Luther Wenge i tok olsem K7,408,800 we provins i bin kisim long Januari i go long Jun i makim 42 pe sen bilong

olgeta mani provins bai kisim long Nesenel Gavman.

"Nesenel Gavman bai givim yet K10,266,000 we i moa long olgeta K17,674,800 em i givim long Morobe," Mista Wenge i tok.

Em i mekim dispela toktok las wik taim em i givim ripot bilong Morobe Provinsel Gavman baset i go long Morobe Tutumang.

Ol namba bilong mani Mista Wenge i tokaut i soim olsem provins bilong em i kisim K2.4 milion long administresen gran long pes 6 mun long dispela yia na hap

mani K1.5 milion i stap yet we Waigani i mas givim.

Ripot Mista Wenge i givim i soim olsem long dispela taim, provins i kisim K840,900 long skul subsidi we i hap bilong olgeta subsidi gavman i givim i go long Morobe. Gavman i givim K583,100 long Lokol Level Gavman sekatariet na K172,500 bilong dispela mani i stap yet.

Ripot i soim olsem Lokol Level Gavman na Viles Sevis i kisim K665,900 na arapela K2,150,700 bilong dispela mani em ol i no kisim

yet. Taun sevis gran i kisim K332,500 na i sot long K582,600. Morobe Distrik Sapot gran i kisim K744,000 na i sot long K1,476,000.

Ripot i soim olsem Infrastraksa gran i kisim K810,400 we em tu i sot long K2,006,200. Sios helt sevis i kisim K983,300 tasol ol i sot long K1,508,700.

Ripot i tok, olgeta mani bilong Distrik Sapot gran bilong nambawan kwata bilong dispela yia em K774,000 tasol ol i kisim K86,000 tasol.

Tupela man i kisim bagarap long pait

TUPELA man i stap nau long Angau Haus Sik bihain long bikpela pait long boda bilong Morobe na Oro provins.

Morobe Provins Rurel Plis Kodineta, Inspekta Simon Yipam i tok, dispela pait i bin kamap long ples Sowera we papagraun i pait wantaim ol lain bilong Oro provins.

Ripot i kam long Morobe Patrol Pos i tok wanpela asples man bilong Sowera i bin spak na i go long Ambesi ples long Popondetta sait we ol lain long Oro i paitim em.

Ripot i tok, dispela man i go bek long ples na kisim ol wantok bilong em na ol i go stonim haus bilong ol dispela lain. Orait ol lain Ambesi i go pulimapim tripela bot na i go kamap long ples bilong man Morobe long tu kilok moning long Tunde na sut long gan na ronim ol pipel long ples i go long maunten.

Mista Yipam i tok tu olsem, em i no amamas long ol Oro pipel long wanem ol i no rispektim Morobe gavman taim ol i mekim dispela pasin.

Nau yet Mista Yipam na ol plisman i go na stap long Sowera long stretim toktok namel long ol tupela ples i gat birua.

Mista Yipam i tok, administreta bilong Morobe provins, Ainea Sengero i harim pinis dispela hevi na i no amamas.

Long wankain taim, presiden bilong Morobe Lokol Level Gavman, Gumi Merere i tokim Wantok olsem em i no amamas long ol pipel na gavman bilong Oro.

Mista Merere i tok, dispela hevi em i no bilong nau tasol. Ol pipel long Oro i save mekim kain pasin olsem planti taim pinis. Na dispela i soim olsem ol i nogat rispek long pipel bilong Morobe na gavman bilong ol.

Em i tok long sampela hevi bipo we i save kamap, taim plis bilong Oro i save go, ol i no save mekim wanpela samting. Dispela i no gutpela, long wanem ol tu i no rispektim pipel na gavman bilong Morobe.

Mista Merere i tok olsem olgeta pipel bilong Sowera nau i ronawe i go antap long maunten long Wareo.

Em i tok ples i stap natim wantaim ol birua. Olsem na em i singaut strong long plis long Oro na gavman long stretim dispela hevi.

Ples Sowera i gat samting olsem 3000 pipel. I gat ol man i kam long loging kampani na ol arapela ples bilong Oro provins i stap long dispela ples.

Raskol pasin kamap bikpela long Watut

OL PIPEL bilong Watut long Morobe provins i wok long bungim planti hevi bilong raskol pasin.

Morobe Provins Rurel Plis Kodineta, Inspekta Simon Yipam i tokaut long dispela hevi long las wik.

Mista Yipam i tok olsem raskol pasin i bin kamap bihain long ol raskol i traim long holim wanpela papa bilong stua husat i go long Lae na kisim kako bilong em long go long ples.

Papa bilong stua i kisim kako na ron long dingi bihainim wara Markam i go antap taim, em i bungim dispela hevi.

Samting olsem 10-pela man i traim long stapim dingi bilong em long ples Zezaf we em i abrusim ol na ol i sutim em long han bilong em wantaim gan.

Mista Yipam i tok dispela man i kisim bikpela bagarap na i stap long haus sik nau.

Em i tok ol man husat i save long dispela ol lain wantaim ol plisman bai go na mekim wok painim aut.

Mista Yipam i salensim ol Wampar kaunsel long sanapim wanpela plis stesen long wanem, dispela hevi bilong raskol i kamap em i no nupela samting. Planti raskol pasin i bin kamap bipo pinis.

Samting olsem 10,000 pipel i stap long dispela eria, namel long Watut antap na Lowa Watut.

Mista Yipam i tok sapos plis stesen i sanap bai helpim tu ol wokman bilong nupela gol main long Wafi.

Ol pipel bilong dispela eria i save yusim dingi na bihainim wara Makam i go antap long ples bilong ol.



• Praim Minista Bill Skate i go lukluk raun long Morobe Provins wantaim Minista bilong Agrikalsa na Laipstok, Tukape Masani. Mista Skate em wanpela eks sumatin bilong Unitech.

Nogat faundesen yia enjiriering kos

STEVEN BUSIN i raitim

EKEDEMIK bod bilong Yunivesiti Bilong Teknoloji (Unitech) long Lae i rausim pinis faundesen yia bilong enjiriering kos bihainim wanpela tingting bilong Faundesen Yia Enjiriering Komiti.

Tasol ol sumatin i mekim namba wan yia bilong ol long enjiriering kos bai go het yet long kisim skul bilong sampela kos ol enjiriering

sumatin i save lainim na tu wan o tupela arapela kos dipatmen bilong ol i laikim ol i mas kisim skul long en.

Ekedemik Pro-Vais Sansela, Dokta Philip Siaguru i tok astingting bilong dispela nupela program em bilong kirapim bikpela resis pasin namel long ol dipatmen long kamapim gutpela kwaliti bilong edukesen insait long ol enjiriering kos ol i save tisim long Unitech.

Siaman bilong Faundesen Yia Enjiriering Komiti, na Het

bilong Mekenikel Enjiriering Dipatmen, Profesa Satter, i tok bipo komiti bilong em i save kisim ol sumatin bilong mekim faundesen yia enjiriering program. Tasol nau ol i givim wok i go long ol Enjiriering Dipatmen long kisim ol sumatin.

"Dispela bai givim klia tingting long wanwan Enjiriering Dipatmen long save stret amas sumatin i mekim namba wan yia enjiriering kos," Profesa Satter i tok.

Em i tok bipo ol sumatin i stadi long faundesen yia enjiriering, i no inap save long wanem kain kos ol i laik stadim olsem: Sivil Enjiriering, Ilektrikel Enjiriering, Maining Enjiriering, Mekanikel Enjiriering o Minerel Proses Enjiriering. Nau ol bai i gat kliapela tingting long stat bilong skul bilong ol long yunivesiti na ol bai stat stret long wanem kain kos ol i laikim.

Asples Morobe mas bosim redio Morobe

GAVANA bilong Morobe Provins, Luther Wenge i laikim Nesenel Brodkasing Koporesen (NBC) long makim asples man Morobe yet i lukautim redio Morobe.

Mista Wenge i mekim dispela askim bihain long NBC i makim ol nupela man long go pas long ol redio stesen long kantri. Em i tok, olsem papa bilong provins, gavman bilong

em i no amamas long dispela senis we ol i makim man long arapela provins i kisim ples bilong man Morobe.

Mista Wenge i tok, man long arapela provins i no save gut long laip stail bilong ol pipel long Morobe na olsem wanem em bai wokim gut wok bilong en.

Em i askim ol bosman bilong NBC long luksave

long man asples yet long wanem, planti ol bos husat i kam na go pinis i no mekim wok olsem dispela asples Morobe husat i mekim gutpela wok tru.

Mista Wenge i askim NBC long kisim bek disisen bilong ol long makim nupela bos na putim gen man husat i stap nau. Em i tok Morobe Provinsel Gavman i

save putim mani long ronim redio Morobe long wanem redio Morobe em wanpela we tasol ol pipel long Morobe provins i save kisim o harim ol toksave na nius o wanem samting i kamap long kantri.

NBC i makim pinis NBC Menesa bilong Wewak, Tony Waine long kisim ples bilong Maok Kekelam.

Butibam helt senta i pas

FRANCO NEBAS i raitim

BUTIBAM helt senta long Lae i pas las wik bihain long ol raskol i brukim na stilim ol samting. Samting olsem 20,000 pipel i stap long ples klostu long dispela helt senta bai kisim taim bikos helt senta i pas.

Long Fonde las wik, ol sik manmeri i go bek long haus bihain long ol i painim aut olsem haus sik i pas.

Dispela i kamap long wanem ol stilman i brukim klinik long Sande nait na stilim wanpela ais bokis we ol nes na sista i

save putim ol marasin. Ol i bagarapim ol samting long mak bilong K400.

Eking Distrik Helt Edministreta, Sista Rose Wengi i tok, "Dispela ol marasin i bagarap nau long wanem ol i mas stap insait long ais bokis."

Em i tok sapos nogat em i mas kisim nupela marasin.

Long wankain taim, ol stilman i stilim wanpela patrol bokis wantaim sampela ol strongpela marasin na kapok.

Sista Wengi i tok, ol stilman i go insait long helt senta bihain long ol i katim banis waia na katim lok. Taim ol i go insait, ol i opim tupela dua long helt senta na i go insait na stilim ol samting.

Em i tok wanpela bilong ol rum ol stilman i go insait em nupela famili plening

wing we wol benk i bin putim mani long wokim. Kos bilong dispela wing em K30,000 na ol i opim long Epril dispela yia.

Lae Distrik Edministreta Patilias Gemato i tok dispela em namba 9 taim nau ol stilman i brukim dispela helt senta.

"Dispela i no nambawan taim. Ol komyuniti mas kamap wantaim ol dispela stilman o nogat bai klinik bai pas yet i stap. Mi askim ol komyuniti long wok bung wantaim na givim nem bilong ol dispela lain we mipela i ken sasim ol," em i tok.

Sista Nellie Taleng husat i go pas long Helt Senta i tok, "Dispela hevi em tupela o tripela man tasol i mekim na olgeta bai kisim hevi nating."

Morobe laikim patrol sistem

MOROBE provins bai kamapim gen patrol bilong ples olsem long taim Ostrelia na Jemen gavman i bin lukautim Papua Niugini.

Presiden bilong Komyuniti Afeas, Bob Dadae i muvim mosen long las wik Trinde insait long Tutumang asembli olsem ol i mas bringim bek viles patrol sistem long provins.

Mista Dadae i kamapim dispela tingting bihain long em i lukim ol sevis bilong helt, edukesen, na ol arapela sevis i no go long ol pipel olsem long bipo.

Em i tok, "Long koloniel de, distrik edministreta o ol kiap i save mekim wok patrol i go long ol ples long sekim sevis i go long ol pipel."

"Bihain long kantri i kisim indipendens, long 24 yia, helt sevis i no go long ol pipel. I luk olsem gavman i lus tingting long ol pipel."

Em i tok long dispela as, em i laikim Tutumang i mas kamapim gen dispela patrol sistem.

Presiden bilong Wantoat Lokol-Level Gavman kaunsel, Bazakiel Gamanduli i sekenim dispela mosen na Tutuman i pasim.

Mindere pipel givim Basamuk graun long ELCPNG



• (L-R) Ol mausman bilong ELCPNG husat i bin harim toktok bilong ol pipel bilong Mindre em: Eking Fainensel Kontrola bilong Kambang Holdings Zaba Kewaing, Menesing Dairekta bilong Kambang Holdings Joe Inara, Nesenel Lens opisa bilong ELCPNG Serengo Narengo na Seketeri bilong Lens na Propeti Dipatmen bilong ELCPNG John Kumang. Foto: Wenceslaus Magun.

Aninit long Seksen 32 bilong Land Ordinance 1922-1941, Edministreta bilong Teritori bilong Niugini, L. Walter Ramsey McNicoll i givim wanpela hap blok graun long Mindre i go Luteran Misin Madang. Bikpela bilong dispela graun Posen 109/110 em, 81.3 hekta. Na Luteran Sios i baim dispela graun aninit long taitel Agrikalsa Lis graun.

Long wankain taim long nem bilong Evanjelikal Luteran Sios bilong Papua Niugini, misinari John Henry Fred Kuder bilong Luteran Misin Madang long Lae, i bin baim wanpela hap blok bilong graun bilong ol pipel bilong Mindre long 10 Me, 1967. Em i baim wanpela Frihold graun long Medise klostu long Mindre ples. Bikpela bilong dispela graun Frihold em 25.7 hekta.

Tude i Highlands Pacific Limited i laik wokim fektori bilong Nikel na Kobal long dispela hap graun we ELCPNG i bin baim dispela graun long ol papagraun.

Planti toktok i kamap pinis namel long ol papagraun, Highlands Pacific Limited, Madang Provinsel Gavman na ELCPNG long stretim toktok bilong dispela ol blok graun.

Sampela wik i go pinis, ol mausman bilong ECPNG i bin go long Mindre na kisim tingting bilong ol papagraun sapos ol i wanbel yet long pasin ol tumbuna bilong ol i givim dispela ol blok graun long ELCPNG. Insait long dispela kibung, ol papagraun na ol pipel bilong Mindre i wanbel long pasin ol tumbuna bilong ol i mekim. Ol i sainim wanpela pepa we ol i givim tok orait long ELCPNG long go het na lukautim dispela ol blok graun bilong ol taim kampani i go insait na mekim wok. Long wankain taim ol i askim ELCPNG long skelim wanem kain win mani na ol arapela sevis i go long sios i go daun long ol papagraun bai ol tu i ken kisim sevis na kamapim gutpela sindaun bilong ol.

ADB givim US\$7.6 milion long tupela provins

JASON TAU i raitim

OPIS bilong Nesenel Dipatmen bilong Agrikalsa na Laipstok, Nesenel Plening, provinsel administresen bilong Morobe provins na provinsel administresen bilong Isten Hailens provins i sainim pinis wanpela pepa na tok orait long yusim dinau mani we gavman i bin kisim i kam long Asian Developmen Bank (ADB) long wok agrikalsa long Morobe provins na Isten Hailens provins.

Taim ol sainim dispela agrimen long las wik Fraide, seketeri bilong

Agrikalsa na Laipstok, Ted Sitapai i tok, dispela projek em kam aninint long nupela rifom sistem. Em i tok gavman i bin kisim mani long ADB long helpim ol liklik agrikalsa wok long mekim i go bikpela na karim gutpela kaikai na mekim agrikalsa long ples i go bikpela. Em i tok, dispela projek bai i helpim ol manmeri husat i wok agrikalsa long planim na kamapim ol gutpela kaikai bilong kaikai long famili na bilong salim na kisim mani.

Mista Sitapai i askim administreta bilong Morobe na Isten Hailens long bihainim dispela pepa ol i sainim pinis na askim long wok gut wantaim ol wokman billong ol

long mekim dispela projek i kamap nambawan wok bilong ol. Em i laik lukim dispela i wok gut na karim kaikai.

Em i askim ol wokman long dipatmen bilong Plening na Treseri long mekim dispela projek kamap nambawan wok long helpim ol Morobe na Isten Hailens long taim ol i nidim mani long wokim wok.

Dairekta bilong Nesenel Plening, Joe Demas i tok, dispela projek mas wok gut bilong mekim ADB amamas long givim kain dinau mani olsem hariap long bihain, taim gavman i askim.

"Sapos dispela projek i wok, mi gat strongpela bilip olsem, em bai helpim ol pipel bilong yumi long

kisim gutpela kaikai, wokim gutpela mani na givim wok long ol lain bilong Morobe na Isten Hailens na dispela bai katim daun sampela mani we gavman i save givim i go long ol arapela kantri long karim ol kaikai i kam insait long dispela kantri," Mista Demas i tok.

Em i tok, sapos dispela projek i wok gut long Morobe na Isten Hailens, ol narapela provins bai kisim skel bilong ol na ol bai wokim foapela rijinol opis.

Em i askim administreta bilong Isten Hailens na Morobe long kisim man husat i gat save long wokim dispela projek.

Mista Demas i tok, gavman i bin givim US\$7,600,000 i go long dis-

pela projek bihain long em i bin kisim dispela mani long ADB na em i no isi long gavman long paim bek dispela mani.

Administreta bilong Morobe, Ainea Sengero na Administreta bilong Isten Hailens, Hanol Omenefa i tok tenkyu long nesenel dipatmen bilong agrikalsa na laipstok na nesenel dipatmen bilong plening long mekim Isten Hailens na Morobe long kamap tupela provins long kisim dispela 5 yia projek.

Tupela i tok tupela i bin plen pinis long kisim dispela projek na wok hat insait long provins bilong tupela long givim sevis i go long ol pipel.

BIG HI-WAY BEER

Paradise



SAUTEN RIJON RIPOT

Koiari pipel gat nupela dikseneri

KENNEDY EDENE i raitim

OL PIPEL bilong Koiari long Sogeri insait long Sentrel provins nau i gat dikseneri bilong tokples bilong ol yet.

Dispela dikseneri we em i kam uat nau em i liklik tasol. Bikpela bai i kam aut long yia 2001 o 2002.

Man husat i go pas long wok bilong tanim tok long dispela dikseneri Victor Dumo Tom i tok dispela dikseneri em Australian Nesenel Yunivesiti long Kenbera i wok long helpim em wantaim fanding na ol arapela samting.

Wok long tanim tok em Mista Tom yet i save wokim long Mosbi na bihain em i save salim i go daun long Australia long sekim na putim long kompyuta we em i save go daun long sampela taim bihain long sekim na stretim.

Mista Tom i tok em bin stap long Kenbera long faipela wik stat long Mas 21 inap long Epril bilong wokim sampela wok long dispela nupela dikseneri.

Em i tok wok em i go orait tasol na bai i go het inap long yia 2000.

Em i tok as long raitim dispela

tokples dikseneri em long mekim komyunikesen isi long ol pipel bilong narapela hap wantaim ol Koiari pipel, moa yet ol lapun manmeri. Na tu bilong yusim long elementeri skul insait long Sogeri eria na husat lain i laik lainim pasin kastom na kalsa bilong ol Koiari pipel.

Dikseneri ya bai helpim tu ol pipel long kliaim gut rot we tokples bilo g ol Koiari i save wok na ol bai kisim gutpela kaikai long en. Ol nupela lain bai lain long rit, rait, toktok na bai ol i klia gut long na i no inap long wokim asua taim ol i yusim dikseneri ya.

Nau yet, Mista Tom i givimaut sampela liklik dikseneri pinis i go long Itikinumu na Oगतana Elementeri skul insait long Sogeri yet na tu long ol sampel; a husat i gat laik long dispela buk. Em i tingting tu long kisim dikseneri ya i go long ol arapela skul long Koiari eria stat long elementeri inap long Sogeri Nesenel Hai.

Em i tok nau, yet i gat planti senis i wok long kamap na ol yangpela manmeri i wok long senisim stail bilong tokples na tokples i wok long senis isi.

"Long stapim dispela, kain samting long kamap, yumi i mas

redi long lainim ol pikinini na dispela tokples dikseneri em i gutpela long wokim dispela samting," Mista Tom i tok.

Dikseneri ya em ol i wokim long tupela hap na em long:

- Bai lingual we toktok bilong Koiari na mining bilong em ol i raitim long tok Inglis

- Mono lingual we ol toktok bilong Koiari em ol i raitim long tok ples yet.

Mista Tom i tok em i tingting long wokim tokples grama na tanim. Baibel i go long tokples Koiari tasol bipo em i go long mekim dispela samting, em i laik stretim Koiari dikseneri bilong mekim ol wok i isi long bihain taim.

I gat planti tok ples i stap insait long Koiari tasol ol i gat wanpela we olgeta i save yusim. Dispela ol tokples em Nanigo, Moroka, Ehaga bilong ol Maun Koiari spika, Korohi/Bareri, Omani. Hogeri na piu tokples Koiari stret.

Long nau yet, Mista Tom i wok long tanim tok long tupela tokples tasol. Em i yusim Hogeri tokples na tu Koiari tokples stret we em i gat planti samting i wankain wantaim long tokples Hogeri.

Sentrel na Milen Be bai holim bai ileksen

SENTREL na Milen Be provins klostu taim bai holim ol ileksen bilong makim ol man i go insait long Lokol Level Gavman bilong ol, opis bilong Elektorel Komisa Reuben Kaiulo i tok.

Dispela em ol bai ileksen we tupela LLG i wok long wet long en long sampela taim pinis, opis i tok.

Opis i tok ol bai givim aut ol opisil ileksen pepa klostu long pinis bilong

dispela mun o long stat bilong mun Julai.

Pepa ya bai i toksave long nominesen priet, taim bilong holim ileksen na taim bilong pinis na taim bilong kisim ol pepa i kam bek.

Komisina i singaut long ol vota na jenerel pablik long stap isi na noken kamapim trabel long dispela taim na larim ileksen i go het gut insait long tupela provins.


Putim lo long glasim ol wok manmeri long sik AIDS

GAVANA bilong Nesenel Kapitel Distrik Philip Taku i laikim bai i gat nupela lo long glasim olgeta manmeri i stap long Mosbi long sik AIDS.

Mista Taku i laikim bai olgeta kampani i glasim ol wok manmeri bilong em long sik AIDS, wankain olsem PNG Didens Fos i save wokim.

Em bin wokim dispela toktok long dispela wik Mande taim em i opim wanpela wik HIV/AIDS woksop long Mosbi. Woksop ya i bilong ol Sauten rijen.

Mista Taku i bin tokim ol lain long bung olsem PNG em i yangpela kantri na mak bilong ol manmeri na pikinini i no bikpela yet, em i wok long gro. Tasol em i tok em i pret bikos dispela sik nogut i wok long go bikpela kwiktam insait long ol komyuniti. Em i tok i wok bilong wan



• Philip Taku.

wan man long traim abrusim na pait egens long dispela sik.

As tingting long woksop em long :

- Riviuwim wok we ol distrik AIDS komiti i wokim;

- Karimaut ol wok long ol rot bilong abrusim na daunim dispela sik nogut; na

- Wokim ol plen we i gutpela long wan wan provins insait long kantri.

• Rex Hengy bilong Sialum long Morobe Provins i save wanem dring i gutpela long em. Em i baim wanpela kulau dring long Misis Toto Umenene bilong Hisiu Viles long Sentrel Provins.

Poto: Joe Ivaharia



Wara bilong laip

PETER MAIME i raitim

Yu bin traim wanpela kulau dring (wara bilong yangpela kokonas) o nogat?

Sapos nogat, traim wanpela nau. Dispela dring i swit na i naispela moa. Em tu i gutpela long bodi.

Yu ken painim kulau dring long ol maket long nambis. Ol kulau dring tu i gat mit long kaikai na i ken strongim bel.

Kulau dring tu i gutpela moa long ol pikinini. Em i nogat kala o sampela marasin i stap insait olsem ol narapela dring yu save painim long ol stua.

Nau prais bilong ol kainkain dring long stua i go antap. Dispela i mekim hat long ol kastoma i gat liklik mani long baim. Sapos yu wanpela bilong ol i painim hat long baim ol dring long stua; go long maket, baim wanpela kulau dring long 50 o 60 toea. Dispela i ken stretim wari bilong yu, taim nek bilong yu i drai.

YU GAT OL DISPELA HEVI O NOGAT?

- Nogat weahaus spes - Hevi long sekyuriti - Nogat kolstoa rum

Orait, Mipela i gat ansa bilong yu!

SIPING KONTENAS - DRAI NA I GAT FRISA

Contact:

Elizabeth Zorb, "THE CONTAINER LADY", Tradecorp International
Ph: 05 617 4956 6162 Fax: 05 617 4956 6501 Email: tradeco@easynet.net.au



Sakol em i wanem samting?

Viles Teknoloji wantaim ROSA KOIAN

SAKOL em i wanpela senis bilong paiawut. Man i save wokim long diwai. Sapos paia i kukim diwai, tasol diwai i no paia olgeta, na blakpela sit bilong diwai i stap yet, dispela em i sakol.

Sakol i winim paiawut long foapela samting:

- Sakol i no hevi tumas. Em i no hevi long man na trak i karim;

- Sakol i nogat smuk bilong em taim yu laitim long stov. Sospen tu bai i no inap kamap bilak;

- Sakol i no save sting; na

- Sakol bilong paia i save kamap hat tru.

Nau long dispela taim, ol timba kampani i save daunim planti diwai. Ol i karim as na namel tasol i go. Het na han i save stap long bus na sting nating. Sapos yu wokim sakol long em, bai dispela i ken helpim mama long haus kuk na i ken kamap wanpela wok bisnis bilong yu tu. (Tasol yu noken go katim nating ol diwai long bus long wokim sakol).

I gat gutpela wei bilong mekim sakol. Wan. Yu ken kukim diwai insait long narapela kain stov na pasim tuptup. Tu. Yu ken kukim diwai long ples nating na pasim long graun.

Yu ken wokim stov long brik o ain. Mipela i laik stori liklik long wokim long dram.

WOKIM SAKOL LONG DRAM

Tok bilong wokim long bikpela dram

Wokim tupela bikpela dram wantaim tuptup. Pulmapim paiawut na laitim. Bihain pasim tuptup na planti win i noken go insait. Sapos yu laik save moa long dispela rot, orait, askim ol opisa bilong bisnis developmen.

Dispela em i gutpela rot bilong wokim sakol. Tasol gutpela dram i gat bikpela pe. Na gutpela dram i hevi tumas long man i karim i go long bus. I mas i gat trenspot olsem ka o helikopta.

Tok bilong wokim long liklik dram

Yu ken kukim liklik sakol long olpela 200 lita dram tu.

Redim dram olsem:

Long het bilong dram, katim tupela hul, '15 by 15 cm' na rausim tuptup long tupela hul i stap long dram pinis. Bai i gat foapela hul olgeta. Dispela bai i kamap as bilong dram.

Nau rausim as bilong dram. Katim gut na bosim gut. Em bai i kamap tuptup. Tanim dram na dispela i kamap maus bilong em. Sanapim dram antap long tupela hap paiawut inap long liklik win inap i go insait long hul taim yu kirapim paia.

Redim diwai olsem:

Rausim skin. Diwai i ken drai o diwai i ken stap nupela. Tupela wantaim i orait.

Katim i go sotpela inap long sais bilong dram. Brukim go liklik, sapos em i bikpela diwai. I no ken winim skel bilong 15 cm. Katim sampela diwai i go sotpela bilong pulmapim i go insait long dram taim paia i kukim hap diwai pinis.

Nau pulmapim nupela diwai long dram. Lainim gut. Em i mas

pas na pulap tru, maski planti spes stap nating.

Tok bilong laitim na bosim paia

Laitim paia long namel. Taim paia i lait gut, Putim as bilong dram i go antap, olsem tuptup. Lukluk gut long smok. Planti waitpela smok tasol em i gutpela. Paia i no lait bikpela tumas. Liklik smok tasol em i no gutpela. Paia i no lait inap, o paia i lait bikpela tumas.

Orait foapela rot i stap bilong bosim paia na bai smok i kamap waitpela tasol:

- Kisim as bilong dram bipo yu bin katim. Putim tuptup. Dispela i pasim win bai paia i no inap lait bikpela tumas;

- Sapos dispela i no wok moa long wokim smok i waitpela, orait, sakim dram i go i kam. Dispela i sakim ol diwai i go paspas ken na i pasim win long paia. Mekim olsem inap long dram i hat gut na waitpela smok i laik slek;

- Orait, nau rausim tupela hap paiawut aninit long dram na sanapim long graun nating; na

- Wanpela aua na hap i pinis, orait, rausim tuptup. Pulmapim dram long sampela hap diwai moa. Putim tuptup gen. Sakim gen. Oltaim waitpela smok i mas kamap. Mekim olsem tasol i go bai dram i pulap long diwai i lait gut tru na i retpela olgeta.

Tok bilong pasim win olgeta

Taim smok i pinis na diwai i lait retpela i stap, orait, pasim win olgeta. Nogut paia i pinisim diwai. Tripela rot i stap:

- Man bilong salim stori i kam em i tok: Putim tuptup. Holim pasim long hap diwai. Slipim dram na tanim i sanap maus i go daun. Nau pasim arere bilong em long graun. Pasim foapela hul long antap tu. Pasim olgeta. Larim dram i sanap na i go kol. Orait sakol i redi;

- Ol man bilong raitim buk long tok Inglis ol i tok, olaman, nogut yu slipim hatpela dram na yu bagarapim sikin bilong yu. Long sampela kantri ol i kisim bikpela hap strongpela flet-ain na putim olsem tuptup. Slipim ston antap long em long daunim o go pas gut long dram. Arere bilong dram i mas stret, inap long pasim win gut.

Larim dram i sanap na i kol, orait, sakol i redi nau.

Narapla tok i kamap bihain. Katim hul long sait, na silipim dram. Bai i no hat wok long tanim maus i go daun.

Tok bilong skelim sakol

Kisim hap sakol na traime brukim long han. Sapos em i bruk na insait bilong em i

blak olgeta, orait, em i gutpela sakol. Sapos em i strong o sapos namel i gat hap diwai i stap yet, orait, dispela i no sakol yet. Kukim gen. Narapela wei bilong wokim sakol em i olsem:

- Hipim diwai long graun na karamapim long lip na graun. Larim sampela liklik hul tasol bilong kirapim paia. Bihain pasim ol hul long lip na graun.



COFFEE INDUSTRY CORPORATION LTD INDUSTRY AFFAIRS DIVISION

PRAIS BROADCAST WAN WAN WIK

| SUMMARY | | 21-06-99 | | 14-06-99 | | 21-06-99 | |
|------------------------------|------------------------------|----------|------------|----------|--|----------|--|
| Average prices (t/kg) as at: | | 21-06-99 | | Range | | 14-06-99 | |
| ARABICA: | | | | | | May | |
| Green Bean | Y1 | 505 | 500 to 515 | 476 | | 426 | |
| (DIS LAE) | Y2 | NQ | NQ | NQ | | NQ | |
| | X | 560 | 530 to 600 | 522 | | 475 | |
| | A | 593 | 560 to 620 | 554 | | 504 | |
| PARCHMENT: | | | | | | | |
| | Class 1 | 330 | 320 to 340 | 301 | | 266 | |
| (Factory Door) | Class 2 | 302 | 290 to 325 | 283 | | 249 | |
| | Class 3 | 292 | 280 to 305 | 254 | | 237 | |
| CHERRY: (Factory Door) | | 75 | to 75 | 75 | | 66 | |
| ROBUSTA: | | | | | | | |
| Green Bean | | NQ | NQ | 280 | | 268 | |
| Parchment | | NQ | NQ | 173 | | 157 | |
| Cherry Indicative | | N/A | N/A | N/A | | N/A | |
| NEW YORK "C" CLOSING | | 18-06-99 | | | | | |
| Other Mild Arabicas | | | | | | | |
| US cents/lb | | 106.8 | | 107.45 | | 111.8 | |
| One Kina=US\$ | | 0.331 | | 0.315 | | 0.393 | |
| Toea/Kg:- | | | | | | | |
| | Without discount/premium | 711.34 | | 752.02 | | 626.91 | |
| | With discount of 10 cents/lb | 624.75 | | 675.03 | | 570.86 | |
| Y-grade (Gross F.O.B. Lae)* | (1) | 624.75 | | 675.03 | | 570.86 | |
| Levy on (1) | (2) | 26.00 | | 26.00 | | 26.00 | |
| Y-grade (Net F.O.B. Lae)* | (1-2) | 598.75 | | 649.03 | | 544.86 | |
| Indicative | | | | | | | |

MAKET TOKTOK


Prais bilong kopi fiusa bilong Mun Septemba long Niu Yok i go daun 1% long las wik. As bilong dispela sampela sampela maniman long Niu Yok ol i bin lusim ol hap kopi fiusa bilong ol pastaim long taim bilong baim tru ol kopi kago.

Insait long PNG, prais bilong Y-Gret FOB i go antap 44% long las wik, na prais bilong DIS-Y Gret wantaim prais bilong parsmen kopi long faktori dua i bin go antap 25% tupela wankain. Mipela no inap kolim ol prais bilong Lae na Momase rejion bilong wanem ol telefon bilong ol i no wok gut.

Ol i bungim fiusa prais na eksens ret na kamapim FOB prais. Tasol prais bilong wan wan ekspota i no wankain.

| Prais long dua bilong fektori (t/kg) | | 21-06-99 | | 03-09-98/99 | |
|--------------------------------------|------------|-----------------|------------|----------------------|--------------|
| PARCHMENT RANGE | | | | Wik i stat: 21-06-99 | |
| AREA | CLASS 1 | ARABICA CLASS 2 | CLASS 3 | ROBUSTA | CHERRY RANGE |
| NATIONAL | 320 to 340 | 290 to 325 | 280 to 305 | NQ | -to 75 |
| KAINANTU | to 320 | -to 295 | NQ | | -to 75 |
| GOROKA | 320 to 340 | 290 to 325 | 280 to 305 | | -to 75 |
| KUNDIAWA | NQ | NQ | NQ | | NQ |
| MINJ/BANZ | -to 330 | 300 to 305 | -to 290 | | NQ |
| MT. HAGEN | NQ | NQ | NQ | | NQ |
| WAPENAMANDA | NQ | NQ | NQ | | NQ |
| LAE | NQ | NQ | NQ | NQ | |
| ASEKI | NQ | NQ | NQ | NQ | |
| MUMENG | NQ | NQ | NQ | NQ | |
| WAU/BULOLO | NQ | NQ | NQ | NQ | |
| WASU | NQ | NQ | NQ | NQ | |
| MADANG | NQ | NQ | NQ | NQ | |
| EAST SEPIK | | | | | |
| Robusta Cherry- Indi. | | | | | N/A |

1. CIC Ltd-Industri Afeas Divisen i save bihainim dispela mek long putim aut Maket Prais olgeta wik.
2. Eksens Reit: Mande US Dola T/T mak bilong mani egens Kina long PNGBC.
3. 1kg. = 220462 lb.
4. Prais bilong kopi long dispela wik ikam long prais bilong olgeta ekspota na prosesa long Mande wantaim prais bilong ol fiusa prais long las Fraide.
5. Long kisim moa toksave long dispela, askim Industri Afeas bilong CIC long telepon namba 732 1266.



Kakaruk ya i gat stail! ... • Noken ting dok

tasol em gutpela pren bilong man....kakaruk tu ya! Ben Ari bilong Gordons Flets i sindaun wantaim dispela kakaruk we i gutpela poroman stret bilong em. Nem bilong kakaruk ya em "Rooster" na em i gat 14 krismas. Em i save lukautim gut kakaruk ya olsem pikinini bilong em. Taim Ben i raun ausait long eria bilong ol o i go long stoa, Rooster i save bihainim em tu. Ben i bin painim kakaruk ya taim em i liklik yet. Em bin ting olsem kakaruk bai bikpela na famili i kaikaim, tasol nogat. Kakaruk i groap wantaim liklik pikinini bilong Ben husat nau i gat 14 krismas na i wokim Gred 2 long Wardstrip Demonstresen skul long Mosbi. Rooster i kamap gutpela pren bilong boi na famili. Em i save harim tok tu na famili i lukautim em olsem poroman o pet bilong ol. Nau Rooster i wok long go lapun na aipas. Ben i tok taim kakaruk ya i dai ol bai planim em gut olsem wanpela famili memba. Foto: Nicky Bernard.

i kam long las wik

Ol samting yu laik save long sik HIV/AIDS

Dring susu bilong mama bai kisim HIV/AIDS o nogat?

Sapos pikinini i dring susu long mama i gat HIV/AIDS, em i ken kisim HIV. Tasol susu bilong mama i gutpela long ol pikinini olsem na maski wanpela meri i gat HIV pinis, Wol Helt Ogenaisaisen i tok strong olsem ol i mas givim susu yet long pikinini.



Sapos ol mama i gat HIV pinis, olsem wanem long ol nupela pikinini ol i karim?

Ol pikinini bilong ol mama i gat HIV/AIDS pinis tu bai kisim wankain sik. Mama tu ken givim sik taim ol pikinini i dring susu bilong mama.

I gat tripela rot dispela i ken kamap:

- jem i ken go insait long pikinini taim em i sindaun long bel;
- jem i ken go insait long pikinini taim mama i karim long wanem i gat planti blut;
- na jem i ken go insait long pikinini taim em i dring susu bilong mama.



Natnat (moskito) na ol narapela binatang save givim HIV/AIDS?

No. Inap nau, ol dokta i no save wanpela man o meri i kisim HIV long natnat, laus na ol narapela binatang.

Nau ol dokta i save olsem HIV i no save raun wantaim natnat, laus o ol binatang bilong graun na insait long haus. Papa mama i ken gat HIV na ol binatang stap long haus ken kaikaim, tasol dispela ol binatang i no inap long givim HIV i go long ol nupela lain o pikinini bilong ol.

Ol dokta i save olsem sampela HIV save stap long sel bilong manmeri tasol i no save stap insait long sel bilong binatang. Olsem na ol natnat, laus na arapela binatang i no gutpela ples slip bilong HIV.

HIV i no olsem ol jem bilong malaria we i slip insait long natnat na kalap long narapela manmeri taim ol natnat kaikaim ol.

Inap ol nil na sirins bilong kisim sut givim HIV long ol manmeri?

Yes. Ol man o meri i gat HIV i kisim sut, orait blut bai pas long nil. Taim ol wok manmeri long haus sik i givim sut, orait ol i mas tromoi nil i go na yusim nupela long narapela sik man o meri. Sapos hap blut bilong wanpela man o meri i gat HIV i pas long nil na narapela i kisim sut long dispela wanpela nil, narapela tu i ken kisim HIV.

No ken kisim sut sapos ol nil na sirins i no klin gut. Wasim long blis wara na boiliim long hat wara.

Inap ol manmeri kisim HIV sapos ol i pilai wantaim ol arapela na blut kapsait?

Ol dokta i no save long wanpela man o meri husat i bin kisim o givim HIV taim em pilai wantaim narapela man o meri.

Em i tru sapos wanpela i gat HIV we blut i go pas long skin malomalo olsem insait long maus bilong narapela man o meri i pilai wantaim em. Tasol dispela pasin i no save kamap planti taim na i hat long narapela i givim o kisim HIV.

Olsem na sapos yu laik pilai wantaim ol arapela (olsem ragbi na boksing) we blut i ken kapsait, yu mas mekim olsem:

- wasim olgeta hap long bodi skin bin tekwe o i gat sua wantaim marasin wara bilong kilim gem (antiseptic) na pasim gut;
- Sapos blut kamap, lusim pilai, klinim sua long marasin wara long kilim jem na pasim gut;
- na mas pasim han long gumi bilong karamapim han taim yu helpim ol lain i kisim bagarap long pilai.

Bilong wanem na em i nogut long puspup wantaim meri bilong brata i dai pinis?

Long pasin tumbuna, brata i ken puspup wantaim meri taim brata i dai bilong karim pikinini long kamapim lain.

Em gutpela pasin long kamapim lain na bilong lukautim mama taim em i lapun tasol ol mas save gut olsem man ya i no dai long AIDS.

Sapos man i dai long sik AIDS, meri tu bai gat AIDS. Sapos em puspup wantaim narapela man orait em ken givim man ya sik AIDS tu.

I gat marasin bilong pinisim sik AIDS?

No. Planti saveman traim tasol ol i no painim yet wanpela marasin o rot bilong kilim indai sik AIDS. I gat sampela marasin long holim pasim HIV i no ken kamap bikpela hariap insait long bodi. Dispela ol marasin i no inap kilim jem bilong HIV tasol ol save mekim sik i no ken kamap bikpela hariap na givim taim long sik man long stap laip.

I gat ol sut marasin bilong HIV/AIDS?


No. Kam inap nau, nogat sut marasin long HIV/AIDS.

Mekim wanem na bai mipela no ken kisim sik HIV/AIDS?

Yu mas save gut long sik HIV/AIDS. Lukautim yu yet na famili, lainim ol pikinini long dispela sik bai ol i ken lukautim ol yet tu.

No ken puspup wantaim man o meri husat save raun na puspup wantaim planti ol arapela man o meri.

Em bai toksave long yu **POSITIVE** o **NEGATIVE** olsem yu gat **NokeHIV** o **nogat**





Pasin bilong miksim blis na wara i olsem wanem? Long taim yu putim wanpela kap blis long dis, yu mas yusim dispela kap na putim 9-pela kap wara go insait long dis, orait miksim gut. Dispela wara i gat blis i gutpela long wasim ol nil na sirins bilong kisim sut o naip na resa.

Bai ol nil, resa, naip na ol arapela samting i givim HIV?

Yes, sapos manmeri i gat HIV i katim skin long naip o resa, wokim hol long skin bai liklik blut i ken pas long dispela naip, resa o nil. Bihain sapos narapela man o meri i no wasim dispela naip, resa o nil wantaim marasin na katim o mekim hol long skin bilong ol, bai ol inap long kisim HIV.

Olsem na ol manmeri i no ken yusim wanpela naip, resa o nil long katim skin o putim kain makmak long bodi. Sapos planti lain laik yusim ol dispela naip, resa o nil orait ol mas klinim gut long blis o snow wait. Nogat blis, orait yu mas boiliim dispela ol naip, resa o nil long wara inap long 20 minit.



Ripot ya i kam long Helt Dipatmen. *Wantok* long tripela wik i putim aut dispela ripot bilong sik HIV/AIDS. Nau em las wik long putim aut dispela ripot. *Wantok* i amamas long bringim kain nius i go long ol ridas bilong em.

FRI BAIBEL KOS LONG PAS

I kam long wanpela pren long America sapos yu laikim fri kos salim nem na adres igo long:

WOL BAIBEL SKUL
WBS - PNG 12, P.O. Box 9346,
Austin, TX 78766 USA.


Bai yu save yu gat HIV/AIDS olsem wanem?

Ol bai sekim blut taim ol i rausim sampela blut bilong yu long haus sik. Ol HIV antibodi bai stap na dokta bai save yu gat HIV o nogat. Yu no inap sik yet tasol taim yu gat HIV jem long bodi yu bai givim jem long narapela manmeri.



1 Rausim blut long bodi bilong yu

TESTING LABORATORY



2 Salim i go long hausik laboratory



3 Sekim long hausik laboratory



4 Toksave go long man o meri husat i kisim test

spot Wilken



Nu Silan Moari soim pasin sori long Willie Gabriel

HENRY MORABANG i raitim

SAPOS wanem ol lain i lukim gem namel long Nu Silan Moari na PNG Residen Kumul bai mas amamas tru long pasin bilong ol boi Moari.

Bipo long bikpela gem long Pot

Mosbi, kepten bilong Moari Shaun Edwards wantaim ol lain i mekim pasin Maori long soim las rispek bilong ol long wanpela kumul pilaia husat i dai long balus i pundaun.

Ol i go daun na brukim skru na daunim het bilong ol. Orait kepten yet i mekim sampela kain danis olsem ol lain Oro i save mekim-

Na bihain em i kisim sampela lip na givim i go long kepten bilong PNG Residen Kumul Mark Mom.

Dispela em i namba wan taim tru wanpela ovasis tim i mekim dispela kain pasin long soim sore bilong ol long wanpela man i indai.

Na long ol pilaia yet, Wally

Lewis i bin takolim Darius Haili long 1982 Tes gem long Pot Mosbi. Taim Wally i takolim Haili, Haili i bin pundaun krangi na brukim lek bilong em ya. Na Wally yet i kirap na karim Haili i go aut long ragbi lig fi.

Dispela pasin bilong Wally i

mekim na em i pulim planti sapot stret long Papua Niugini long sapotim em na tu Queensland Maroons.

I tru em i pinis long pilai ragbi, Wally Lewis i gat bikpela rispek tru long ol spotman meri insait long kantri.

Ol ripot HENRY MORABANG i raitim

Buka redi long holim sempionsip

WANPELA ten nain (19) soka asosiesen insait long Not Solomon provins bai stap insait long provinsal soka sempionsip long Buka. Dispela sempionsip bai kamap long dispela wik Fraide.

Dairekta bilong tonamen Joseph Maineke i tok maskim hevi bilong trenspot, ol tim long Buin, Sial, Arawa/Kieta, Wakunai, Tinputz na Selau bai soim pes long dispela soka tonamen.

"Mipela ting dispela kompetisen bai kamap gut bikos ol tim i redim ol yet long dispela sempionsip," Maineke i tok.

Presiden bilong Bougainville Futbol Asosiesen Thomas Tomun i tok dispela provinsal sempionsip em asosiesep bilong em i go pas.

Dispela sempionsip em bilong mekim soka i kamap namba wan spot insait long provins na tu helpim strongim pasin bilong wanbel insait long komyniti.

"Mipela laik kamapim nem bilong mipela olsem wanpela strongpela soka senta insait long kantri. Na em i wanpela we bilong kamapim gutpela bel isi long wok bilong spot," Tomun i tok.

Urban na Haku Soka asosiesen bai kamap olsem tupela tim we i redi long winim taitel. Tasol ol i mas was aut long Arawa tim. Olpela pilaia bilong PNG Remi Manaha husat i osim tim Arawa bai kamapim strongpela o-

BOUGENVIL SOKA RIPOT

sisen stret ya.

Tomun i tok Bougenvil bai yusim dispela sempionsip long makim trenspot skwat bilong man na meri long stap insait long nesenele soka sempionsip long Septemba long Pot Mosbi.

Insait long arapela soka nius, tupela meri i stap namel long 100 man husat nau i sindaun long wanpela referi kos. Dispela referi kos em presiden bilong PNGFA Referi Asosiesen Paul Pondo na sinia nesenele instrakta Russel Tsuga i holim.

Pondo i tok dispela em i namba wan taim dispela kos i kamap long provins. Na em i amamas tru long lukim planti man na meri i kamap na soim laik long bringim bek soka long provins.

Misis Mana Kakrouts bilong Divisen bilong Komyniti Dvelopmen we i lukautim spots tu i tok olsem i gat ol hevi bilong mani tasol em i amamas long sapotim wok bilong spot ya.

Tomun i tokaut ol lain sindaun long kos long mekim gut wok bilong ol olsem namel man. Na em i askim olgeta husat i stap long kos long mas save gut long rul bilong soka bipo ol i ken mekim gut disisen bilong ol.

Namba wan wok bilong ol dispela lain referi em long lukautim provinsal sempionsip long Buka.

Ol senta bai kisim praismani

OL OPISEL bilong Papua Niugini Futbol Asosiesen (PNGFA) i askim olgeta soka senta husat i winim prais long noken rabisim wok bilong nesenele bodi.

Planti asosiesen i sutim tok olsem PNGFA i nogat mani na i no givim praismani long ol tim i win Guria (Lahi) na Telikom (POM). Tupela tim husat i pinis namba tu Rapatona (POM) na Elcom (Lahi) i no kisim yet prais bilong ol tu.

Ol opisel i bekim toktok taim Richard Nagai, kosa bilong Guria singaut long PNGFA askim long wanem taim em bai kisim prais na tropi.

Nagai i tok olsem klostu tripela wik nau na ol tim i wetim yet prais i kam long PNGFA. Na tu PNGFA i brukim pasin we i save kamap long olgeta sempionsip long i no givim tropi long strongpela tim.

Kosa bilong Guria i tok olsem ol tim i win bai kisim K500. Tasol ol opisel bilong Guria i tok ol i save olsem ol i mas kisim K1,500 na i no K500.

"Mipela i wok long wetim yet mani na mipela i no save wanem taim stret bai mipela i kisim dispela mani," Nagai i tok.

PNGFA RIPOT

Em i tok olsem dispela prais mani i liklik tru sapos ol i makim long hamas mani em ol i bungim long stap insait long dispela sempionsip.

Wanpela komiti memba bilong PNGFA Kathy Davani i tokim Wantok olsem ol klab bai kisim mani bilong ol long dispela wik.

Em i tok i gat gutpela rot bilong stretim ol dispela toktok na i no gutpela long ol i mekim toktok long niuspepa.

PNGFA i rait pinis i go long wanwan asosiesen we ol tim i win i memba long ol long tokim ol olsem prais mani bilong ol bai kamap long liklik tim.

Long sil bilong ol meri, ol meri Bara i no bringim dispela sil i kambek long PNGFA na ol i no inap mekim wanpela samting inap LFA i ken kisim dispela sil na givim bek i go long PNGFA.

Taim PNGFA i kisim dispela sil, em bai givim i go long Telikom klap long Pot Mosbi.

PNG Boksa bai kukim Vanuatu

SEMPION boksa bilong Saut Pasifik Lynch Ipera bai go pas long 12-pela boksa bilong Papua Niugini husat bai stap long boksing resis long Pot Vila, Vanuatu long makim Independens selebrens long Julai 30.

Sekretari bilong Morobe Amata Boksing Asosiesen Manoa Petueli i tokaut olsem Ipera em las minit boksa em ol i putim long tim. Planti ol sapota bilong boksing i laik lukim em i pait long ai bilong ol.

Ipera em i sempion boksa long 57kg divisen long Saut Pasifik. Em i winim bronz medal long Komenwelt Gems long Kuala Lumpur las ya.

Petueli i tok 7-pela boksa i kam yet long Lae, tripela long Pot Mosbi na tupela boksa long Rabaul.

Vanuatu Amata Boksing Asosiesen i salim dispela pas i kam long Morobe Amata Boksing Asosiesen long stap insait long dispela tonamen.

Presiden bilong VABA Samson Miller yet i salim pas olsem na Lae i kisim dispela sans long makim planti boksa bilong em.

BOKSING RIPOT

Em i tok dispela wokabaut i go long Vanuatu tu i ken opim ai na ol yangpela boksa olsem Junia Ben Tami bilong Rabaul na Emil Kaoka bilong Pot Mosbi i ken kisim moa eksperiens.

Planti ol sapota i ting Tami na Kaoka inap long go long SP Gems tasol PNG Amata Boksing Union i no makim tupela.

Petueli i ting Kaoka inap long winim wanpela medal tasol disisen bilong PNGABU i bagarapim tru sans bilong PNG long winim medal.

Ipera husat i kamapim nem long Guam i nokim biknem boksa bilong ol long namba tri raun tasol em i laki long sten-kaun.

Tim bilong PNG em Sam Muzoki (48kg), Rez Wasu (51kg), Rodney Charlie (57kg), Caspar Unuma (60kg), Ben Mathews (60kg), Robert Kanawi (63.5kg), Joe Aufa (75kg) - olgeta bilong Lae.

Ben Tami Junia (54kg) na Channel Hogan (71kg) bilong Rabaul. Lynch Ipera (58kg) na

Peter Raphael (81kg) bilong Pot Mosbi.

Opisel em Ian Collier (menesa) Nick Cochrane (asisten menesa), L Nuau (kosa), Ben Tami (asisten kosa), S Brendon (trena), Larry Bem, Manoa Petueli na R Esino (referi/jas)

Presiden bilong PNG Amata Boksing Union Steven Tsivele i tokaut olsem MABA i nogat rait long salim tim bikos em i no kisim toksave i kam long nesenele bodi.

Tsivele i tok em i amamas long tingting bilong MABA tasol em i mas kisim toksave long nesenele bodi bikos nogut bihain taim, kainkain boksing klab o asosiesen i bai mekim ol kain wokabaut nating olsem.

Presiden i tok wokabaut i go long Vanuatu em long helpim ol yangpela long kisim eksperiens.

"Em i bekim toktok bilong Manoa Petueli olsem tupela boksa Ben Tami Jnr na Emil Kaoka i no bin kamap long Buka long nesenele boksing tonamen. Dispela as tasol ol selekta i no makim long tim bilong Saut Pasifik Gems long Guam.




Spot eksen
bilong las wiken
na

SPG piksa wantaim
medel bilong ol

Namba-seven

Arniyesairi...



...bilong Kutubu i makim de
bilong Fes Oil I Kapsait!

KUTUBU 7 yia bilong namba wan wel

Word Publishing Saplimen

Kutubu wel winim 7 yia

FRANK MILLS
i raitim

LONG Sande, June 27, Papua Niugini bai tingim 7-pela yia bihain long namba wan wel i

bin ron long Kutubu, Sauten Hailans Provins.

Dispela tu i bin makim namba wan taim bilong ol wokman i painim planti wel long wanpela hap insait long kantri.

Wankain olsem ol wokman na meri antap long Kutubu welfil, na ol join vensa patna husat i givim mani bilong sapotim projek i amamas long stail bilong ol yet, Papua Niugini tu i mas gat dispela amamas na

smaill long pes bilong en.

Maski olsem mak bilong wel em Kutubu i kamapim nau i wok long pundaun isi isi, dispela projek i kamapim tupela bikpela samting long Papua Niugini.

Insait long dispela 7-pela yia, kantri i bin pulim planti mani tru. Na bikos long dispela projek, nau i gat ol haus, pam na masin samting i sanap pinis bilong helpim ol wok bilong painim wel na ges long taim bihain.

Long wankain taim em wel i wok long lusim graun bilong Kutubu na go insait long ol bikpela baket, save na skul long wok bilong painim wel na ges tu i kapsait i go insait long provins na kantri. Dispela i givim Papua Niugini ol save-man na meri nau husat inap sanap long lek bilong ol yet na lukautim ol wok bilong painim wel na ges long taim bihain.

Wankain tasol olsem wok bilong painim gol na kopa, planti man i save ting olsem ol kampani i rausim wel long graun o aninit long solwara, ol i no inap putim wanpela samting i go bek gen.

Tasol i gat stori i stap, na i go olsem: taim ol wokman i putim dril i go insait long graun na painim wel, em nau ol papagraun wantaim gavman i mas tokaut klia nau long tingting bilong ol. Ol yet bai tokaut sapos ol i laik bai kampani i bringim dis-

pela wel insait long graun i kam ausait o larim i stap yet aninit long graun.

Long 1986 yet Papua Niugini i bin tokaut long rausim ol dispela wel long graun na salim ol. Dispela bai bringim helpim long sindaun bilong ol pipel.

Papua Niugini i no save yusim tumas bensin na wel samting, tasol em i gat bikpela saplai stret bilong wel na ges i stap. Olsem na em i stap long gutpela mak bilong kamap olsem wanpela lain saplaia bilong wel na ges long wol maket.

Wel bilong Papua Niugini i win stret long kwaliti bilong en, olsem na wanem hap em i go, bai i gat maket yet bilong salim.

Insait long dispela 7-pela yia em wok long Kutubu i bin stat i kam inap nau, Papua Niugini i bin wokim pinis 254 milien baket wel. Na taim ol i salim, bikpela mani tru i bin kam insait long kantri.

Takis em gavman i bin kisim em inap long K1,200 milien. Na pe antap gen long impot duti na stem duti i bringim narapela K57 milien i go insait long paus bilong gavman, na takis antap. long pe

bilong ol wokman em K112 milien.

Royalti mani i go long ol papagraun em inap long K86 milien, na Chevron Niugini Limited i bin baim tu narapela K60 milien i go long ol Papua Niugini man na meri long wok na trening. Ol wanwok bilong Chevron tu i tromoi K7 milien long wok bilong salim ol lain i go long skul na komyuniti afeas program i kisim K30 milien.

I luk olsem Papua Niugini i bin kisim bikpela mani tru long wel bilong en.

Olsem na gutpela nius nau em wel i no lusim graun na i go lus olgeta, nogat. Wok bilong painim wel i bringim planti gutpela bekim na helpim tu.

Taim wel i go ausait, mani bilong en i kam insait na go long wok skul na trening, long kirapim ol edpos na helt senta, skul, rot na bris.

Ol wok bilong Kutubu i helpim long kamapim rot bilong salim wel i go long ovasis, wokim paipain long Sauten Hailans i go long nambis bilong Papua na Kumul teminel we i helpim nau ol wok bilong Moran na Gobe tu long go het.



• Paias Wingti (namba tu long lephan) i sekan long sampela ol wok man bilong Kutubu taim em i bin lukluk raun long hap.

Hi Speed diesel SERVICE PTY. LTD.

Rigel Street, Taraka P.O. Box 2450, LAE.

FOR ALL YOUR MAINTENANCE REQUIREMENTS. SPECIALISTS IN

- * Diesel Fuel injection Equipment sales and Service
- * Turbocharger Sales and Service
- * Diesel Engine Reconditioning
- * Repair and Recondition for commercial Vehicles

Phone: 45 7288 Fax: 45 7400



• Wanpela man bilong ples bilasim em yet long Bimari stesin long opim Kutubu rot.

KUTUBU 7 yia bilong
namba wan wel

Word Publishing Saplmen

Tingim gen namba wan taim

- wel i ron long Kutubu

LONG mun Me, 1992, kain kain ripot i wok long pairap olsem wok bilong Kutubu wel projek bai pinis klostu, na namba wan saplai bilong wel long graun bai ron i kam antap long ples klia.

Wok bilong putim tu paip bilong karim wel long Sauten Hailans i go daun long nambis tu i wok long pinis isi, isi. Bikpela tingting i bin stap tu olsem wel bai stat ron long mun Julai (1992), sampela taim pastaim long taim tru em ol saveman i bin makim long en.

Wok bilong putim paip long graun tu i laik pinis nau. Paip i stat long hailans, i go antap long ol bikpela maunten, brukim bikpela tais na i go kamap long Wara Kikori na go olgeta long solwara.

Long dispela fektori masin long solwara, ol bikpela sip bai kam pulimapim wel na karim i go. Dispela fektori i stap 50 kilomita longwe long nambis.

Long pinis bilong graun i gat wel, antap long ol kil bilong maunten antap long Kutubu, ol i bin slipim wanpela paul lain bilong ol paip, long kisim wel i kam autait long 35 hul bilong wel na salim i go long ol bikpela tenk.

Long planti yia i go pinis dispela switpela wel bilong Kutubu, we bai bringim planti mani long kantri, i hait i stap. Nau bai ol i rausim ol pipia bilong wel, ges na wara na salim i go long ol ekpot maket bilong wol.

Lukuluk bilong gutpela samting we bai kamap long PNG long sait bilong mani i bin bikpela na luk olsem bai kamap hariap. Dipatmen bilong Minerel na Enesi i lukim olsem dispela graun bilong wel bai kamapim olsem tu handret milien barel bilong wel we bai salim long maket long wol long prais olsem K18 i go long K20 long wan wan barel.

Nesenel gavman i holim 22 pesen se, tasol em bai i no inap kisim wanpela samting

taim ol i salim wel inap em i baim K350 milien ikuiti bilong en.

Wanpela gutpela samting we nesenel gavman kisim hariap em inkam takis bilong 45 pesen we ol join vensa patna i baim, na royelti bilong 1.25 pesen bilong gros seils long baim ol provinsel gavman na ol papagraun.

Ol i bin makim mani bilong kantri long planti milien long namba tu hap bilong dispela yia tasol.

Insait long 100 yia, ol i bin tok olsem wanem samting neisen bai kisim long ol risos i kam aut long Kutubu bai abrusim K1 bilien.

As bilong dispela Kutubu projek i pinis pas long taim ol i bin makim long en, em long hat wok bilong ol ensinia bilong ol join vensa patna na wokbung bilong ol papagraun na ol pipel bilong Sauten Hailens na Galf provins.

Plantu ol gutpela samting i wok long go insait long ol ples we graun bilong wel na paip i stap long en, na ol papagraun i wok long lukluk long gutpela samting bai kamap long taim bihain.

Primia bilong Sauten Hailans long dispela taim, Albert Mokai, i soim wanbel bilong gavman bilong em long kamap bilong dispela projek, na long ol samting we bikpela kampani olsem Chevron Niugini Limited na ol join vensa patna bilong en i helpim provins.


Mr Mokai i tok long Mendi: "Provins na ol pipel i sapotim dispela prosek. Long namba wan taim, mipela ken lukim ol gutpela samting mipela i wok long kisim long dispela Kutubu prosek."

Olsem wanem bai ol tok tok bilong em i stap tru...olsem dispela wel i kam aut long Kutubu na dispela ges we bai ron long longpela rot i go long Kuinslan...Sauten Hailens i wok long kamap wanpela bikpela samting na i no long taim bai Galf provins i pundaun insait long dispela kain rot bilong sindaun na wok bisnis na mani.

LEATHERMAN

POCKET SURVIVAL TOOL

Made in the U.S.A.



PNG COLOUR LAB
PTY. LTD.

CONGRATULATES

**CHEVRON NIUGINI LIMITED ON THE 7th
ANNIVERSARY OF KUTUBU'S AND
PAPUA NEW GUINEA'S FIRST OIL FLOW.**

- Manufacture guarantees against defects in materials and workmanship for 25 years.

Exclusive Distributor

PNG Color Lab Pty. Ltd.

Showroom - Gabaka street, Gordons
Tel: 325 4665 - Fax: 325 0358

HLB Niugini
Chartered Accountants

Ol Wanwok na Wokman na Wokmeri bilong HLB Niugini Chartered Accountants i laik salim bikpela tok amamas i go long Chevron Niugini na ol Wanwok bilong en long dispela 7-pela Yia bihain long namba wan wel i bin kamaut long Kutubu.

Mipela i amamas long dispela gutpela wokbung mipela i gat long givim helpim long wok menesmen, wok bilong lukautim mani, takis na sekim na stretim ol pepa wok bilong ol papagraun kampani husat i wok wantaim long kirapim dispela Kutubu Wel Projek.

Mipela i laik salim bikpela tok amamas i go long Chevron Niugini Limited wantaim ol Wanwok bilong en na ol papagraun long nau na ol taim i kam bihain.

KUTUBU 7 yia bilong namba wan wel

Word Publishing Saplimen

Taim bilong ges - rotbung long Sauten Hailans na Kwinslen

SIKSPELA yia bihain long namba wan wel i ron long Kutubu, ol tok tok bilong narapela wankain bikipela projek i stat pairap long ol niuspapa, redio na televisen stesin insait long Papua Niugini na Australia.

Yesa, narapela bikipela bisnis wok gen i laik kirap. Nau, em i taim bilong GES, i kamgen long hailans - Sauten Hailands Provins. Ol i kolim dispela bikipela wok bisnis olsem PNG Ges Projek.


Long 1998 ol wokman bilong Papua Niugini i sainim ol namba wan tok orait bilong salim ges wantaim tripela bikipela kampani bilong Kwinslen long Australia.

Dispela hanmak ol i putim long pepa i opim namba wan bikipela rot bilong Chevron Niugini Limited wantaim ol

wanwok bilong en long kirapim ol wok long dispela bikipela projek. Dispela tu i soim kain strongpela bilip bilong ol dispela lain husat i laik baim ges long PNG. Long wankain taim yet, gutpela sapot bilong ol lain insait long wok politik i helpim tru projek taim tupela gavman bilong PNG na Australia i sainim wanpela memorandum ov andestending (MOU) bilong givim tok orait long kirapim ol wok bilong projek.

Taim dispela samting i wok long kamap las yia, ol saveman i glasim na tokaut olsem Papua Niugini bai kisim bikipela helpim tru long dispela projek taim em i kirapim ol wok bilong LPG. Ol papagraun na gavman tu bai lukim tru kaikai bilong dispela projek.

Ol dispela MOU tu i karamapim ol liklik hap



• Kutubu Joint Venture i bin wokim dispela nupela bris long Muvi.

hap han bilong ol dispela saplai kontrak, wantaim ol arapela tok orait we i karamapim wok bilong bus, graun na wara na ol arapela samting. Taim ol dispela tok orait i kamap ples klia, em i givim tu strong long ol liklik han na grup husat i stap insait long dispela projek long go het na kamapim tingting bilong ol yet.

Long mun Ogas las yia, ol lain bilong Papua Niugini i putim gen hanmak bilong oraitim wok (MOU) wantaim ol kampani bilong saplaim pawa na tanim wel na ges i go long ol samting bilong man long yusim.

Dispela i soim gen dispela bikipela laik em ol bisnisman na meri long Australia i gat long wok bilong painim wel na ges em i wok long kamap long Papua Niugini. Ol kampani long Australia husat i bin stap insait long ol dispela tok orait em Comalco (alumina rifaineri), ol lain husat i tingting long sanapim wanpela letrik pawa stesin, Stanwell-Dynegey na narapela letrik pawa stesin kampani NRG Asia Pacific.


Ol toktok bilong salim dispela \$US2.5 bilien PNG Ges Projek i kisim moa sapot taim AGL

kampani husat bai go pas long wok bilong ges paipain - i tokaut olsem wantaim helpim bilong wanpela kampani bilong Keneda, TransAlta, tupela bai wokim wanpela letrik pawa stesin klostu long Taunsvil long Australia.

Ol dispela MOU i stap olsem ol namba wan tok orait bilong stretim rot long moa toktok bilong dispela ges saplai projek. Na tu, dispela kain gutpela bekim i kam long ol kampani bilong Australia i opim tu rot bilong ol wok long ges projek long go het na helpim Papua Niugini.

i go moa long pes 21

**Proud To Be A
Chevron Niugini
Resource**



The Creative Professionals.
The Real Oil in advertising and marketing, with a professional approach from the ground up.

17 Lily St, Cairns Ph: 05617 40311194 Fax: 05617 40312314



• Paia i bin kukim han bilong liklik boi na ol sista bilong Moro klinik long Kutubu projek i givim marasin long em.

KUTUBU *7 yia bilong namba wan wel*

Word Publishing Saplimen

Wel kapsaitim helpim long Kerema

STAT long 1992 yet taim wel long Kutubu i bin stat long ron, ol pipel bilong Galp Provins i bin kisim gutpela helpim. Ol dispela helpim i kamap bihainim dispela bikpela paip bilong karim wel we i ron stat antap long hailans i go daun long nambis, na i karamapim tu hap graun bilong ol.

Ol dispela helpim i kamap bihainim piksa olsem royelti mani, wok kamap long ol samting bilong ol pipel long yusim, givim wok long ol pipel, kirapim na stremim ol skul na givim tu trening long ol papagraun insait long hap mak we i karamapim Wara Kikori. Provinsal senta bilong Galp, Kerema, tu i kisim gutpela helpim long dispela taim yet i kam inap nau. Provinsal gavman tu i save kisim ol spesel helpim mani i kam long dispela wel paip plain projek.

Mak bilong ges em i stap long Papua Niugini i abrusim liklik (6-pela taim) mak bilong wel. Olsem na sapos toktok bilong wokim wanpela paip bilong karim ges long hailans i go long nambis i kamap tru, nupela paip ya bai bihain tasol rot bilong paip bilong karim wel nau i stap pinis long en. Na dispela i min tu olsem ol helpim projek na mani samting em ol pipel bai kisim bai i go antap moa moa yet.

Tasol wanpela samting em bai kamapim bikpela mak long ol dispela wok pojek em wanem samt-

ing ol i kolim olsem LPG - lig-wifaid petrolium ges.

Ol saveman inap yusim dispela kain ges long wokim tu ol arapela samting olsem ol marasin bilong yusim long gaden, insait long haus, aninit long wara na long bikbus, ol ples na taun wantaim. PNG inap yusim tu dispela LPG long ronim ol ka, sip na balus bilong en, long givim inap lektrik pawa long ol taun na siti na distrik na ples long planti yia, na bensin tu bilong salim i go long ol arapela ovasis kantri.

I tru olsem ol lain husat i go pas long dispela wok i no painim yet ples bilong sanapim ol masin bilong dispela LPG projek, i luk olsem em bai sanap klostu long hap we ol dispela paip bilong karim wel na ges bai ron long en. Em bai klostu long Kikori, antap long wara long Kopi na sapos nogat, em bai stap daunbilo long ples wara i daun liklik.

Dispela ges projek bai bringim tu planti arapela bisnis. Tasol sapos ol lain bilong Kerema i laik lukim kaikai bilong dispela ol projek, ol yet i mas mekim wok. Olsem bai ol yet, provins bilong ol na ol pikinini na tumbuna bilong bihain taim inap kisim helpim na sindaun amamas.

Ating, em i taim nau bilong rausim dispela "las ples" nem.

Taim bilong ges - rotbung long Sauten Hailans na Kwinslen

i kam long pes 20

Sapos i no bin gat maket bilong ges long Australia, PNG tu i no inap kirapim LPG projek bilong en long Galp bilong Papua long saplain kantri na ol arapela ovasis maket. Wok bisnis bilong LPG na taim i gat inap ges bilong salim long kisim mani insait long kantri yet bai givim moa sans bilong kirapim moa wok bisnis long Papua Niugini.

Long las yia, ol lain bilong wok politik i bin kamapim sampela strongpela toktok long sapatim ol kain helpim em dispela ges projek bai bringim.

Long mun Ogas las yia, Minista bilong Petrolium na Eneji Sir Rabbie Namaliu wantaim wanwok bilong em long Australia, Seneta Warwick Parer na primia bilong Kwinslen Peter Beattie i putim hanmak bilong ol wantaim long wokbung na kamapim ol lo bilong larim projek i go het. Tupela praim minista bilong Papua Niugini na Australia, Bill Skate na John Howard, i bin sambai tu long taim ol dispela tripela man i putim hanmak bilong ol wantaim.

Ol kain helpim em ol saveman i ting bai kamap long dispela projek em:

* OL gutpela invesmen insait long Papua Niugini, namel long K5 bilien na K9.5 bilien long ol yia i kam bihain;

* SAMTING olsem K300 milien na K1.1 bilien bilong kamapim ol wok long olgeta yia;

* SAMTING olsem K800 milien na K2.5 bilien bai kamap long olgeta yia;

* GAVMAN bai kisim mani inap long mak bilong K4.7 bilien na K9.9 bilien. Na sapos i nogat PNG Ges Projek, gavman bai pulim tasol K2.7 bilien;

* OL papagraun bai kisim namel long K400 milien na K700 milien long taim dispela projek i wok. Sapos i nogat ges projek, ol papagraun bai kisim tasol K200 milien; na

* KIRAPIM namel long 1000 na 3300 nupela wok, o strongim ol olupela wok.

I tru olsem bai i gat bikpela helpim i go long ol papagraun, provinsal na nesanel gavman na kantri, ol papagraun kampani wantaim ol provinsal gavman i mas kamapim tu sampela kain plen bilong wanem samting ol bai mekim long taim bihain aninit long dispela ges projek. Sapos nogat, bikpela bagarap inap kamap long dispela bikpela developmen projek.

FRANCIS KAUPA & ASSOCIATES LIMITED
Consulting Engineers & Project Managers

BIKPELA TOK AMAMAS I GO LONG CHEVRON NIUGINI LIMITED

Long namba 7 Yia bihain long Namba Wan Wel i bin kamaut long Kutubu (na Papua Niugini).

Mipela i amamas long ol helpim mipela i bin givim long Chevron Niugini Limited, long wok bilong Kutubu Projek, Gobe Projek, na ol arapela Takis Kredit Projek, nau i wok long kamap yet.

I kam long Menesmen wantaim ol wokman na wokmeri.

BIKPELA TOK AMAMAS

I KAM LONG

DIPATMEN BILONG
WOKS NA IMPLEMENTESEN,
GALP PROVINSAL OPIS, KEREMA,
GALP PROVINS.

PROVINSAL MENESA BILONG WOKS, WANTAIM OL LAIN WOKMAN NA WOKMERI BILONG DIPATMEN I LAIK SALIM BIKPELA TOK AMAMAS I GO LONG CHEVRON NIUGINI PTY LIMITED LONG BIKPELA NAMBA OL I WINIM PINIS LONG PAINIM WEL INSAIT LONG PAPUA NIUGINI NA LONG DISPELA BIKPELA NEM EM OL I KISIM LONG JUN 27, 1992 TAIM OL I PAINIM NAMBA WAN WEL LONG KUTUBU. DISPELA TU I BIN WANPELA BIKNEM PROJEK STRET INSAIT LONG WOL, NA PAPUA NIUGINI TU I MAS AMAMAS LONG DISPELA NAMBA NA BIKNEM CHEVRON I KAMAPIM LONG EN.

LONG TAIM DISPELA KUTUBU WEL TAKIS KREDIT SKIM I BIN KAMAP I KAM INAP NAU, PROVINSAL OPIS LONG GALP TU I BIN WOK MOA KLOSTU WANTAIM CHEVRON NIUGINI. NA TUPELA WANTAIM I BIN BUNGIM HAN LONG HELPIM NA KIRAPIM OL WOK DEVELOPMEN WANTAIM OL ARAPELA PROGEM LONG PROVINS.


DISPELA TAKIS KREDIT SKIM LONG GALP PROVINS I BIN WOK GUT TRU NA KAIKAI BILONG EN I STAP LONG OL SKUL, HELT NA OL ARAPELA KOMYUNITI PROJEK EM NESENEL, PROVINSAL NA LOKOL LEVEL GAVMAN YET I INAP PAINIM MANI BILONG KAMAPIM.

LONG MAKIM MAUS BILONG DIPATMEN BILONG WOKS NA IMPLEMENTESEN WANTAIM GALP PROVINSAL OPIS, PROVINSAL WOKS MENESA NA OL WOKMAN NA WOKMERI BILONG EM I LAIK SALIM BIKPELA TOK AMAMAS GEN I GO LONG CHEVRON NIUGINI PTY LIMITED NA TOK HEPI 7-PELA YIA BIHAIN LONG NAMBA WAN WEL I KAMAUT LONG KUTUBU. NA MIPELA I AMAMAS NA LAIK BUNGWANTAIM CHEVRON NIUGINI PTY LIMITED LONG OL YIA I KAM BIHAIN.

ROMEO MEAE HAROAVILLA
PROVINSAL WOKS MENESA, GALP PROVINS.

These Captains of tomorrow are on course to take command.

It's a dream come true for 4 young Papua New Guineans which has been made possible by Chevron Niugini's Scholarship Scheme. They'll be attending Maritime School & studying to become Mooring Masters. Eventually after completing their studies in PNG and overseas, their dreams of becoming Mooring Masters will become realities.



Chevron

Chevron

Chevron Niugini Ltd - PO Box 842, Port Moresby, Papua New Guinea
Ph: (675)321 1088 Fax: (675)322 5566

KUTUBU 7 yia bilong namba wan wel

Word
Publishing
Sapliment

Wokbung namel long Chevron, Galp na Sauten Hailans

CHEVRON Niugini long bihain taim bai lukluk long trening na developmen bilong ol wokman bilong em. Dispela em i bikpela wok tru.

Ol developmen projek bilong Chevron Niugini nau yet i stap insait long Galp na Sauten Hailans provins.

Em i namba wan projek insait long Papua Niugini long salim wel i go ausait long kantri, na tu i gat nid long kamapim ol trening program. Chevron i gat ol samting bilong mekim ol dispela wok na tu ol wokman i save wok senis senis na slip long ples bilong wok.

Chevron i gat ol haus bilong slip, haus bilong kaikai na ples bilong kisim marasin sapos ol wokman i painim sik na birua long taim bilong wok. I gat ol stua, ol bakstua na weahaus na intanesenel ples balus long Kutubu, rifaineri, ol samting bilong trening, paipain, ol ples bilong kisim wel, wanpela wel fektori antap long solwara, ol rot na olgeta hap bilong ol wok pepa, na ples bilong ranim dispela ol wok long Kutubu na Gobe.

Kampani i gat ol trening i wok long kamap long olgeta hap bilong wel na ges bisnis na ausait long dispela hap tu. Kampani i mekim dispela long wanem em i laik lusim mak bilong em i mas stap long taim bihain, na ol trening i mas kamap ausait na ino long ol wokman tasol. Dispela bai helpim tru developmen bilong skilled labour insait long Papua Niugini. Dispela ol astingting nau i sut stret long ol wokman bilong Chevron, ol papagraun, ol gavman dipatmen na ol joint vensa patna na ol narapela lain.

Ol wokman

Chevron i gat ol wokman husat i kam long Papua Niugini stret na tu long ausait. Ol ausait lain i kam olsem ol saveman bikos ol i stap namel tru ;ong ol wok bilong projek na tu ol i stap long trening ol nesanel wokman. Ol save bilong ol ausait lain nau i wok long kam long ol nesanel wokman bikos long ol dispela trening i wok long kamap.

Long sotpela taim bilong em ol nesanel wokman i kisim ples bilong samting olsem 45 ausait lain i kam inap long Desemba 1998. Long wankain taim tu namba bilong ol wokman long Chevron i go antap hariap tru long 54

pesen na 94 pesen em ol nesanel wokman. Ol nesanel wokman i kisim samting olsem 25 pesen bilong ol lain istap insait long menesmen bilong Chevron na narapela 75 pesen em long ol wokman tasol.

Long 1997 kampani i putim samting olsem K6.6 million long skulim na trening bilong ol wokman na dispela i soim komitmen bilong Chevron long developim ol humen risos.

Long kamap gutpela moa yet, trening na developmen i mas stap olsem wanpela samting we bai kamap yet long bihain taim tu. Chevron i save lukluk long (performance management process) na dispela em i wanpela rot we bai helpim ol nesanel wokman long kamap na soim tru olsem ol i ken wok wankain olsem ol save-man i kam ausait. Dispela PMP bai stap long helpim ol wokman long kamap olsem ol gutpela wokman.

Kampani tu i yusim wanpela rot ol i kolim long job skil asesmen, (JSA) em wanpela rot long luksave long ol wokman, wanem hap oli i painim hat long wok, kain olsem.

Chevron Niugini i gat dispela rot long helpim ol wokman bikos wan wan man i gat ol planti rot long kisim save na trening.

Long dispela na Chevron i givim planti kain wei long trening, insait long klasrum, wantaim komputa na trening long taim bilong wok tu.

Chevron Niugini Limited tu i givim planti ol narapela wei long developmen insait long kantri na ausait tu olsem ol skolasip, sponsasip na korespondens. Na taim em i givim sans long ol wokman long soim wanem trening ol i gat long ples bilong wok.

Sefti em i nambawan na bikpela samting tru long Chevron. Gutpela sfeti trening i stap insait long kampani. Olgeta posisen insait longf kam-

poani i gat ol sefti training bilong ol yet stat long opis sefti, fes aid na sefti bilong paitimn paia na ol narapela. Olgeta wokman i save kism sampela kain training long Chevron.

Entri level

Chevron i lukluk long ol kain skul olsem CODE (College of Distance Education) na IDCE (Institute of Distance and Continuing Education). Chevron i gat ol komputa program long ol sait bilong operesen, mekanikel, ilektrikel na komunikesen we wokman i ken mekim long taim bilong em yet. Kampani tu i save helpim ol wokman i stap long fil long developim olwokmbilong olsem draiva, kapenta,kuk, na mekim pepa wok.

Em i gat aprentisip program na planti moa i save kisim in-haus training, o ol konsalten i save kam na skulim ol. Chevron i laikim ol wokman i mas skul long wok bilong ol. Em i save givim taim long ol wokman long ksim skul.

Namel mak

Chevron i lukluk tu long ol wokman i mas kamap ol gutpela bos na planti long ol dispela skul na trening i kamap long ples bilong wok yet. Ol treina i save kamap long ples bilong wok long mekim dispela ol trening.

Antap mak

Dispela em i trening bilong ol kain man olsem ol ensinia na ol lain husat i save stretim ol waia na ol bikpela masin. Sampela long ol dispela trening i kamap long ples bilong wok na planti moa i kamapo ausait long kantri. Ol Yunivesiti long Papua Niugini i no gat skul bilong ol petroleum ensiniering olsem na Chevron Niugini i kisim ol saveman i kam long ausait long givim dispela ol skul. Ol sampela wokman i save go ovasis long kisim ol dispela skul bilong ol.


Supavaisa/menesa mak

Chevron tu i lukluk long helpim ol lain husat i laik kisim skul long kamap ol menesa, ol bos ol lida insait long kampani. Ol dispela skul i kem kamap insait long kantri na ovasis na tu long ples bilong wok.

Chevron wokman/ol win na train

Papua Niugini nau i gat tripela man husat i wok olsem ol enginia stat long Desemba 1998 husat o holim mastas digri i kam long Tulsa Yunivesiti long Amerika. Ol tripela man ya em Peter Kogl, Jinghan Phalnager na Donald Tsirumits. Peter i bin kisim sponsasip long Chevron Niugini Limited yet, Donald i bin kisim sponsasip i kam long Barracuda/Santos na Jinghan em Dipatmen bilong Petroleum na Energy i bin salim em i go skul.

Nau yet narapela tripela man gen i stap



• Ol man lainim long sevim laip bilong ol arapela man long wara.

skul nau long kisim digri long petrolium engineering long Tulsa Univesiti. OL lain em long Thomas Eme, Roge Kila na Eddie Guru husat Chevron na ol join patna bilong em i salim ol. Ol lain ya i stap skul long hap wantaim ol famili bilong ol.

Wanpela wokman bilong Chevron Niugini Limited Kepas Wali i bin stap long USA yet na wok wantaim ol Chevron saveman. Nau yet Kepas i wok nau long Moran pil developmen plen, nupela pil long Papua Niugini.

Dispela em i nupela developmen we wanpela man bilong Papua Niugini yet i stap long stat bilong projek.

Moses Gurra, wanpela mekanikel enginia em i nambawan petroleum enginia long stap insait long Moran. Em i kisim bikpela save moa long kamap wanpela bikman long taim bilong developmen bilong Moran. John Mansonge i bin pes man long Papua Niugini long pasim wanpela kaim komputa kos na nau o holim wanpela supavaisa posisen insait long Chevron infomesen.

Chevron i givim sapot long sait bilong mani long long Primas Kapi na Sarak Ekali, tupela papagraun lain husat i wok wnataim kampani. Tupela i kism 4-pela yia stadi long Yunivesiti bilong Westen Sidni, long Australia. Tupela i wok long ekstenel afeas dipatmen. Narapela 4-pela man em kampani i salim ol long skul long PNG Maritime College long Madang. Ol bai kisim skul long wok long operesen i stap long solwara.

i go moa long pes 24

Travelodge
PAPUA NEW GUINEA

Congratulates CHEVRON NIUGINI


and its Joint Venture partners
on the 7th Anniversary of Kutubu's First Oil

We are proud to be associated with Chevron Niugini and its Joint Venture partners and wish them success for the future.

Whether your stay is for business or leisure, at Travelodge we set the standard in dining & accommodation

For reservations - Phone: 321 2266

Travelodge Hotels & Resorts
A member of the SPHC Group



• Ol man wok long lainim long kukim ain.

POSF

Public Officers Superannuation Fund Board

TOK AMAMAS

long dispela

7-PELA YIA

bihain long ol i painim Namba Wan Wel long Kutubu

POSF i amamas long wokbung wantaim ol wok bisnis bilong painim wel, gol, kopa, timba, pis, ges na ol arapela samting bilong graun. Dispela wokbung i stap long ol sea em i gat wantaim Oil Search na Orogen Minerals, tupela hap sait bilong ol wok long Kutubu.

*I kam long ol Woklain na
Menesmen bilong POSF*

Shem Pake
Menesing Dairekta

P.O. Box 483, Port Moresby, Papua New Guinea,
Phone: (675) 309 5200 Fax: (675) 321 7606.

RUMBAM GAPI

Consulting Civil and Structural Engineers, Professional Project Managers & Planners

Congratulates

Chevron Niugini

i laik TOK AMAMAS i go long Chevron Niugini Limited na ol Wanwok bilong en long makim 7-pela Yia bihain long namba wan wel i ron long Kutubu.

Rumbam Gapi Ltd.
1st Floor Kriewaldtz Building,
P.O. Box 1426,
Boroko, NCD.

Telephone: 323 2033 Facsimile: 323 2570
Email: rumgap@datec.com.pg

KUTUBU

*7 yia bilong
namba wan wel*

Word Publishing Saplimen

Ol wasman bilong "haus' Kumul

FRANK MILLS i raitim

I GAT sampela man husat i save wok long franlain bilong petroleum (wel) industri long Papua Niugini.

Ol dispela man i no ting olsem ol i moa yet, nogat, ol i stap tasol long wok bilong ol bikos dispela wok bilong ol i mas kamap.

Tasol wanpela samting long wok bilong ol dispela man em olsem wokples bilong ol i stap longwe long ol narapela, na i nogat wanpela man i stap klostu. Ol dispela man i save stap antap long Kumul Marin teminel, 100 fit antap long solwara bilong Galp ov Papua.

Taim Papua Niugini i kamap memba long ol kantri husat i salim wel long 1992, planti nupela wok i kamap. Sampela ol dispela wok em bipo yumi no lukim insait long kantri ya, kain olsem ol man husat i save wok long painim wel.

Ol pipel bilong Papua Niugini yet i amamas tru long painim ol kain kain wok insait long dispela wel bisnis. Na dispela i soim olsem long Papua Niugini ol pipel i gat bilip olsem wel bai stap longpela taim.

Ol dispela man husat i save wok antap long Kumul teminel, sampela 50 kilomita long nambis i no painim hat long senisim pasin bilong ol.

Ol i no belhat, nogat, ol i save wok tasol insait long 28 de long 12-pela narakain sif insait long ol liklik spes, na nogat planti man i stap.

Wok bilong ol dispela man em long operetim olgeta liklik wok bilong teminel, long lukluk klostu long na kontrolim wel i kam long ol ples bilong painim wel long hailans na long lodim ol bikipela sip we i save kam sua long de na nait, arere long teminel.

Ol man ya i mas kisim gut hamas wel tru i kam na go long ol sip na ripot bilong ol i mas go long ol join vensa patna long ol ples bilong painim wel, na tu long gavman bilong Papua Niugini. Na olgeta taim ol i wok, ol i mas tingim tu sefti bilong ol yet na bilong ol narapela samting long hap ol i stap long em.

Wanpela kastoms opisa i makim kantri tu i save stap long olgeta taim long platform ya long sekim gut gen

na ripot long hamas baket wel tru i go long wan wan sip.

Sapos yu wok antap long teminel bai yu painim olsem em i wanpela narakain wok stret.

"Laip antap long teminel em i narakain olgeta," wanpela pletform opereta Alba Kera husat i bilong ples long Galp Provins i tok.

"Taim mi kam long hia pes taim mi ting olsem bai mi wok sif na bihain go long sua long nait. Mi kirap nogut tru long painim dispela ailan we i gat olgeta samting istap. "Ol poro na famili bilong mi i bin ting olsem wok ples bilong mi i stap antap long solwara inap long taim mi karim sampela piksa long soim ol." Albs Kera i tok.

Kumul Teminel i sanap antap long sampela longpela ain.

Wel paipain i kam long Kutubu na nau i karim wel i kam long Gobe na Moran tu i ran long paip i stap aninit long solwara i kam long Kumul teminel.

Ol sip i no save kam klostu tumas long teminel bikos long taim weda i no gutpela ol i ken painim birua. Ol sip i save stap longwe liklik na wel i save go long wanpela hap mak na go long ol sip. Teminel i gat ol bot na wanpela helikopta tu i stap long mekim ol wok bilong teminel.

Wanpela mun long wanpela sif em i longpela sit tasol ol kru i painim olsem stap long ples antap long solwara. I gat televisen na ol gems istap na gutpela ples bilong fising.

Long ol sampela, stap antap long pletform i olsem stap antap long sip, long ples i gat planti win na solwara i bruk, olsem wanpela sip i sindaun long wanpela hap tasol. Ol sip i save kam na go, ol sip i kam na go na yu ken harim nek bilong ol man i ron antap long solwara long redio, ol pisin bilong solwara na pis i mekim haus insait long pletform, tasol Kumul i sindaun istap yet antap long solwara.

Nogat planti pipel bilong Papua Niugini bai lukim dispela pletform, antap long solwara bilong Galp tasol ol bai save olsem em i stap na ating ol i ken tingim ol turangu lain husat i bin lusim ples bilong go long solwara tasol i no sel i go long narapela ples.

Wokbung namel long Chevron, Galp na Sauten Hailans

i kam long pes 23

Aninit long wanpela agrimen wantaim Brisben haus sik ol medikel nes bai tren long lukautim ol wokman i kisim birua. Ol nes ya bai stap long long dispela haus sik na kiskim trening insait long tupela wik. Dispela em ol sampela samting insait long trening program bilong Chevron Niugini.

Tasol taim ol gutpela trening program tu istap i gat ol narapela samting i save kamap long mekim wok bilong kampani i ken ron gut tasol. Dispela ol samting em long:



- Nogat gutpela risos na ol samting long stretim gut ol papa graun lain long helpim ol wantaim ol sampela kain wok,
- Nogat planti wok samting insait long Papua Niugini,
- Trening bilong ol wokman long bihain taim,
- Ol skul ino gat ol gutpelq samting bilong kisim skul, na
- Pipel i stap long ol ples we i nogat gutpela rot

Papagraun

Divelopmen i mas kamap long helpim ol papagraun na dispela em i wanpela samting Chevron Niugini i mas lukluk klostu long em.

Trening bilong ol papagraun i kamap aninit long trening na ekstenel afeas dipatmen bilong Chevron.

Dispela trening i karamapim ol spon-sasip na trening ol i kolim long Vocation Industry Training (VIT). Dispela VIT program i lukluk long trening insait long 6-pela mun. Spon-sasip bilong ol sumatin bilong Kutubu, Gobe na Moran projek eria na sumatin bilong narapela hap bilong Papua Niugini i stap long wanpela yia. Ol i ken skul long haikul i go nap long Univesiti na ol narapela kain skul. Ol i ken skul long ol narapela samting na ino long petroleum tasol. Nau yet Chevron i gat sampela 550 papagraun na projek eria sumatin i stap insait long ol skul long kantri, 39 long ol teknikel skul na 87 long ol bikipela skul olsem univesiti.



MINISTRI BILONG PETROLIUM NA ENEJI
OPIS BILONG MINISTA

TOKTOK I KAM LONG MINISTA BILONG PETROLIUM NA ENEJI

(Honorebel Sir Rabbie Namaliu, KCMG, MP)



• Sir Rabbie L. Namaliu

Inap long planti yia i kam bihain, Kutubu Wel Projek bai gat bikipela hap mak insait long kantri bilong yumi olsem namba wan wel bisnis projek bilong yumi.

Em i wanpela stori we i winim tru ol arapela long ol wok kamap bilong kantri long dispela sotpela taim tasol. Bikipela tok amamas i mas go long ol lain husat i go pas long dispela projek, em long Chevron Niugini Limited, ol papagraun wantaim tupela provinsal gavman bilong Sauten Hailans na Galp. Ol dispela lain i bin wokbung wantaim long mekim stori bilong Kutubu i karim kaikai. Na kaikai bilong dispela bai stap namel long ol dispela lain yet.

Insait long dispela 7-pela yia, Kutubu i bin kamapim 230 milien baket wel bihain long ol saveman i tok olsem wel bilong Kutubu inap pulimapim 300 milien baket.

I tru olsem wok bilong painim wel long Kutubu i wok long go daun isi isi, ol wok kamap long hap i bin opim rot bilong ol arapela wok painimaut bilong wel na ges long Papua Niugini.

Long wok bilong painim na kisim wel, Kutubu i wok long slek liklik nau. Tasol i gat wanpela nupela samting i hait i stap yet long wok bilong

ges long Kutubu. Ol dispela ges risev bai helpim Papua Niugini taim em i stat long kirapim wok bilong PNG Ges Projek - ges long graun bilong Papua Niugini bai ron bihainim paip i go long Kwinslen long Australia.

Maski sapos wok bilong painim na kisim wel long Saut Is Gobe na Moran i go het yet, mak bilong wel em kantri i kamapim bai go daun yet. Olsem na ges i gat bikipela wok tru bilong mekim long ol yia i kam bihain.

Tasol bikipela stori bilong Kutubu i stap long hamas helpim em i givim long mani em ol wel kantri i kamapim i salim. Long wankain taim tu, ol mani em i bringim i kam bilong helpim kantri, hamas planti wok em i kamapim na nem bilong yumi olsem wanpela gutpela na strongpela kantri long wok bilong painim na salim wel. Kutubu i bin winim tu biknem long wol long gutpela lo na rot em i bihainim long lukautim ol bus na graun na wara i stap klostu long hap em i wok long en - na dispela tu i givim bikipela helpim long PNG.

Kutubu wel i bin givim bikipela helpim tu i go long ol papagraun, na ol provinsal gavman bilong ol.

Wok kamap bilong Kutubu i bin stat long taim i gat planti kain kain kikkik i stap insait long kantri. Bikipela main long Bogenvil i bin pas long taim ol toktok bilong kirapim Kutubu wel projek i wok long stap antap long tebol.

Maski taim planti pret toktok i bin kamap long taim Bogenvil i pas, dispela bilip bilong ol lain husat i go pas long wok bilong Kutubu em Chevron Niugini Limited i go pas long en, i strongim yet bilip na painim mani bilong mekim dispela projek i karim kaikai.

Ol gavman na kantri i save painim kain bilip olsem long taim bilong hevi. Taim yumi i wok long stretim gen sindaun taim Bogenvil i pas i bin kisim bikipela helpim tru long kain bilip, na wok bisnis i kam insait, long wok bilong Kutubu. Na wankain tu long ol arapela grup husat i go pas long ol wok bilong Hides Ges na Porgera Gol Main.

Mipela i nidim nau dispela kain bilip na pasin long taim kantri i wok long bungim hevi bilong

mani, na strong bilong kina i go daun, na pe bilong ol arapela samting tu long wol i pundaun.

Chevron, wantaim ol arapela wanwok bilong en long PNG Ges Projek, i soim strongpela bilip na laik ol i gat long dispela paiplain projek. Em tu i wanpela bikipela projek stret we i bin kamap long Papua Niugini. Na dispela projek bai inap stretim tru sindaun bilong ol pipel i go inap long Yia 2000 na i go.

Mipela i no ken tanim bek na tok baksait long wanem helpim em Chevron i bin kamapim long Papua Niugini - dispela helpim bai stap yet na kirapim kantri i go moa yet, maski sapos wok bilong painim na salim wel i pinis.


Ating, wanpela bikipela helpim stret em Chevron i givim em long banisim dispela nem em i givim long Papua Niugini olsem wanpela gutpela saplaia bilong wel. Ol lain husat i mas kisim dispela tok amamas em ol lain husat i go pas long ol wok long Kutubu, Gavman bilong Papua Niugini, ol provinsal gavman bilong Sauten Hailans na Galp na ol papagraun. Ol dispela lain i bin wokbung wantaim long kirapim ol projek na larim wel i lusim graun i kam antap na bihainim paip i go long ovasis.

Dispela Wok Developmen program em i bin kamap taim mi bin stap praim ministra i bungim stret bikipela tes long wok bilong Kutubu Projek. Dispela program i winim eksem na stap antap stret. Nau, dispela program i stap olsem stia bilong ol arapela risos projek.

Dispela Wok Developmen Program i stap insait tu long nupela Petroleum na Ges Ekt - em Palamen i bin oraitim long las yia. Em bai go pas long ol wok bilong painim na kirapim ol wel na ges projek long ol taim i kam bihain.

Helpim em Kutubu i givim long kirapim kantri i stap pas tru insait long ol stori bilong Papua Niugini. Dispela stori bai stap wantaim namba wan taim wel i ron long Kutubu. Olgeta lain wantaim, ol papagraun na ol kampani husat i go pas long kirapim Kutubu wel projek, i mas amamas long dispela.

RABBIE L. NAMALIU, KCMG, MP
Minista bilong Petroleum na Eneji.



KUTUBU SECURITY SERVICES LIMITED

Post Office Box 48
Moro-Kutubu
Southern Highlands Province
Papua New Guinea

Telipon: 5496165 Fax: 5496383

I AMAMAS LONG WOKBUNG WANTAIM
CHEVRON NIUGINI LONG WOK SEKYURITI NA OL
LUKAUTIM OL WOKMAN NA WOK SAMTING
LONG KUTUBU WEL PROJEK STAT LONG 1995 YET
I KAM INAP NAU. MIPELA LAIK SALIM

BIKPELA TOK AMAMAS

I GO LONG CHEVRON WANTAIM OL JOIN VENJA
PATNA BILONG EN LONG MAKIM NAMBA WAN DE
WEL I BIN KAMAUT LONG KUTUBU 7-PELA YIA I GO
PINIS. DISPELA SAMTING I BIN KAMAP LONG
JUN 27, 1992.

“OL SAVEMAN STRET BILONG WOK SEKYURITI LONG
BISNIS BILONG WEL NA GES”

**TIDEWATER PORT
JACKSON MARINE
& NOSJV**

Congratulates


Chevron Niugini and its Joint Venture
Partners on its 7th Anniversary of its
first oil flow.

We wish the company management
and its shareholders the very best
in their endeavours in the
years to come.

P. O. Box 7810, Boroko
Phone: 325 6686/325 5247
Fax: 325 6029

KUTUBU 7 yia bilong
namba wan wel

Word Publishing Saplimen



| Year | Total Oil Produced (Barrels) | Total Gas Produced (Mscf) |
|------|------------------------------|---------------------------|
| 1991 | 68,162 | 84,532 |
| 1992 | 19,314,212 | 16,951,949 |
| 1993 | 45,883,975 | 49,059,949 |
| 1994 | 44,077,868 | 58,666,246 |
| 1995 | 36,344,233 | 61,184,516 |
| 1996 | 38,640,602 | 65,343,500 |
| 1997 | 27,592,364 | 66,960,036 |
| 1998 | 18,926,771 | 69,562,381 |

**5-yia
progrem
bilong Sauten
Hailans**

SAUTEN Hailans i kirapim pinis
wangepela progrem bilong nara-
pela 5-pela yia. Kos bilong pro-
grem ya bai inap long K50 milien,
na em bai stat long dispela yia
bihainim bikipela wok bilong
painim wel na ges nau i kamap
long provins.

Dispela progrem em ol i kolim
long Southern Highlands
Integrated Development
Projects, na ol hap bilong dispela
progrem bai karamapim ples
balus, ol rot, hausik na taun.

Long taim em i autim 1999-
2003 Pablik Invesmen Progrem
(PIP Vol.3) long Palamen long
1999 Baset, Deputi Praim min-
ista na Minista bilong Tresari na
Plening lairo Lasaro i tok dispela
progrem bai stat long dispela yia
na bai karamapim Tari haus sik
na ples balus, rot long Kulu-Puba
na Para-Komo na developmen
insait long Komo na Magarima
stesin na Mendi na Tari taun.

Mista Lasaro i tok dispela ol
dispela projek i stap olsem komit-
men em nesenel gavman yet i
bin mekim i go long dispela
provins long developim dispela
ges projek.

Developmen bilong dispela ges
risos i stap olsem wangepela hap
bilong bikipela ges projek namel
long Papua Niugini na
Queensland ges paipain em
Chevron yet bai kirapim.

Ol dispela progrem bai kamap
olsemkomimen em nesenel
gavman i mekom long developim
ol risos insait long Sauten Hailans
Provins. Na namba wan samting
em long kirapim ol gutpela sam-
ting we bai mekim isi long wok bai
ron gut.

Ol dispela projek bai stap yet
lonh sikis pela distrik long
provins. Olgeta dispela projek bai
kamap long stretim sindaun
bilong ol pipel long pies.

“Dispela provins i nogat gutpela
developmen na ol helt na eduke-
sen samting ino gutpela tumas
olsem ol narapela provins.

“Em i wangepela astingting bilong
gavman long lukluk long dispela
provins na developim ol samting
dispela provins i nidim,” PIP i tok.

Ol dispela samting olsem ples
balus, rot, haus sik na taun bai
kamap insait long dispela taim na
bihain bai go aninit long lukaut
bilong provinsel gavman.

PIP i tok provinsal gavman na
ol narapela lain husat i gat laik
long ol dispela samting i ken plen,
na lukautim ol dispela samting.

Bihain long ol dispela projek i
pinis ol pipel bai lukim long gut-
pela rot, haus sik, ples balus na
taun i stap. Ol samting olsem ples
balus na rot em bai stap aninit
long lukaut bilong nesebel gav-
man.

KUTUBU 7 yia bilong namba wan wel

Word Publishing Saplimen

Nupela lo opim tep long ges

FRANCIS ULIAU
i raitim

PAPUA Niugini i bin bungim bikpela hevi long wok bilong wel, gol, kopa na ol arapela samting bilong graun na solwara long las yia.

Prais bilong wel i bin pundaun na i stap daunbilo tru long las yia.

Tasol, dispela i no min olsem taim nogut i kamap na bai stap olgeta. Papua Niugini i mas tanim na lukluk long ol gutpela samting i wok long kamap. Yumi mas glasim na skelim ol samting bihain nupela Wel na Ges Ekt em Palamen i bin oraitim long las Novemba.

Dispela Ekt i kamap bihainim sampela senis we i kamap long (olpela) Petroleum Ekt. Ol toktok na lo i stap insait long dispela Ekt i bin pasin na wok em ol arapela kantri long wol i save mekim insait long wok bilong painim wel na ges. Ekt ya i opim tu tep bilong ges long ron (wok bilong painim ges i ken go het nau).

Ol senis nau i stap insait long dispela Wel na Ges Ekt tu bai kirapim bel na tingting bilong ol ovasis bisnis kampani long kam insait na wok long Papua Niugini. Long wankain taim tu kantri yet bai inap long kisim ges na tantanim i go long ol arapela liklik samting we man inap yusim

long stretim sindaun bilong em insait long kantri yet.

Taim Palamen i oraitim dispela nupela Wel na Ges Ekt long Novemba 16, 1998, dispela tu i makim wanpela bikpela wok insait long kantri long dispela taim. Ekt ya i gat senisim na kisim ples bilong Petroleum Ekt, Sapta 198.

Ripot bilong 1998 i kam long Dipatmen bilong Petroleum na Eneji long ol wok bilong painim wel na ges long Papua Niugini i tokaut olsem olgeta wok bai bihainim dispela Ekt taim Gavana Jenerel bilong Papua Niugini i putim hanmak bilong em antap long en long dispela yia.

Ripot i tok stat long 1998 yet i kam, dipatmen i bin tingting long kamapim sampela bikpela senis long dispela Petroleum Ekt.

"Ol dispela senis bai oraitim kantri yet long painim wel na ges na brukim i go liklik liklik bilong wokim ol samting em PNG yet inap yusim insait long kantri," ripot i tok.

Ripot i tok bikos wok bilong kirapim wanpela rifaineri i kamap nau, i moa gutpela olsem senis i mas kamap tu long lo we i karamapim wok bilong wel na ges.

Na tu, dipatmen i bin traim kamapim lo long rot bilong yusim ges na wel paipain. Na wanpela rot bilong kamapim dispela em long yusim

gavman bilong dispela bikpela askim bilong ol kain helpim we i save go long ol papagraun, provinsal gavman na ol lokol level gavman.

Long mun Epril 1998 Dipatmen bilong Petroleum na Eneji i bin salim


wanpela sabmisen i go long Nesanel Eksekyutiv Kaunsil long tingting bilong wokim paip namel long PNG na Kwinslen. NEC i givim toktok olsem em i amamas, tasol em i tokaut olsem i mas gat nupela lo i

kamap pastaim, na bihain em inap givim ful tokorait na sapot.

Ripot i tok Minista i karim gen wanpela askim i go long NEC na ol i oraitim.

i go moa long pes 28

• Sir Rabbie Namaliu.



WRIDGWAYS PNG
CONGRATULATES THE INTERNATIONAL EDUCATION
AGENCY ON IT'S 20TH ANNIVERSARY.



Clearly not moved by WridgWays PNG

The items you treasure most deserve the greatest attention when you move. They are treated with the utmost care by those meticulous men sent by WridgWays who wrap them professionally and move them in accordance with the WridgWays master plan specially drawn up for you.

WridgWays PNG has vast experience in VIP treatment. Being the only dedicated removal company in PNG, their service is so impeccable that you will be moved when you see their specialists at work.


For that excellent, professional and satisfactory service,
call Veronica Clunn on
Phone 675 3255 366 or Fax 675 3258 293.

FIDI
WORLDWIDE MOVING

WRIDGWAYS PNG
The WorldWide Movers



• Dispela trakta em namba wan trakta ol i bin yusim long klinim ples balus long taim ol i stretim ples bilong Kutubu wel projek.



LAURABADA SHIPPING SERVICES PTY. LTD.

Serving:

GULF

• KIKORI • KOPI • KAPUNA • IHU • MIDDLETOWN

WESTERN

• KIUNGA • FLY RIVER • DARU • ORIOMO • MOREHEAD

DELTA

• KAMUSI • KAWITO • EMETI • BALIMO • KURI

CENTRAL

• MILLPORT • MAGARIDA • KUPIANO

CONTAINERS, PALLETS, BREAK BULK, BULK FUEL

Located at:


STANLEY ESPLANADE, PORT MORESBY

P.O. BOX 390,

PORT MORESBY,

TEL: 321 1340, 321 1820

PAPUA NEW GUINEA FAX: 321 4194



**Came with the first oil
discovery were opportunities of
infrastructure development,
employment, education,
and other benefits.**

**The N.P.F.
Board of Trustees &
Management congratulates**

**China Niugini Limited and
venture partners on
the 7th Anniversary of
Kutubu's First Oil Discovery
and commend your
contributions for human
resource development.**

More information about the fund can be obtained from NPF offices in:

HEAD OFFICE - PORT MORESBY
P.O. Box 5791, Boroko, NCD,
Ph: 325 9522 - Fax: 325 5503

LAE AREA OFFICE
P.O. Box 2451, LAE, MP,
Ph: 472 4633 - Fax: 472 5791

RABAUL AREA OFFICE
P.O. Box 2079, RABAUL, ENBP,
Ph: 982 8730 - Fax: 982 8731

GOROKA AGENCY
P.O. Box 304, GOROKA, EHP,
Ph: 752 1294 - Fax: 732 1294

MT. HAGEN AREA OFFICE
P.O. Box 1593, MT. HAGEN, WHP,
Ph: 542 2145 - Fax: 542 3134

KUTUBU

7 yia bilong
namba wan wel

Word Publishing Saplimen

Steamships brukim bikpela solwara

STEAMSHIPS Shipping i stap olsem wanpela meja patna insait long sipping indastri long Papua Niugini long 75 yia nau na wok bilong em i go moa yet long givim sevis i go long sait bilong maining na petroleum (wel) indastri wantaim ol sip bilong em husat i save karim kago na ol narapela sip.

Taim planti long ol sip bilong dispela kampani i wok long givim sevis long ples nambis, narapela nupela sip bai kamap long mun Ogas long helpim long sait bilong maining indastri.

Dispela sip hevi bilong em i stap olsem 5,400 tan, na em i bikpela tru long kam insait long Papua Niugini regista. Sip ya bai stap long karim ol kankain samting ria bai gat tupela 30 tan kren na em i ken karim kopa konsentret tu.

Sip ya nau i stap long Zhenjiang Shipyard long Yangze Wara insait long China.

Nau yet tripela sip bilong Steamships i stap long sata i go long Ok Tedi wara. Tupela long ol dispela sip i save karim kopa konsentret em long *Obo Chief* na *Bosset Chief*. Namba tri sip em long *Lahara Chief* em i wanpela sip husat i save karim kago bilong Ok Tedi i kam long Mosbi.

Steamships i gat samting olsem 17 sip husat i save karim ol kankain samting. Ol sip ya, em hevi bilong ol i stap olsem 3000 tan i kam inap long

250 tan Faivpela long ol dispela sip i ron aninit long nem bilong Laurabada na i save karim kago long ol ples insait long Papuan Galp rigon. Dispela em long Daru, Kiunga, Kerema, Balimo, Kikori, Kopi na Baimuru na tu ol narapela ples 'ong Flai Bamu, Aramia, Turama, Kikori, Omati na Oriomo wara.

Ol dispela sip tu i save kamap long ples bilong painim wel na ol kem long saplaim kaikai, fiul na ol narapela saplai bilong kem. Long Disemba 1997, wanpela sip ol i kolim long *Goad Chief* i bin kamap. Dispela sip em ol i mekim long Guanzhou long China na ol lain long Cheoy Lee long HongKong i bin putim wantaim.

Goad Chief nau yet i ran namel long Mosbi na Kiunga na i ken karim hevi inap long 1250 tonnes. *Goad Chief* tu i ken mekim ol wok opere-sen long ol ples i stap longwe long rot. Steamships yet i operetim tripela draft rug na barge husat i stap insait long ol wok bilong painim wel. Steamships yet i gat bikpela siping ejensi insait long Papua Niugini wantaim ol han long Lae, Madang, Rabaul na Mosbi. Steamships i stap olsem join vensa patna wantaim ol stevedoring opereta long Lae, Madang, Rabaul na Kiunga. Ol dispela patna em long Port Services, (stevedoring long Mosbi) Consort Express Lines, Port Moresby Transport, na Pacific Towing na Salvage.

Nupela lo opim tep long ges

i kam long pes 27

Insait long dispela askim pepa, i bin gat tingting olsem sampela bikpela senis tru i mas kamap long (olpela) Petroleum Ekt. Na tu i mas gat narapela hap lo gen bilong karamapim ol helpim em projek bai bringim i kam insait long kantri na i go long ol pipel.

"Olsem na bung tingting i kamap olsem long bekim olgeta dispela askim long wok kamap bilong dispela PNG-Kwinslen projek, olgeta wok senis i mas bung wantaim insait long dispela nupela Ekt - em Wel na Ges Ekt 1998."

Nupela Ekt nau i gat kain kain hap we i toktok long ol laisens bilong paipain, bilong ol wok, rot bilong tilim helpim na husat ol tru

i mas kisim ol dispela helpim. Em i gat hap we i karamapim tu wok bilong dispela Nesanel Ges Kopresen, em ol provinsal gavman bai kamapim.

Long taim em i givim ol toktok bilong em long namba 39 APPEA Konprens long Australia long dispela yia, Petroleum na Eneji Minista Sir Rabbie Namaliu i tok dispela projek em i bikpela tru insait long kantri. Narapela em dispela ligwifaid naturel ges (LNG) projek.

"Bikos insait long wol nau i gat bikpela laik long LNG, dispela projek em i bikpela tru. Long nau yet em mipela bai lukluk long wanem samting em dispela PNG-Kwinslen projek inap kamapim," Sir Rabbie i tok.

SP KAP RIPOT

Tumbe i kisim taim long asples

LAE BOMBERS21
WAGHI TUMBE18

ROBERT BOMA i raitim

LAE Bombers i mekim save stret long Waghi Tumbe long ai bilong ol wantok bilong ol long Minj ragbi lig oval. Bombers i win 23-18.

Dispela em wanpela bilong tupela gem i bin kamap las wiken. Arapela gem em Goroka Lahanis i memeim stret Kimbe Bulls 44-20 long Goroka.

Tumbe i statim gut inta siti kompetisen wantaim ol gutpela win. Tasol nau ol i wok long lus we planti man i tingting wanem em i as bilong lus bilong tim.

Las wik em i namba faiv taim Tumbe i lus. Ol i no winim yet wanpela gem na i luk olsem ol bikman bilong Tumbe Bot bai

tingting long sekim ol pilaia na tim menesemen bilong en.

Bombers i no westim taim long putim trai. Ol i statim skoabuk wantaim wanpela penalti kik long apim nem bilong ol 2-0.

Orait ol i putim wanpela trai na surikim skoa i go long 8-0 bihain long ol i kikim konvesen wantaim.

Ol boi Morobe i blokim olgeta rot bilong haiwe bilong Minj. Ol i no givim wanpela sans tru long Tumbe long skoa.

Klostu long pinis bilong namba wan hap, Bombers i putim wanpela trai gen long surikim skoa i go long 12-0. Dispela skoa i sanap i go inap wisel long hap-taim.

Insait long namba tu hap, tupela tim wantaim i wok long pilai strong tru. Tumbe i brukim kiau taim Amos i go putim wan-

pela trai na Ma Wus i kisim konvesen na skoa i sanap 6-12.

Bombers i surkim skoa i go long 19 taim ol i putim wanpela trai na kikim wanpela fil gol.

Tumbe i no wari. Ol i daunim het na hatwok bilong ol i karim kaikai. Ol i putim wanpela trai na Wus i kikim konvesen na skoa i sanap 12-19. Bombers i putim las tri long muvim skoa i go long 23-12.

Tumbe i pilai strong yet na putim las trai. Samuel Mokon i putim trai na skoa i sanap 18-23.

Peter Wagu pilai gut long Bombers. Na ol lain fowat olsem Malcom Nombri, Tony Kui, Benard Otto na Ma Wus i pilai strong tru long helpim Tumbe long win. Ezekiel Ben wantaim strongpela fowat bilong Tumbe i no stap long tim bikos em i pilai long PNG Resident Kumul tim.

Lahanis i bosim lata

GOROKA LAHANIS 44
KIMBE BULLS 20

CAMBRIDGE Goroka Lahanis nau i bosim poin lata bilong SP Kap bihain long em i wilwilim stret ol boi atus loket, NBOPL Kimbe Bulls 44-20 long Sir Danny Leahy oval las Sande.

Na insait long arapela gem, LBC Bombers i bombim stret Waghi Tumbe 21-18 long Minj oval.

Bihain long las wik gem, Lahanis i stap long 15 poin, Mendi Muruks long 14 na Rabaul Guria long 12.

Lae Bombers i sindaun long namba foa ples wantaim Mt Hagen Eagles na Tumbe long 10 poin. Vipers long 9, Mioks 8, Simbu Angras na Kimbe Bulls

long 6 poin.

Gem namel long Bombers na Tumbe i kamap gutpela tru. Bombers i go pas long skoa 14-0 long haptaim.

Aian Hate na Enos Mission i putim tupela trai. Na dispela i hapim skoa bilong ol Lae Bombers long go antap long 14-0.

Tu minit i go insait long namba tu hap bilong pilai, hap-bek bilong Bombers Peter Wagu i putim wanpela senta trai long surikim skoa 18-0.

Orait Tumbe i no wari. Ol i taitim bun i go na riserv fowat Amos Bawa i kisim wanpela lus bal na givim siksti i go na putim wanpela trai. Masapar Max i kisim konvesen na skoa nau i sanap olsem 6-18.

Wagu i kisim wanpela penalti go na skoa nau i sanap 19-6.

Dispela taim nau Tumbe i wok long kamapim strongpela pilai tru ya. Ol i no givim sans long Lae Bombers long putim wanpela trai.

Bernard Otto, Max, Malcom Nombri, Samson Philip na Frank Kaman i wok long brukim difens na Ma Wus i putim wanpela trai. Wus yet i kisim konvesen na skoa nau i sanap 12-19.

Samson Philip i putim arapela trai gen long pasim skoalain na skoa nau i sanap olsem 18-19.

Kosa bilong Tumbe Gabriel Kiluwa i tok ol pilaia bilong em i lukdaun long pilaia bilong Lae Bombers olsem na ol i lus. Sapos ol i pasim tingting na pilai strong ating ol bai win ya.

Wests na Defence kisim taim

PRL REPORT

TUPELA tim Gerehu United na Tarangau i semim ol biknem tim Gulf-Wests na Defence long Pot Mosbi Ragbi Lig kompetisen.

Tarangau bomim Gulf-Wests 22-18 na Gerehu United i skulim ol boi Defence olsem ragbi lig em bilong olgeta lain.

Ol boi Woda i lusim sampela ol gutpela pilaia olsem Dickson Sibia (Australia) na Billy Kambaoa (Porgera Main), tasol Dokta James Naipao i holim strong yet tim bilong Bomana.

Gulf-Wests i ting bai em i winim Tarangau tasol i abrus. Moa long tausol ol pipel i kamap long lukim bikipela gem bilong PNG Kumuls na NZ Moari i guria stret long lus bilong Wes.

Gulf-Wests i gat biknem pilaia olsem Tuksy Karu, Haiveta Mafu, Pei Mafu, Jimmy Koite na Terencee Kedeia i wok long bosim franlain bilong klab. Karu husat i wok long kalap kalap painim klab nau i go bek long Wests na bosim gen faiv-et posisen.

I tru olsem Gulf-Wests i lus, ol i holim yet namba wan ples long poin lata. Souths i kambek gen long namba tu ples bihain long ol i nekim Brothers husat i stap wanwik tasol long dispela posisen.

Souths winim ol boi bilong Robin Kafie 24-10. Tasol Brothers i no save wari, ol bai kambek gen wantaim gutpela win bikos kosa Joe Madidu i gat kain stail we i ken paulim birua tim ya.

White Haus Waliya i wilwilim stret Dobo Warriors 42-12. Sponsa bilong Waliya Tangil Okuk i amamas tru long lukim tim i win.

Ol Waliya i nogat biknem pilaia. Kosa Ted Vere i wok long traim kamapim gutpela tim bihain long em i lusim Sentrel Lig na joinim Pot Mosbi Ragbi Lig.

Vere i no olsem ol arapela kosa i save pairap tumas, nogat, em i save daunim het na larim ol pilaia i mekim wok long fil.

Ol boi Paga Panthers i stap long namba faiv ples. Ol i winim ol haus-lain bilong Francis Pegu long bikples, Hanuabada 16-14. Hawks i wok long ran gut tru long namba tu na tri posisen tasol nau ol i slek liklik ya.

Askim Oliver Frank, Poki Kohu, Lohia Ben Moide na Noel John long kamapim gen sampela stail long bringim klab i kambek long top spot long poin lata.

Gerehu United na Dobo Warriors i wok long resis long winim taitel bilong bosim poin lata bilong PRL. Dispela taitel we planti klab i save les tasol tupela klab ya i wok long kilim skin stret ya.

Poin lata nau i sanap olsem Wests 16, Souths 14, Brothers 14, Waliya 13, Paga 13, Defence 11, Royals 11, Tarangau 11, Kone Tigers 10, Hawks 9, Magani 9, Dobo Warriors 6 na Gerehu United 6.

Kumuls haitim sem na waraim NZ Moari



• Winga bilong Kumul James Kops i brukim difens bilong Nu Silan Maori long namba tri Tes long Pot Mosbi. Kumuls win 38-10. Foto: Ivan Bayagau.

PNG KUMULS 38
NZ MAORIS 10

HENRY MORABANG i raitim

PNG Residen Kumul i wilwilim stret Nu Silan Maori 38-10 long namba tri ragbi lig Tes long Pot Mosbi las Sande. Dispela bikipela gem i bin kamap long Lloyd Robson oval long Pot Mosbi.

Kepten Mark Mom i go pas long dispela gutpela win bilong Kumul. Em i skorim tupela trai na em i setim tripela arapela trai.

Mom i bihainim maus bilong kosa Bob Bennett long ran wantaim bal long setim ol pilaia bilong em. Em i bihainim maus na dispela i karim kaikai stret ya.

Boi Bogia ya i kisim gutpela sapat i kam long senta David Gomia, Oscar Zugu, Davia Ako, James Kops na Randall Kaupa. Na long fowat Ezekiel Ben, Andrew Noki, Tony Dai na Andrew Norman i kamapim wanpela strongpela gem we ol pilaia bilong Maori i painim hat long takolim ol.

Ben, Dai na Norman i wok long salim skin stret ya. Ol i no pretim ol bikipela pilaia bilong Nu Silan.

Ol arapela pilaia olsem Chris Lome husat i stap olsem risery tu i kamapim gutpela pilai stret.

Lapun Max Tiri i no wari. Em i gat yet masol bilong em long dau-

nim ol birua bilong em long Moari. Tiri em wanpela pilaia i stap longpela taim tru long nesenel tim stat long 1982 i kam inap nau.

Kosa bilong Maori Cameron Bell i tok em i amamas long dispela gem. Em i tok ol Kumul i kamapim gutpela gem stret.

Moari i winim tupela gem long Lae na bihain long Wabag. Dispela tonamen em bilong painimaut husat tru bai stap insait long Tri-series we bai kamap wankain taim we Nu Silan Kiwis, Great Briten Lions na Australian Kangaroos bai salens.

Kosa Bennett i amamas tru long Mom. Em i laik statim gen pilai ragbi bihain long em i pinisim skul long Canberra Yunivesiti we em i save pilai long riserv gret na tu sampela taim long A gret bilong Canberra Raiders.

Mom klostu i winim kontrak wantaim Sen George tasol toktok bilong agrimen i no stret na em i kambek long PNG.

Insait long 10 minit, Moari i banisim gut ol Kumuls na i no givim wanpela spes long ol i go putim trai.

Mom i giaman long tromoi bal na ol Maori i paul na em i ran i go na putim trai klostu long golpos. Dispela em i namba wan taim.

Insait long 28 minit, fulbek bilong Moari Joe Flavell i levelim skoa 4-

4. Orati samting olsem tu minit i stap Mom i kisim wanpela bal na ran abrusim difens bilong Moari long skoa.

Dispela nau i apim skoa bilong Kumuls i go long 10-4. Mom i kisim konvesen na skoa i sanap 10-4 tasol fowat bilong Moari Richard White i levelim skoa gen na tupela tim i dro 10-10 long haptaim.

Insait long seken hap, senta bilong Kumul David Gomia i opim dua bihain long Mom i setim em.

Orait Mom i kikim wanpela penalti na skoa nau i sanap 18-10. Arapela winger bilong Kumul Joe McOconnor i putim arapela trai long 68th minit.

Samting olsem 10 minit i stap bipo long fultaim, Tony Dai putim wanpela trai gen bihain long em i kisim bal long Mom. Andrew Norman i statim dispela gutpela pilai we trai i kamap long en.

Arapela tupela trai i kam yet long David Gomia na James Kops. Gomia i trikim ol Moari na ran bihainim lain tasol bihain em i paulim ol na ran kam insait na putim trai.

James Kops bihain long bal i dai, em i kisim wanpela kwik tep na ran brukim difens bilong Moari long skoa.

Skoa nau i sanap olsem 38-10 long fultaim.

Bombers skelim strong bilong Guria

BUSTIN ANZU i raitim

LAE Bombers bai skelim strong bilong Rabaul Guria sapos ol i min tru long go insait long fainel bilong SP inta siti ragbi lig kompetisen.

Dispela Sande em raun namba 11 na i gat tupela raun i stap bipo long fainels bai kamap.

B52 Bombers i sindaun long namba foa ples wantaim 10 poin. Em wantaim tupela arapela tim Eagles na Tumbe.

Apsait long ailan bilong Nu Briten, kirapim aigras bilong planti sapota na tu spona long sindaun namba tri ples wantaim 12 poin.

SP KAP RIPOT

Dispela yia, ol i kam longwe hap long sindaun long dispela mak.

Maski Nu Briten i gat tupela tim i resis long SP Kap, wanpela bilong tupela tim ya i no go yet long fainel.

Huka Lucas Daniel bai go pas long tim. Em bai kisim gutpela sapot long Tony Dai, Andrew Norman, Eddie Mark na Augustin Justin. Justin em wanpela gutpela pilaia.

Michael Foxy bai putim gutpela so bilong Rabaul.

Jeff Waide i gat arapela gem plen. Lucas Solbat, Peter Dunn na Peter Bakti bai go pas long fowat.

Oipela fulbek bilong Kumul Normyle Eremas bai bosim faiv-et na ol bai i no inap givim sans long ol mangi wopa

kantri. Ol i hatwok na sindaun nau long namba tri ples. Bombers i gat tingting long go antap yet long poin lata. Tasol sapos ol i gat tingting orait, Mendi Muruks na Goroka Lahanis i mas lusim gem bilong ol.

Long Kokopo So gran, Enga Mioks husta i gat 8 poin na sindaun long namba 8 posisen bai traim long brukim han na lek bilong Goroka Lahanis.

Lahanis i pinisim win bilong Miroks na ol i luksave husat em ol gutpela pilaia. Tasol nau dispela tupela tim bai go pilai long Kokopo.

Ol arapela gem bilong SP Kap em olsem Eagles bai skelim strong bilong Mt Hagen Eagles, Tumbe bai bungim Muruks long Mendi, na Vipers bai flai i go long Wes Nu Briten long salensim Kimbe Bulls.

Brothers bai skelim Tarangau

PRL RIPOT

TOYOTA Brothers bai bungim Tarangau long bikpela gem bilong ragbi lig long Pot Mosbi long Sande.

Tarangau i sindaun klostu long as bilong poin lata. Brothers bihain long ol i kisim seken spona long wanpela kampani long Australia, More than Marketing, nau bai kirapim stret paia long wiken.

More Than Marketing kampani i givim trening siot, kep, na ol arapela samting bilong trening.

Kosa aninit long lukaut bilong Joe Madidu i wok long kamapim gutpela gem stret ya. Ol i sindaun namba tu long poin lata.

Tarangau bai traim tasol bikos planti ol biknem pilaia i lusim klab na joinim arapela ol klab.

Wests bai nekim yet Magani. Ol bai autim belhat bilong ol bihain long liklik tim olsem Tarangau i winim ol las wiken 22-18.

Magani husat i wok long painim hat liklik long pilai nau bai strong bikos Wests bai i no inap givim sans.

Haiveta Mafu, Tuksy Karu, Terence Kedeo na Manso Oa bai go pas long dispela tim long mekim save stret long ol boi Magani.

Paga Panthers bai traim strong bilong Dobo Warriors. Las wik Panthers i winim Hawks 16-14, na kosa Joe Katsir i laik ol boi bilong em i mas win long bikpela skoa long dispela wiken.

Long Sarere, Hawks bai winim Post Puma, Royals bai painim hat taim tru long winim Kone Tigers na Defence bai nekim Waliya. Waliya i wok long sindaun amamas bikos ol i wok long kamapim gutpela pilai long autim biknem tim.

11-pela senta givim nem

PAPUA DATS RIPOT

WANPELA ten wan (11) asosiesen na klab i givim nem pinis long stap insait long namba wan Papua Rijen Dats sempionsip long Pot Mosbi.

Dispela sempionsip bai ran long foapela de long Septemba 15 i go long Septemba 19 long Independens wiken.

Sekretari jenerel Mojeck Selsel i tok wanpela ten siks tim bilong man na 8-pela tim bilong meri bai stap insait long dispela resis bilong winim Sil na Kap.

Ol tim i givim nem pinis em Kiunga, Poreporena, Pot Mosbi, Taliu, Sankamap, Gillette, Zulu; Tairox, Lwanga na Allied.

Selsel i singaut i go long tim long ples olsem Kerema, Daru, Alotau, Afore, KDK, Veifa'a na Tubuseria long kam resis long dispela sempionsip.

Em i askim olgeta memba bilong palamen bilong Sauten Rijen na tu Gavana na Prait Ministra long givim sapot long dispela tonamen.

Pot Mosbi Dats Asosiesen i makim ogenaising komiti bilong em long lukautim dispela tonamen. Ol komiti i sanap olsem Moses Sangol (tonamen dairekta), Sasen mesa Chris Wende (siaman), ol arapela komiti em Adu Asigau, Martin Mola, Tom Pelis, Olive Gulu, Francesca Kupe na Ruth Sangol.

Exodus makim tim bilong sempionsip

TABUBIL BASKETBAL RIPOT

PRYDE Exodus basketbal klab bai makim Tabubil long nesene basketbal sempionsip we bai kamap long Mt Hagen long Julai 2-4.

Na long gem bilong ol meri, ol susa long Oro bai makim Tabubil.

Exodus i wokim kain stail we i autim ol Oro men's tim 37-30 long bikpela gem las wik long Tabubil Basketbal kot. Dispela win i soim stret olsem ol i man ya na ol bai makim liklik maining taun. Exodus i gat ol pilaia olsem Charlie, Kairey, Silas, Dion, Bill na Junia Bani husat i kamapim gutpela gem na givim hattaim long Oro.

Gutpela tingting bilong kosa bilong Exodus i mekim tim i win. Ol pilaia olsem Kairey i go insait na dispela i holim strong long rausim strongpela salens em ol boi Popondetta i putim.

Tim bilong Pryde: Suksy Papa, Bill Na'awi, Gordon Kevon, Sials kevon, Kairey Kairey, Dodo Kevin, Charlie Uku, Dion Uku, Warren Grant, Kamo Dau, Sebastian Suma, Rodney Bani na Junior Bani.



• Pilaia bilong Tigers i kisim gutpela takol long hau bilong Post Puma las wik long Pot Mosbi ragbi lig kope-tisen.

Junia kompetisen stat dispela wik

KENNEDY EDENE i raitim

KOIARI Ragbi Lig kompetisen i gat 6-pela gem i stap yet na semi fainel bai stat.

Presiden bilong Koiari Ruben Open i tok bihain tasol long dispela kompetisen em bai statim junia kompetisen.

Em i tok olupela 9-pela klab i mas traim long putm tupela tim, wanpela Anda 19 na anda 17.

Ol klab i no inap putim tupela tim, i mas poromanim arapela klab na ol i ken kamapim wanpela tim tasol long junia kompetisen.

Long resis long Koiari nau bai i gat foapela divisen A gret, B gret o U19 na U17 na olgeta gem bai kmaap long tupela fil wantaim.

KOIARI LIG RIPOT

Kompetisen bilong junia bai i gat wanpela raun tsol na bihain go stret long semi fainel na gren fainel.

Ope i tok sapos namba bilong ol klab i liklik, ol bai mekim ol klab i pilai tupela raun na holim fainel.

Dispela wiken em i nambawan raun ron tasol long lukim gem bai ran gut o nogat, sapos dro em i nogut, lig bai senisim dros gen.

Rejistresen bilong ol junia pilaia bai pas long neks wik. Sapos wanem ol klab i no rejistaim ol pilaia bilong ol, ol i mas mekim hariap.

Insait long rapela stori bilong ragbi lig. Warriors bagarapim stret Bears 28-4 Is wiken.

Kosa bilong Warriors Patrick Belesi i tok dispela em i soim bai Warriors i go

insait long fainel.

Warriors i go pas wantaim 8 poin long namba wan hap bilong pilai. Orait long namba tu hap, ol i no westim taim long putm 4-pela moa trai long surikim skoa i go long 28 na Bears em 4 tasol.

Ol pilaia olsem fowat Michael, Samuel Gery, Freddy Skaey na Bukanu ol i traim hat tasol hapbek na faiv-et Michael Tomai na Bobby Khai i no pilai gut.

Tupela senta Poka na Jerry Kaun i wok long stap nating planti taim na i no save kisim bai liklik.

Warriors i pilai olsem tim. Belesi i lukautim beklain na Russel Eddie i mekim olsem ol fowat i mas kisim bal na ran na brukim difens lain bilong birua tim.

Long ol arapela gem Pukpuks daunim Lakers 1-nil, Choice autim tiket bilong Tigers 6-5, East Kongos bagarapim stret

LAI PSTAIL

AIDS sik manmeri save pilim pen

STEVEN GIMBO i raitim



I GAT wanpela Baibel rit i kam long buk bilong Santu Luke, sapta 18 lain 35 i go long 43. Long dispela Baibel rit, wanpela turangu man husat ai bilong em i pas i bin kisim marimari bilong God.

Jisas i mekim ai bilong em i orait bikos Jisas em i pren bilong ol kain rabis manmeri. Na em i laikim yumi olgeta. Tasol ol arapela gutpela manmeri i no laikim dispela ai pas man.

Long taim dispela ai pas man i go long askim Jisas long helpim em, ol i sarapim em na traim long stapim em long singaut long Jisas. Ol i ting em i mekim pasin nogut taim em i singautim Jisas, husat ol i save olsem em i wanpela bikpela tisa na profet.

Ol i ting olsem Jisas i gat moa gutpela samting bilong mekim na dispela ai pas man i noken westim taim bilong em long toktok wantaim kain pipia ai pas man. Olsem na ol i tokim em olsem Jisas bai nogat laik long toktok wantaim em.

Tasol olgeta dispela manmeri i rong! Dispela trangu man i laik bungim Jisas stret na wanem samting ol arapela manmeri i mekim long stapim em, i no bin stapim em. Nogat! Ol manmeri i tokim em long pasim maus, tasol em i go het na singaut strong moa long Jisas long helpim em.

Na yu traim tingim wanem samting ol manmeri i pilim, taim Jisas i tok em i laik lukim dispela ai pas trangu man. Jisas i bungim dispela ai pas man na long sem taim tu em i mekim ai bilong em i orait gen.

Ol manmeri i ting olsem tingting bilong Jisas i paul! Bilong wanem bai em i toktok wantaim wanpela trangu ai pas man? Na bilong wanem em i mekim ai bilong em i orait tu?

Dispela pasin Jisas i mekim, i soim olsem Jisas na God papa tu i pren bilong yumi olgeta. Maski yumi gutpela manmeri, sin man-

• Sapos yu gat sik AIDS o yu ting yu gat binatang bilong HIV na AIDS plis go lukim ol helt woka bilong ol sios helt sevis na tu bilong gavman helt sevis wantaim ol wokman bilong sios na ol kaunsela na ol bai helpim yu.

meri, trangu, i gat sik, na ol man husat i stap long hevi. Dispela em Jisas, pikinini bilong God husat i soim yumi bikpela laik, pawa na marimari bilong God.

Sapos wanpela man o meri o pikinini i gat HIV o AIDS, ol i noken pilim olsem nogat manmeri i laikim ol. Nogat! Ol i noken pilim olsem nogat man i wari long ol. Dispela em i no pinis bilong dispela graun. Nogat! Yumi i gat wanpela gutpela God husat i salim wanpela pikinini bilong em tasol i kam daun long graun long kisim bek yumi olgeta.

Pikinini bilong God tu i laikim yumi olgeta bikos dispela em wok God yet i salim em i kam daun bilong mekim. Olsem na em i save kolim em yet, pren bilong ol trangu, ol sik manmeri, ol man i gat hevi, na ol kain lain. olsem.

Olsem na sapos wanpela man o meri husat i gat dispela sik nogut i ting olsem ol arapela manmeri i les

long em o sapos yupela i gat wanpela wantok husat i gat dispela sik orait, nau em i taim bilong go bek na helpim ol, na mekim ol i pilim olsem ol tu i pikinini bilong God. Noken lusim ol i stap ol yet, o lusim ol nabaut.

Yupela i ken sekhan wantaim ol o holim pas ol, mekim ol i pilim olsem sampela lain i laikim ol yet na tu lukautim ol gut tru. Yupela i mas mekim wankain gutpela pasin taim ol i bin stap gutpela manmeri na i no bin gat dispela sik.

Yu bai i no inap kisim binatang bilong AIDS taim yu tasim, holim han, holim pas o yusim sem samting wantaim ol lain i gat sik AIDS. AIDS i ken kalap long narapela long blut i stap long ol sap samting olsem resa, sut o naip na ol blut ol i save givim long haus sik, sapos ol i no testim gut na long wara bilong sem bilong manmeri sapos yu slip wantaim ol na mekim pasin marit taim wanpela bilong dispela

man o meri i gat sik AIDS.

Yumi noken lukluk long ol olsem ol i kisim dispela sik bikos ol i save mekim pasin nogut. Nogat. Yumi mas laikim ol na lukautim ol. Sapos yumi mekim olsem bai ol tu i pilim amamas na ol bai pilim gutpela olsem sampela man o meri i laikim ol yet.

Ol dispela manmeri wantaim AIDS em ol i wankain man olsem yumi tasol ol i gat dispela binatang HIV insait long bodi bilong ol. Olsem na sapos wanpela wantok bilong yumi i gat dispela sik o binatang bilong em orait, yumi i mas mekim wankain pasin long em olsem pastaim yumi save mekim long em taim em i nogat sik AIDS.

Laip bilong planti manmeri wantaim AIDS i save kamap moa hat tru taim ol manmeri klostu long ol na ol wantok na pren bilong ol i save kisim tingting nogut long ol, olsem nogut dispela sik AIDS i

kalap long ol pikinini bilong ol na ol yet.

Harim stori bilong wanpela liklik meri nem bilong em, Ileva Maiwan Graso (I no nem tru), wanpela liklik meri husat i gat foapela krismas bilong kantri Ostrelia, husat i gat dispela sik AIDS.

Em i bin kisim binatang bilong sik AIDS long blut we ol i no bin testim gut na i givim em long haus sik. Trangu, i no asua bilong em tasol em i bin pilim bikpela pen na famili bilong em i bin painim moa hevi.

Ol lain husat i slip klostu long famili bilong Graso na ol papamama bilong ol wankul bilong em, i mekim laip bilong em yet wantaim famili bilong em i hat tru. Ol i les long Graso i mas skul wantaim ol pikinini bilong ol, o pilai wantaim ol bikos, ol i ting olsem ol pikinini bilong ol, bai kisim wankain sik tu.

Olsem na ol komplek na toktok strong na mekim ol arapela pasin nogut, we i mekim ol famili bilong Graso i pilim nogut tru. Dispela i mekim famili bilong Graso i lusim Ostrelia na ol i go sindaun long Niu Zilan.

Mi askim yumi olgeta pipel bilong Papua Niugini long noken mekim kain pasin olsem. Plis helpim ol manmeri i gat sik AIDS na mekim laip bilong ol i stap isi. Noken givim ol moa pen long bodi, tingting na spirit.

Sapos yu husat i ridim dispela laip stori na yu save olsem yu gat binatang HIV o sik AIDS, orait harim gut, dispela em i no min olsem bai yu dai hariap. Nogat. Yu bai i gat binatang long bodi bilong yu tasol dispela i no min olsem bai yu dai tude o tumora. Nogat. Sapos yu lukautim skin bilong yu gut, kisim marasin long ol arapela sik nabaut bai yu stap longpela taim yet.

Tasol noken traim long slip na mekim pasin marit wantaim wanpela man o meri husat i nogat dispela sik.



• Yu inap painim trupela bel isi long God. Olsem na ritim Baibel na beten, go long lotu na askim God long marimari long yu, pogivim yu na helpim yu. God, em God bilong marimari, pogiv na bel isi. Em tasol bai givim yu bel isi bilong oltaim.

Ramu projek bai go het

SAPE METTA i raitim

KURUMBUKARI.....Wanem samting bai kamap long Kurumbukari? Yes dispela nem Kurumbukari i kamap bikpela tru insait long Madang provins.

Planti man, meri na pikinini tu i save gut tru long dispela nem bikos i no long taim, wanpela bikpela projek bilong nikol na kobal main bai kamap stret long Kurumbukari. Kurumbukari i stap samting olsem 90 kilomita long wes sait bilong Madang antap long ol maunten na insait long bikbus bilong Bundi distrik.

Na ol menesmen na wok manmeri bilong Highlands Pacific Limited (HPL) husat bai i go pas na papa long dispela projek i wok long mekim planti hatwok nau long kirapim wanpela main long Kurumbukari. Long nambis bilong Basamuk, ol i tingting long kirapim wanpela fektori we ol bai wokim nikol na kobal long graun malmalu bilong Kurumbukari.

Nikel, sapos yu i no save, em i wanpela kain minerel bilong graun we i luk olsem kapa, tasol em i spesel kain kapa. Ol balus,



• HPL Eksploresen Menesa Greg De Ross i soim ol ripota sampela graun malmalum ol i digim long Kurumbukari bilong mekim tes long painim sapos i gat nikol na kobal o nogat. Dispela wok painim i soim olsem i gat inap nikol na kobal long 20 yia main laip.

helikopta, sip na planti ol arapela bikpela samting em ol i save mekim long dispela spesel kapa, nikol.


Nau long dispela taim, i gat bikpela askim i stap long ol bikpela balus, sip na ol arapela fektori husat i save yusim nikol long baim

nikol.

I no long taim i go pinis, HPL i bin sindaun wantaim ol nius manmeri long wanpela miting rum long Madang we ol kampani wokman, Greg De Ross (Jenerel Menesa, Eksploresen), Mick Wilkes (Menesa Ramu Nikel projek, Madang) na Andrew Yauieb (Menesa, Koporet Afeas) i bin tokaut long plen bilong dispela projek.

Insait long dispela nius konferens, ol bikman bilong HPL ya i tok, HPL bai lusim samting olsem US\$838 milien long statim na ronim dispela projek. Long Kina veliu bilong PNG, em bai samting olsem moa long K1.6 bilion. Em i bikpela na planti mani tumas, tasol i kam bilong en bihain long 20 yia i ken dabol ap.

Nikel main bai stat long Kurumbukari na paiplain tu bai stat long hap na i go daun long Basamuk basis long saut kos bilong Madang. Long Basamuk basis, HPL bai wokim wanpela intanesenel bris we ol bikpela ovasis sip bai i go sua na rausim na kisim kako. Ol bai kisim pinis prodak bilong nikol na kobal i go long



• HPL Ramu Nikel Projek Menesa, Mick Wilkes i soim wanpela nikol plet ol i wokim long graun malmalum bilong Kurumbukari. Ol Foto: Sape Metta

ol ol arapela kantri we HPL i tingting long salim dispela ol prodak long ol.

Ol bikman bilong HPL i tok, dispela projek em i wanpela bikpela projek olsem na ol ples lain klostu long Kurumbukari main sait na Basamuk eria i sapatim wok bilong dispela nikol projek.

HPL Ramu Nikel Projek Menesa Mick Wilkes i tok, nikol projek, em i wanpela bikpela projek olsem na olgeta manmeri husat i stap klostu long main sait na Basamuk eria i mas kisim gut ol awenes edukesen. Em i tok dispela skul bai helpim ol long save gut long wanem samting nikol projek bai kamapim taim main i statim wok.

Mista Wilkes i tok, nau yet, ol awenes edukesen program i stat pinis long planti liklik haus lain na ples klostu long Basamuk na Kurumbukari na ol arapela ples tu we i stap long ol eria we paiplain bai ron long en.

Em i tok, HPL i givim kontrak long ol saveman bilong bus, solwara na graun (envairnementelis) long karim aut ol awenes edukesen na skulim ol ples manmeri long dispela projek.

Em i tok, HPL yet i putim mani bilong karim aut dispela ol awenes program we gavman bilong PNG i sapos long i go pas na mekim dispela wok.

Mista Wilkes i tok HPL i lusim pinis samting olsem K12,000 long karim aut awenes.

Wok bilong nikol projek long Kurumbukari bai kisim samting olsem 20 yia olgeta.

Long mun Mas, Minerel Risoses

Minista, Masket langalio i bin mekim namba wan lukluk raun long dispela main sait long Kurumbukari na ol lokol pipel long hap i welkamim em wantaim bikpela amamas.

Sampela long ol i tokaut long Mista langalio olsem, ol i sapatim dispela nikol projek. Na ol i laik lukim senis i kamap long ples bilong ol.

"Sapos ol kainkain maining i ken kamap long OK Tedi, Pogera, Lihir na Kutubu, olsem wanem long mipela?" ol i tok.


Tasol bihain long sampela ripot bilong bagarap bai kamap long taim bilong operesen, bilong dispela projek, HPL long nau yet i no mekim wanpela toktok long go het long mekim wok long kirapim dispela projek.

Ripot bilong HPL i tok, taim projek bilong nikol main i go het, ol rabis o pipia bilong ol kainkain marasin em main kampani bai rausim i go insait long solwara. Na bai i stap pas insait long solwara na i no inap bagarapim ol laip bilong solwara olsem ol pis, rip, na solwara yet. Na olsem inap bagarapim laip bilong ol lain long nambis.


Tasol ol arapela ripot bilong Piseris Otoriti long PNG, na Minerel Rises Institut long Ostrelia i soim olsem dispela ol marasin nogut, HPL i gat tingting long tromoi i go long solwara, bai i stap liklik taim, na bihain tait, win na solwara bai kisim ol dispela samting i kam antap na tromoi i go long nambis na ol arapela hap bilong provins na kantri.



• Ol wokman bilong HPL i wok hat long kem bilong kampani long Basamuk.




• Map bilong Ramu projek.



• HPL bai wokim nikol na kobal fektori long Basamuk Basis long Raikos insait long Madang provins.

Owl stapim pait bilong tupela meri



Tupela i stap na Niaura Taakoa i katim bus na planim wangepela banana. Banana ya kamap bikpela pinis na i mau na narapela raun meri, Yakun Taakoa i save kam na stil na kaikai.

Plantu taim em i save kam na stilim na kaikai i go i go na tran-gu Niaura Taakoa save painim hat long holim em. I go na wangepela nait mun i lait gut tru nogat klaut long skai em nau, raun meri ya Yakun Taakoa i kam raun arere long banana bilong Niaura Taakoa. Raun meri Niaura Taakoa i luksave olsem tude stret tewel meri ya, Yakun Taakoa bai stilim banana bilong

mi. Yakun Taakoa i kam sanap arere long banana pinis na "man" banana ya," em guria guria na seksek i stap. Na raun meri ya Yakun Taakoa i no save olsem raun meri Niaura Taakoa i kam, nogat. Em i sanap mekim save wantaim banana na Niaura Taakoa i kam kamap nau na tokim banana ya olsem, "yu aut."

Tipma Yaman, i guria wantaim na tokim raun meri, Niaura Taakoa olsem. Yu painim wanem, Tipma Yaman i guria wantaim na tokim raun meri Niaura Taakoa olsem, "Yu painim mi a? Em ya meri ya i stap wantaim mi ya. "Em nau raun meri Niaura Taakoa i kirap paitim

tewel meri Yakun Taakoa.

Tupela i mekim save pait i go kam arere long banana ya. Tipma Yaman na banana ya em guria guria na seksek i stap. Na ol gras long bus i laik stapim tupela meri ya na i no inap. Ol diwai tu i no inap.

Olgeta samting i no inap tru i go i go na las tru tupela Owl (Kalayak) i kam na lukim olsem i nogat lain i stapim tupela tewel meri ya, em nau, tupela (Kalayak) i go na stopim tupela tewel meri ya. Em tasol.

Teddy Horsmond Pingar Pagwi, Maprik. East Sepik provins.



Nem: Kruse Melton
Krismas: 19 (man)
Adres: P.O. Box 5722, Boroko, NCD.
Save laikim: Go lotu, harim tok bilong God, singim ol gospel na lotu singsing na mekim pre long bikpela long helpim yumi, raitim pas long ol pen pren na prenim ol meri long Papua Niugini.

Nem: Melton Rimbo
Krismas: 20 (man)
Adres: P.O. Box 5722, Boroko, NCD.
Save laikim: Go lotu, ritim Baibel, harim gospel musik na mi gat bikpela intres long mekim pren wantaim ol meri long Papua Niugini.

Nem: David Weilape
Krismas: 19 (man)
Adres: Talair Block, P.O. Box 7845, Lae, Morobe Province.
Save laikim: Pilai soka, tok pilai, go long lotu na raitim pas long ol pen pren.

Nem: Dustie Jobbah M.
Krismas: 22 (man)
Adres: Kinakon (PNG) PL, P.O. Box 106, Port Moresby, NCD.
Save laikim: Go lotu olgeta Sabat, singim ol Edventis koras, serim Baibel ves, kukim ol swit kaikai, raun lukim ol ples na poto na senisim presens na tok-save olsem bai mi bekim olgeta pas mi kisim.

Nem: Elaisa Noah
Krismas: 20 (man)
Adres: Kapiura Bilomi Division One, P.O. Box 451, Kimbe, West New Britain Province.
Save laikim: Tok pilai wantaim ol manki na ol meri tu. Wokim na raitim pasd i go i kam wantaim ol penpren.

Nem: Philips Kosi
Krismas: 20 (man)
Adres: C/o Saint Vincent Community School Ulau, P.O. Box 89, Aitape Sandaun Province.
Save laikim: Harim PNG: lokol musik, reggea, ridim niuspepa, painim poroman, pilai soka na volibal.

Nem: Georgina Pobef
Krismas: 26 (meri)
Adres: P.O. Box 279, Beach Rd, Ghana, Ghana West Africa.
Save laikim: Raun, rit, senisim presens na ol aidia, bungim ol gutpela Baibel, raitim ol pas i go long ol pren, disko, tenis, na musik.

Nem: Elsie Pobef
Krismas: 27 (meri)
Adres: P.O. Box 279, Beach Rd, Ghana, Ghana West Africa.
Save laikim: Raun, rit, senisim presens na ol aidia, bungim ol gutpela Baibel, raitim ol pas, tenis, swim, tenis na musik.

Nem: Rose Aidoo
Krismas: 20 (meri)
Adres: P.O. Box CT 110, Cape Coast, Ghana - W/Africa.
Save laikim: Prensip, pait, benknot na marit.

Nem: Kwamena Sakyi
Krismas: 20 (man)
Adres: P.O. Box CT 154, Cape Coast, Ghana - W/Africa.
Save laikim: Musik, lukim ol ples.

Nem: Rosedaring Meri
Krismas: 26 (meri)
Adres: P.O. Box 129, Cape Coast, Ghana W/Africa.
Save laikim: Raun, senisim ol gutpela musik spots, senisim ol gutpela na ol presens.

BIPO BIPO tru long ples Kabanior i gat tupela tewel meri i stap. Nem bilong tupela meri em Yakun Taakoa wantaim Niaura Taakoa.



Marit bilong mi stap long hevi

pasin. Foapela krismas em i longpela taim long wet long kisim bebi. Tasol sampela taim ol marit i save gat bebi bihain long longpela taim ol i stap wantaim nogat pikinini.

Yu ting olsem em i fea long lusim meri bilong yu bikos yutupela i no kisim bebi? Ating meri i wari na sori tu olsem yu tasol.

Watpo na yu no laik bilipim em taim em i tok em no yusim marasin long pasim bel bilong en? Sori ya, tasol em i tru olsem planti marit nau i no save gat pikinini. Na planti taim dispela kamap bikos sampela samting i no stret wantaim man na meri long wokim pikinini.

Em no gutpela long sutim tok long wangepela arapela taim dispela kain samting i kamap. Noken sutim tok long meri bilong yu sapos sampela samting i rong long bodi bilong em. Long wankain taim tu, yu ken gat asua na sapos dispela i mekim yu na yu no inap long wokim pikinini, em no rong bilong yu.

Yu lukim tu wangepela dokta husat i ken helpim yu? Yu na meri bilong yu i ken visitim dokta o haus sik o famili plening klinik na ol i ken sekim yutupela long painimaut wanem samting i rong na meri i no inap karim pikinini. Sampela taim marasin i ken helpim yu stretim hevi na meri i karim pikinini.

Yu tok olsem yu lavim meri bilong yu. Olsem wanem na yu slip wantaim narapela meri gen? Pasin yu wokim yu wokim i no gutpela long meri bilong yu. Em i ken tok olsem insait long foapela krismas yu slip wantaim em yu no givim em bebi na wanem samting i rong sapos em i go na slip wantaim narapela husat i ken givim em bebi? Mipela i ting olsem bai yu belhat tru sapos meri bilong yu i wokim olsem, tasol dispela em samting yu wokim long en.

Mipela i no kliā olsem kastom bilong yu long ples i oraitim yu long lusim meri bikos em i nogat pikinini, tasol sapos yu go long kot na askim long divos, kot i no inap long tok yesa long as tingting we yu laik lusim meri bilong yu. Tasol meri bilong yu i gat as long lusim yu.

Yu givim sampela tingting tu long wanem samting bai kamap long dispela "naispela" yangpela meri sapos yu givim em bel? Em no luk olsem naispela gel sapos em i askim yu long slip wantaim em na traime stilim yu long meri bilong yu.

Sapos em i gat pikinini long yu em bai wok bilong yu longlukautim em na pikinini.

Long wankain taim, meri bilong yu i gat yet bikpela laik long yu na i no wokim bikhet pasin, maski yu no wokim gut long en.

I moabeta yu givim tok tenkyu long Bikman na lusim tingting long narapela yangpela meri ya. Samting yu ken mekim nau em noken sutim tok long meri bilong yu olsem em i giaman na i rong bilong em long no karim pikinini, inap yu askim em long pogivim yu?

Marit em i promis we tupela man na meri i mekim long stap long laiptaim na long gutpela na taim nogat wantaim. Yu gat wankain luksave long marit olsem tu?

Bikos yu laikim tru bebi, i moabeta long yutupela i go wantaim long lukim dokta na em kersekim yutupela long helpim yutupela long traime gat bebi. Sapos ol i painim olsem i gat hevi we ol i no inap long stretim, inap yutupela i kisim wangepela bebi na lukautim olsem bilong yutupela?

LAIPPLAIN

Sapos yu gat hevi rait i kam long Laipplain long dispela edres: Lifeline, POBox 6047, Boroko, NCD. Telpon nambunya 3260011. Putim tru i na nambunya edres bilong yu bikos mipela i no inap long bekim pas sapos yu no yusim trupela nem. Bai yumi tok tok long ol hevi long dispela kolom tasol bai mipela i noken autim trupela nem bilong yu.

Laipplain

Mi na meri bilong mi i gat bikpela laik long wangepela arapela, tasol mitupela i nogat pikinini bihain long foapela krismas mitupela i bin marit. Mi askim meri bilong mi sapos em i wok long yusim sampela kain marasin long pasim bel na em i tok nogat. Mi no bilipim em na mi tokim em olsem bai mi lusim em. Tasol em i tok em i laikim mi yet.

Nau mi bungim wangepela yangpela meri na bihain long longpela toktok mitupela i mekim, em bin askim mi long slip wantaim em. Na mi tok yesa long en. Bihain long dispela, em i askim mi long maritim em.

Olsem wanem na mi go insait long dispela kain hevi?

WITHOUT CHILD

Pren

Mipela i luksave olsem yu no amamas long wanem yu nogat pikinini na yu wokim dispela kain



Bik Bro REBO



MAU, BALUS IKALAP KALAP NA REBO OL I KISIM TAIM STRET!!!



ORAIT! YU-PELA KEN SIN-DAIN GUTARU! KLAUT PINIS!

WIIYAKI LULUAI! GOD BLESS! MI TING EM LAS DE BILONG MI!



MI NO BILIP, EM FEST TAIM TRU LONG HAMAS YIA MI BIN FUAI I GO INSAIT LONGI KAIN KLAUT OLSEN!

TUPELA PAILLOT I PILIM NARAKAIN TAIM OL I KAMALU LONGI DISPELA BIKPELA KLAUT...

TRU, YAH! MI FILIM OLSEM MI STAP LONG NARAPELA HAP NA TAIM!



REBO TUI KISIM DISPELA KAIN FILING NA TINGTING TU...

SHEESH! PLES I LUK NARAKAIN NA FILIN BILONG MI OLSEM MI STAP LONG TAIM BIFD!



REBO I WOK LONG TINGTING NA LUKLUK I GO AUT LONG WINDO BILONG BALUS NA KIRAP NOGUT LONG LUKIM WANPELA OLPELA BALUS I PLAI ARERE LONGI OL...

WANEMZ!?! MI MAS DRIMAN O WANEMZ!?!



OL PAILLOT TU ILUKIM BALUS YAH...


HEY!?! EM WANPELA OLPELA BALUS, YAH!

EM BILONG WOL WOA TWO YAH! HUSAIT! FLAIM YAH?

IGO MOA NEKS WIK!



SIPAK MAIKY



POLIS CHOPA TEK-OFF NAU TU DESTINESEN, MOBAIL STAN-BAI!

CHUKA CHUKA CHUKA!

FICUL DEPOT POLIS ROYAL CON-AIR SQUAD POLIS CI

NAU HELIKOPTA TEK-OFF!!!



CHOPA TU OL YUNITS! MIPELA SPOTIM OL PINIS, BAI MIPELA FLASIM OL I KAMALU, STAN-BAI!

MUU IGO DAUN LIKLIK BAI MI WORNIM OL LONG LAUD SPIKA PASTAIM, PRETIM OL LIKLIK



POLISS!?! MI TING EM HELIKOPTA NATING!

MIPELA OL POLIS!! SARAUNDA!!!

OH NO! OLIGAT KAINKAIN WE LONG RONIM YUM!

OLIPAINIM YUMI PINIS!



TEK-OFF!


SPRED-AUT!!



HALT!! OLGETA SANAP LONG LAIN!!

!?!

IGO MOA NEKS WIK!



Mbeki tekova olsem lida bilong Saut Afrika...

• Han i go antap na smail long pes bilong en em Thabo Mbeki, man husat bai kisim ples bilong Presiden Nelson Mandela olsem lidaman bilong Saut Afrika taim Mista Mandela i ritaia. Saut Afrika bai i holim nesanel ileksen long dispela mun. Presiden i risain long wok bilong em long las wik. - Weekly Australian niuspepa

Mama bilong ol Wail abus, em Baluchitherium

Glasim wantaim man, man i luk olsem wanpela liklik samting nating



I no wail abus nating, nogat ya! Ol i bilip olsem dispela em bikpela wail abus tru winim ol arapela wail abus long graun. Ol i kolim long Bauchitherium na ol bin painim bun bilong em long Pakistan i no long taim i go pinis. Lukim sais bilong em wantaim man na man i luk olsem wanpela liklik anis. Ol i bilip olsem wail abus ya i bin stap long graun 30 milien krismas i go pinis na long sais, longpela na bikpela bilong en, em i winim ol arapela wail abus long graun long wol. Pastaim sampela lain saientis bilong Briten bin painim sampela bun bilong dispela wail abus ya

tasol ol bun samting we ol i painim nau i soim olsem longpela bilong em taim em i sanap em i 7 mita. Dispela em i bikpela winim elefan tu. Na hevi bilong en em 15-20 ton na em i luk olsem wail abus raino wantaim hon. Ol saientis long musium we i karimaut stadi long dispela samting i bilip olsem wail abus ya i bilong Amerika na em i bin go long narapela sait long Esia bihainim Bering Si.

Ol i givim nem Baluctitherium bikos ol bin painim ol bun bilong em long Baluchistan provins long kantri Pakistan.

Guardian Weekly niuspepa



Tupela ami bilong India i lukluk i stap wantaim ol samting bilong pait

Tupela nuklia pawa long Saut Esia em India na Pakistan i save bungim hevi long dispela boda kantri we i stap namel long tupela na ol i wokim tupela wo namel long ol pinis. Kashmir em i wanpela teritori na em no kisim independens yet. Pakistan i tok bikpela samting em long rait bilong ol Kashmir pipel long tingim bihain taim bilong ol. Dispela em samting we tupela India na Pakistan i save gat hevi long en. Pakistan i sutim tok long India long toktok long ol arapela samting na abrusim dis-

pela toktok. Olsem na tupela kantri i gat ol ami long boda eria na taim ol samting i go nogut, ol i save kamapim pait namel long ol. Ol ripot i tok insait long olgeta yia, samting olsem 200 soldia bilong India i save dai long dispela hevi wantaim Pakistan. Tasol tupela i sanap strong long posisen bilong ol. Pakistan i tok hevi tupela sait i gat long Kashmir em i bikpela samting taim India i tok nogat na ol i ken daunim hevi namel long ol yet na i no ol ausait lain i go insait.



Moa meri go insait long Israel palamen...

• 14 meri i bin winim sia long Palamen bilong Israel bihainim nupela ileksen long dispela mun. Dispela i rekot namba long ol meri politisen long Israel. Antap: namba wan meri Arab long winim sia na go insait long Israeli palamen, Husaina Jabara husat i gat 41 krismas. Em bin sanap makim Meretz Pati Long hansut antap em Anat Maor husat i bilip olsem moa meri i mas go insait long politiks. Long hansut daunbilo em Dalia Rabin-Filosof, pikinini bilong Yitzhak Rabin husat i bin sanap long Senta Pati na win. - Weekend Australian niuspepa.

Ron Bilong Pasindia Sip

JUN 1999

Sapos yu laik bukim sip o kisim moa toksave
Askim Titus o Ita Ph: 472 2066 Fax: 472 6806
P.O. Box 1459, Lae, Morobe Provins

Vessel Voy No, Sailing from Lae for: Day Date Time

*Gejamsao >>>>> Offers Daily Passenger & Parcel Services between Lae and Buki
*Gejamsao >>>>> Departs Lae @ 0900am and Arrives Buki at 11:30am.
*Gejamsao >>>>> Departs Buki @ 12:30pm and Arrives back at Lae at 3:00pm

| | | | | |
|---------------------|-------------------------------|-----|----------|------|
| Maneba.....511 N | Fin/Wasu/.....(Mag)..... | Tue | 01-06-99 | 4pm |
| Nagada.....431 A | Fin/Lab/Lae..... | Wed | 02-06-99 | 4pm |
| Umboi.....589 N | Lorengau.....(Lae)..... | Wed | 02-06-99 | 4pm |
| Nagada.....431 N | Fin/Sio/Wasu/GAL/Bil/Madang.. | Fri | 04-06-99 | 12nn |
| *Mamose.....612 B | Finsch/LabLab/Finsch/Lae..... | Fri | 04-06-99 | 5pm |
| *Mamose.....612 D | Oro Bay..... | Sat | 05-06-99 | 8pm |
| *Mamose Exp...511 N | Buki/Lae.....special..... | Mon | 07-06-99 | 9am |
| *Rita.....474 N | Kimbe/Rabaul/Kimbe/Lae..... | Mon | 07-06-99 | 3pm |
| *Mamose Exp...613 N | Fin/Wasu/Madang/Wewak..... | Tue | 08-06-99 | 9am |
| Umboi.....570 N | Fins/Wasu/.....(Mag)..... | Tue | 08-06-99 | 4pm |
| Maneba.....512 N | Lorengau.....(Madang)..... | Wed | 09-06-99 | 4pm |
| *Rita.....474 B | Fins/LabLab/Fins/Lae..... | Fri | 11-06-99 | 5pm |
| *Rita.....474 D | Oro Bay/Lae..... | Sat | 12-06-99 | 8pm |
| *Rita.....474 A | Buki/Lae.....special..... | Mon | 14-06-99 | 9am |
| *Mamose Exp...614 N | Kimbe/Rabaul/Kimbe/Lae..... | Mon | 14-06-99 | 3pm |
| *Rita.....475 N | Fin/Wasu/(Lae)..... | Tue | 15-06-99 | 9am |
| Nagada.....432 A | Fin/Wasu/(Lae)..... | Tue | 15-06-99 | 4pm |
| Maneba.....513 N | Lorengau.....(Lae)..... | Wed | 16-06-99 | 4pm |
| *Mamose Exp...614 B | Fins/LabLab/Fins/Lae..... | Fri | 18-06-99 | 5pm |
| *Mamose Exp...614 D | Oro Bay..... | Sat | 19-06-99 | 8pm |
| *Mamose Exp...615 N | Fin/Wasu/Madang/Wewak..... | Mon | 21-06-99 | 9am |
| *Rita.....476 N | Kimbe/Rabaul/Kimbe/Lae..... | Mon | 21-06-99 | 3pm |
| Maneba.....514 N | Fins/Wasu/.....(Mag)..... | Tue | 22-06-99 | 4pm |
| Umboi.....572 N | Lorengau.....(Lae)..... | Wed | 23-06-99 | 4pm |
| *Rita.....476 B | Fins/LabLab/Fins/Lae..... | Fri | 25-06-99 | 5pm |
| *Rita.....476 D | Oro Bay/Lae..... | Sat | 26-06-99 | 8pm |
| *Rita.....477 N | Fins/Wasu/Madang/Wewak..... | Mon | 28-06-99 | 9am |
| *Mamose Exp...616 N | Imbe/Rabaul/Kimbe/Lae..... | Mon | 28-06-99 | 3pm |
| Umboi.....573 N | Fins/Wasu/.....(Mag)..... | Tue | 29-06-99 | 4pm |
| Nagada.....433 A | Fins/LabLab/Lae..... | Wed | 30-06-99 | 4pm |
| Nagaba.....433 S | Alotau.....special..... | Fri | 02-07-99 | 12nn |

Ron Bilong Kago Sip

Jun 1999

Sapos yu laik bukim sip bilong karim kago o kisim toksave
Askim Philip o Yadi Ph:472 2066 Fax: 472 6808
P.O. Box 1459, Lae, Morobe Provins

Vessel Voy No, Sailing from Lae for: Day Date Time

Main Ports

| | | | | |
|------------------|--------------------------------|-----|----------|------|
| Kuder.....221 A | Madang..... | Tue | 01-06-99 | 6pm |
| Umboi.....569 N | Lorengau.....(Lae)..... | Wed | 02-06-99 | 4pm |
| Kuder.....221 N | Madang/Wewak/Vanimo..... | Fri | 04-06-99 | 10pm |
| Wewak.....352 A | Madang..... | Tue | 08-06-99 | 6pm |
| Maneba.....512 N | Lorengau..... | Wed | 09-06-99 | 4pm |
| Wewak.....352 N | Madang/Wewak/Vanimo..... | Fri | 11-06-99 | 10pm |
| Kuder.....222 A | Madang..... | Tue | 15-06-99 | 6pm |
| Maneba.....513 N | Lorengau.....(Lae)..... | Wed | 16-06-99 | 4pm |
| Kuder.....222 N | Madang/Wewak/Vanimo..... | Fri | 18-06-99 | 10pm |
| Wewak.....353 A | Madang..... | Tue | 22-06-99 | 6pm |
| Umboi.....572 N | Lorengau.....(Lae)..... | Wed | 23-06-99 | 4pm |
| Wewak.....353 N | Madang/Wewak/Vanimo..... | Fri | 25-06-99 | 10pm |
| Kuder.....223 A | Madang..... | Tue | 29-06-99 | 6pm |
| Maneba.....515 N | Lorengau.(W/kos,Lae).Dangerous | Wed | 30-06-99 | 4pm |

Small Ports

| | | | | |
|------------------|------------------------------------|-----|----------|------|
| Maneba.....511 N | Fins/Wasu/.....(Mag)..... | Tue | 01-06-99 | 4pm |
| Nagada.....431 A | Fins/Lab/Lae..... | Wed | 02-06-99 | 4pm |
| Nagada.....431 N | Fins/Sio/Wasu/GAL/Bil/Madang.. | Fri | 04-06-99 | 12nn |
| Umboi.....570 N | Fins/Wasu/.....(Mag)..... | Tue | 08-06-99 | 4pm |
| Umboi.....571 N | Aitape..... | Mon | 14-06-99 | 4pm |
| Nagada.....432 A | Fins/Wasu/ (Lae)..... | Tue | 22-06-99 | 4pm |
| Nagada.....432 N | Lab/Fin/Was.Dan + gen. car.for Lab | Thu | 17-06-99 | 4pm |
| Maneba.....514 N | Fins/Wasu/.....(Mag)..... | Tue | 22-06-99 | 4pm |
| Umboi.....573 N | Fins/Wasu/.....(Mag)..... | Tue | 29-06-99 | 4pm |
| Nagada.....433 A | Fin/Lab/Lae..... | Wed | 30-06-99 | 4pm |

Amamas long go bek long ples



• Ol refuji Albania pikinini long Cegrane refuji kem long Macedonia i amamas na tromoim han long harim nius olsem ol ken go bek long ples bilong ol long Kosovo. Dispela em bihainim pis agrimen we ol Serbia soldia i lusim Kosovo long las wik na ol Albania refuji i ken go bek long ples bilong ol. Tasol ol ripot i tok ol Serb ami i kukim na bagarapim pinis planti ol haus na ol arapela propeti bilong ol Albania pipel long Kosovo taim ol bin ronawe lusim ples tupela mun i go pinis. Dispela em taim pait long Kosovo i go bikpela na ol NATO ami i tromoim bom long ol militeri taget long Kosovo.

Taim ol Serbia ami na pipel i hariap long lusim Kosovo, ol Albania refuji bilong Kosovo husat i stap long ol refuji kem long Macedonia i hariap tu long go bek long ol ples bilong ol long Kosovo. Tasol wanpela hatpela samting long wokim em long NATO long mekim ol Kosovo paitman, ol Kosovo Liberesen Ami (KLA) em ol hero we ol NATO i bin go long lukautim wantaim ol pipel bilong ol long lusim ol samting bilong pait. Ol Serbia pipel em ol hauslain bilong ol Rasia pipel na nau Rasia i wok long

strongim NATO long bihainim agrimen we ol bin tok orait long rausim ol samting bilong pait long han bilong ol Kosovo paitman. Ambasadada bilong Rasia long Yunaitet Nesens i tok NATO i no hariap tumas na i askim pinis UN Sekyuriti Kaunsil long lukluk long dispela samting.

Bikos ol no bin laik lusim ol samting bilong pait, Yunaitet Stets marin na NATO long dispela wik i bin fosim 200 Kosovo paitman long lusim ol. Planti tausen Kosovo long ol ka, trak na lek i pulapim rot long hariap

na go bek long Kosovo na piksa i wankain olsem dispela long tupela mun i go pinis taim ol bin ronawe lusim ples. Nau gen, ol i karim ol samting bilong ol na ol i wok long go bek taim ol Serbia pipel na ami i wok long hariap lusim Kosovo long sem taim. Long dispela taim, ol Kosovo lain i amamas, lap na tromoi han long go bek na long Prizren we ol grup bilong Serbia na Albania i bung taim ol i go long wan wan rot bilong ol, Ol Albania pipel i tromoim han na soim mak bilong amamas.

- Guardian Weekly niuspepa

Pop Paul 2 mekim wokabaut long asples bilong em

Vatican: Hetman bilong Katolik Sios long wol, Pop John Paul 2 i bin wokim 11 de lukluk raun i go long asples kantri bilong em Polan long las wik. Long dispela wokabaut, em bin go stret long liklik ples bilong em

Wadowice, liklik taun ausait long Krakow we em i tingim bek ol gutpela taim na ol taim nogut long taim em wok long groap. Long gutpela taim, em i tingim skul taim we em bin save serim ol loli na sok-

let wantaim ol skul pren na ol taim nogut em long taim taun i lusim ol Jew pipel long han bilong ol Jemen ami na Hitla. Planti tausen Jew pipel em ol Jemen soldia i bin kisim i go long ol refuji kem na kilim dai ol. Bipo

em i lusim Krakow na Polan las Fraide, Pop i bin sik liklik. Vatiken i bin kenselim wokabaut bilong em i go long Amenia na narapela tu long Rom yet long go bek nas malolo pastaim (long Vatiken).

UN Seketeri Jenerel laikim Ogas ileksen long go gut

Is Timor: Jenerel Seketeri bilong Yunaitet Nesens Kofi Annan i askim tupela grup long Is Timor long stap isi na stapim ol hevi we i kamap long ailan. Dispela em ol lain husat i laikim Is Timor long kisim independens na narapela grup we i laikim ailan provins i stap pas wantaim Indonesia.

Mista Annan i tok Ogas 8 ileksen we ol pipel bai i vot long autim tingting na laik bilong ol

sapos ol lain stap wantaim Indonesia o ol i laik bruk lus bai i kamap yet. Tasol tupela grup i mas kontrolim ol lain bilong ol na stap isi na ol bai daunim hevi wantaim pasin bilong toktok na i no long pait pasin.

Stat yet long mun Januери taim Presiden Habibbie bilong Indonesia i bin tok olsem gavman bilong em bai larim Is Timor long kisim independens bipo long

ya 2000 i kamap, hevi long ailan i go bikpela gen. Ol ami bilong Indonesia husat i stap long ailan na liklik lain sapota bilong ol i wok long kamapim hevi na bagarapim gutpela sindaun long Is Timor.

Mista Annan i askim tupela grup long kamapim bel isi pasin na larim gutpela taim i stap long taim bilong Ogas ileksen long ailan.

Nupela bikpela sekon han stoa i op long Mosbi

JASON TAU i raitim

PABLIK long Mosbi i gat sois nau long baim ol samting long daunbilo prais bihain long opening bilong wanpela bikpela stoa we i salim ol sekon hen samting long wiken.

Michael Yai Pupu, wanpela bisnis man bilong Hailans husat i bin bungim mani long baim botol bisnis bilong em long Gordons industriel eria long Mosbi i papa bilong dispela kampani ol i kolim long "Big Peanut".

Seils senta i stap long PNG Botol Indastris na wea haus bai i salim ol sekon hen samting olsem telvisen, launs sut, bet, aisbokis, dip frisa, ol kapbod, wasing masin, ol brekfas na dina tebol na sia, ol kain kain ilektrikel yunit, ol samting bilong yusim long pilai spot, ol kain klos bilong ol bikpela man na ol pikinini na ol arapela samting moa.

Ol i odaim ol dispela samting long Australia, Nu Silan na PNG yet na ol i salim ol dispela samting long hap prais. Ol bin opim nupela wea haus long las Sarere.

Mista Pupu bin tok tingting bilong em long opim dispela stoa na salim samting nau i bilong helpim liklik pablik na ol grasrut pipel taim strong bilong mani (kina) bilong yumi i pondaun na pablik long kantri i bungim hatpela taim tru taim pe bilong ol samting i wok long go antap long olgeta wik.

Mista Yai Pupu i tok em laik helpim pablik insait long siti na ausait long inapim laik long sait bilong ol samting long haus, ol samting bilong kuk na ol TV na redio samting.

Em i tok em bai sekim gut ol samting na lukim olsem ol i stap gut bipo em i salim long gutpela prais we ol man inap baim.

Em i tok em bai salim tu sampela ol nupela samting na ol kastoma i ken gat sois long baim nupela o ol sekon hen samting.

Em i tok Big Peanut bai salim tu ol samting bilong yusim long pilai olsem ol golf klab, ol samting long wokim eksasais long en, ol pul na snuka tebol na ol arapela samting we ol mekanik na kapenta i save yusim.

Insait long las tupela mun, kampani i bin odaim ol samting we kos bilong ol inap long K400,000 bilong redim long opening we i bin kamap long las wiken, Sarere. Ol samting we em odaim ovasis i bin kam long 20 kontena.

Ol bin givim sampela diskaun long ol kastoma long taim stoa ya i bin op long las Sarere.

Big Peanut company i gat 15 asples manmeri i wok long en na foapela ausait lain.

Mista Yai Pupu i tok em i salim tu ol fenitja na ol matres long nupela stoa bilong em.

Mista Yai Pupu i bilong Wapenamanda insait long Enga provins. Em i kamap wanpela bisnis man bihain long em i save bungim botol na salim insait long 15 krismas long Mosbi. Em i gat bisnis insait na ausait long kantri na em bin tok'em i amamas tasol long resis wantaim ol arapela sekon hen na hatwe stoa long Mosbi.

Pe bilong ol sevis bai go antap

OL SEVIS olsem akaunting na pe bilong ol loya insait long kantri bai i go antap taim Gavman i kisim i kam insait Velu Eded takis (VAT) long mun i kam. VAT opisa Greg Baxter i tok olsem taim gavman i larim dispela nupela 10 pe sen takis rifom i kam insait long kantri, prais bilong ol kaikai bai i no inap long senis. Mista Bax i tok olsem VAT em i takis bilong ol sevis tasol na i nogat long kaikai.

Em i tok olsem ol manmeri i noken wari tumas long wanem ol i no nidim akaunten na loya olgeta taim. Em i tok, "ol manmeri i mas lukaut long ol bisnis manmeri bai tingting long olgeta kos i stap insait na ol bai traim long apim prais."

Em i tok moa olsem VAT i no min olsem ol bisnis manmeri bai apim prais bilong ol long olgeta mani ol i lusim long karim kaikai i kam insait long ol stoa bilong ol. Mista Bax i tok ol bisnis i mas traim long salim ol samting ol i wokim long kisim mani bilong ol arapela kantri i kam insait long kantri bilong yumi long daunim VAT.



• Mista Michael Yai-Pupu i sindaun gut tru long wanpela sia bilong salim insait long nupela bisnis bilong em. Ol i kolim 'Bigpela Pinat'.



VAT

VALUE ADDED TAX

INFO 18

TOKSAVE OLGETA BISNIS MANAGERS

IRC I TINGTING PLANTI LONG OL BISNIS HUSAT BAI REGISTA OR I LAIK REGISTA LONG LAIK BILONG OL INO INAP STAP IGO INAP LONG LAS MINIT.

OL BISNIS HUSAT INOGAT VAT NAMBA BAI INOGAT SANS LONG KISIM CREDIT (TRANSITIONAL CREDIT) LONG OL KAGO OL IGAT TAIM VAT I STAT LONG 1ST JULAI 1999. OL INO NAP GIVIM "INPUT CREDIT" LONG OL KASTOMA BILONG OL, DISPELA BAI DAUNIM BISNIS BILONG OL.

SAPOS YU LAIK KISIM VAT REGISTRATION NAMBA BILONG YU PASTAIM LONG 1ST JULAI 1999, PLIS SALIM REGISTA PEPA BILONG YU IKAM LONG INTERNAL REVENUE COMMISSION HARIAP.

INTERNAL REVENUE COMMISSION I SALIM REGISTA PEPA IGO LONG OL CLIENTS BILONG HELPIM OL LONG TAIM OL REGISTA. YU KEN KISIM REGISTA PEPA LONG INTERNAL REVENUE COMMISSION LONG PORT MORESBY OR RINGIM OL LONG TELEPON 322 6655.

REGISTRATION EM FRI NA YU NO INAP SENISIM LONG OLGETA WAN WAN YIA.

SAPOS PROFIT BILONG YU LONG WAN YIA I ANTAP LONG K100,000 YU MAS REGISTA LONG VAT.

SAPOS PROFIT BILONG YU LONG WAN YIA I DAUNBLO LONG K100,000 YU KEN REGISTA LONG LAIK BILONG YU.

SAPOS PROFIT BILONG YU LONG WAN YIA I ANTAP LONG K100,000 NA YU NO REGISTA, BAI YU IGO LONG KOT.

SAPOS PROFIT BILONG YU LONG WAN YIA I DAUNBLO LONG K100,000 NA YU NO LAIK REGISTA LONG LAIK BILONG YU BAI YU NO INAP KISIM CREDIT LONG VAT YU PEIM TAIM YU BAIM KAGO.

SAPOS YU LAIK SAVE GUT MOA LONG VAT OR LONG WEI BILONG REGISTA, YU KEN RINGIM INTERNAL REVENUE COMMISSION. MIPELA I AMAMAS LONG HELPIM YU.

AUTHORISED BY: DAVID SODE, COMMISSIONER GENERAL INTERNAL REVENUE COMMISSION

KANAGE



KANAGE i bilong Sepik na em i stap long Konos distrik long Niu Ailan provins. Em i wanpela strongpela man long sutim pis long nambis. Olsem na wanpela taim em i lukim wanpela masta turis i raun long nambis i stap. Kanage i go painim turis na tok long em olsem. "Masta, lukim pis i kalap kalap long antap?" Na masta i askim Kanage olsem, 'Are you sure?' Na Kanage i bekim. 'Sori tru masta mi nogat sua.' Na masta i askim Kanage ken. 'Are you mad? Na Kanage i bekim gen olsem. 'Sori masta mi i no bilong Madang.' Na masta i tokim em olsem. 'You are standing on the beach.' Na Kanage i bekim gen. 'Masta! Mi tupela wantaim i sanap long nambis. Na masta i tromoi las toktok nau olsem long Kanage. 'Kanage you stupid.' Na Kanage i bekim nau olsem. 'Em stret masta! Mi bilong Sepik.'

**D. Catchup
Konos, NIP.**

LAPUN Kanage em man bilong spak stret. Wanpela taim em i go spak wantaim ol poro bilong em na i no bin kamap long haus. Meri bilong Kanage i wet i go na belhat nogut tru. Meri bilong Kanage ting lapun Kanage go painim ol yangpela meri. Olsem na em i belhat na i tok, "Dispela lapun, mi save lukautim em taim em i gat sik, wasim klos bilong em, kukim kaikai bilong em na givim em moa sevis na nau em raun na i lus tingting long mi pinis. Em orait, bai mi wetim em i kamap pastaim." Misis go long haus na giaman hap indai na slip i stap. Orait pikinini man bilong lapun i go insait long haus na i lukim mams Kanage i dai i stap na kwik taim em i ron i go na lukim paps Kanage hapim bia i stap na em i tokim em, "Hei paps, yu dring i stap na mams i dai pinis." Taim lapun Kanage i harim olsem, olgeta spak i pinis na em i ron i go kamap long haus. Taim em i lukim meri i slip dai, em i wok long toktok: "Misis hei lewa..... mi no go painim meri, mi go painim bia..... lewa wai na yu mekim olsem." Meri bilong Kanage i giaman slip insaid tasol em i opim ai isi na wetim paps Kanage long kra i kam na holim lek bilong em. Taim paps Kanage i kam klostu long holim lek bilong mams Kanage na kra i, mams Kanage i putim stret lek long bros bilong Kanage na olgeta toktok bilong lapun Kanage i lus na Kanage i plai i go pundaun long si bilong paia. Lapun Kanage i ting tewel bilong meri bilong em i kikim em na em das i go ausait long haus na tekov i go painim ol man long helpim em. Lapun mams isi tasol kirap na tokim pikinini bilong em, "Tokim paps Kanage, em save long meri Sepik o..... Sapos em bikhet long mi, tupela lek bilong em bai kirap olsem wil bilong balus."

**Timsen Ubenek
Wewak**

KANAGE em bilong Kimbe tasol em save stap long Kavui seksen '9'. Wanpela moningtaim, em kirap i go wok long gaden. Em wok i go inap belo. Orait em kisim sop, na tauvel na go waswas long klinwara, Taim em i wokabout i go daun long hap rot em bungim wanpela meri Vitu. Kanage i lukim meri Vitu na i tokim meri Vitu, 'Laki tru na yu kam antap hariap long wara. Sapos yu stap liklik pikinini, bai mi daunim yu long wara ya.' Na meri Vitu bekim, 'Papa mipela i no save pilai pilai wantaim ol bun skin man.' Taim em i tok olsem, Kanage i nogat moa toktok



bilong bekim na isi tasol em i go waswas na tekov long haus bilong em.

**Kanage Rida
Kimbe**

KANAGE, em bilong Sepik. Em wok olsem kuskus long Madang haus sik. Em i maritim meri wantok yet na tupela i gat foapela pikinini. Wanpela taim, wanpela pikinini bilong Kanage i pilai wantaim narapela pikinini na i tok nogut. Olsem na papamama bilong narapela pikinini i kisim pikinini bilong Kanage i go long Viles Kot. Meri na pikinini bilong Kanage tasol i go long kot. Kanage, em yet i no bin i stap. Kot i painim olsem pikinini bilong Kanage i rong olsem na kot i sasim em K20. Taim meri bilong Kanage i harim olsem, em i kirap na em i tokim Viles Kot Magistret olsem: "Em i orait, K20 em i liklik samting, em i gras bilong hetkwota bilong papa bilong en." Taim meri bilong Kanage mekim dispela toktok pinis, em i kisim olgeta pikinini na i go long haus. Bihain long abinun, Kanage pinis wok na i kam long haus. Liklik pikinini meri bilong Kanage i tingim yet hap tok mama bilong en i mekim long Viles Kot. Mejistret, olsem na em i ron i go ausait long dua bilong haus bilong ol, na holim han bilong Kanage na askim em: "Papa, wanem nem bilong hetkwota bilong yu?" Man, Kanage i kisim taim stret long bekim askim bilong liklik pikinini meri bilong en.

**Miriam MBS
Madang**

KANAGE i wok olsem wanpela kuskus long Kimbe kot haus. Wanpela taim, susa bilong bos i ring i kam na Kanage i ensarim em. Kanage harim olsem nek bilong meri na em stailim toktok bilong em. I no longtaim na bos i kam na Kanage i givim pon long bos bilong em. Wanpela taim Kanage ring i go long susa bilong bos, tokim em olsem

em i gat laik long em. Susa bilong bos i ting Kanage em wanpela saveman, olsem na em tok em i orait tasol. Tupela i pren longpela taim. Na wanpela taim pren meri bilong Kanage i tokim Kanage long go holidi long ples bilong em. Kanage kisim hai pilings stret na tokim pren, 'Em rait disisen olgeta.' Pren meri tokim Kanage, 'Mi bai save olsem wanem taim yu i kam.' Kanage tokim em olsem. "Bai mi verim Kauboi hat, dakglas, long jins trausis, jins siot, stokmen su na karim tupela brib kes." Orait Kanage tu i askim meri, 'Bai mi save olsem wanem long yu.' Na meri tokim Kanage, 'Bai mi putim lip stik, plakim aibro, verim jins sket, tait t'siot na hai hils su.' Em nau holidi bilong Kanage na em kalap long balus na tekov i go long ples bilong meri. Balus i go pundaun na Kanage i go daun long balus na meri i lukim Kanage na givim siksti go holim pasim Kanage. Prenmeri tokim Kanage long helpim em long karim brip kes, tasol Kanage tokim em olsem "It's okay. I can handol it." Taim em ben daun long kisim brif kes, kauboi kep i lus na prenmeri lukim nupela wol na kirap nogut na tokim Kanage long tok Inglis; 'Oh oh! Kanage when I heard your voice in the phone I thought that you're youngman but now I see kela i ha,' Em tok olsem na troimoi ol samting bilong Kanage long graun na tekov. Kanage sem pipia na kalap long balus na go bek.

**Mol & Tonny Miamel
Bialla**

GAT wanpela spesol de i kamap long Coke han wats. Na long dispela de i gat 100,000 Coke han wats ol i putim long resis. Planti man i save traim long winim 6 o 9-pela nabaut na ol i save winim tru. Na i gat wanpela man ol i kolim Junia Kanage, husat i save traim long winim dispela wats. Em i save traim hat tru long winim. Taim em i save raun nabaut long taun ol wantok na ol lain long ples i save givim em mani, em i save bungim long

baim Coke Cola na traim long winim Coke wats tasol em i no save winim wanpela Coke wats. Na klostu em i save laik long kra i long wanem em i save westim bikpela mani bilong em na i no save win. Long sem taim klostu bai Coke wats tu bai pinis. Taim em i save raun long rot em i save traim long painim Coke Cola tin, tasol em no save painim tu. Wanpela taim em i go na lukim piksa long Aipos hauslain na i no longpela taim edvataismen insait long piksa i tok Coke wats i pinis na Junia Kanage i kirap na tok giaman. Na wanpela man long beksait long Kanage i tok, 'Nogat Coke wats i pinis tru tru.' Na Kanage i kirap na tokim dispela man. 'Coke wats i no pinis, bikos bikpela mani bilong mi i lus long dispela samting.' Em nau tupela i kros i go i kam na olgeta man insait long piksa i kirap na tok, 'Kanage Coke aats i pinis na yu laikim wanem nau?' Kanage i no fit long bekim maus bilong planti man olsem na isi tasol em i kra i na wokabout i go.

**Mathew Makarai (Gipe)
Aipo Viles**

PAPS Kanage em i bilong ples Yembiyembi long wara Salomei. Papa Kanage em marit pinis na em i gat tupela pikinini. Na stil stail na maus wara bilong em i no pinis yet. Olgeta taim em i save laik long tok pilai wantaim ol yangpela meri tasol. Em i no save laik long tok pilai wantaim ol marit manmeri na ol yangpela man long wanem, em i save tok olsem. Tok pisin bilong ol marit manmeri na ol yangpela man i no swit olsem tok pisin bilong ol yangpela meri. Em i olsem drai Makau na drai saksak fraim tasol tok pisin bilong ol yangpela meri em Kanage save tok man, man! I no tok pisin ya, 'Tok pisin bruk long wara Salomei-stret.'

**Robert Kakua
Wewak**

KANAGE



Paps Kanage wantaim misis kisim Junia Kanage go long Madang taun klinik. Taim ol go kamap, Kanage lukim nes i putim planti bebi long skel bilong ol bebi i stap. Em lukim dispela na tingting bilong em i kirap long traim skelim hevi bilong em wantaim ol bebi. Taim Kanage lukim nes i bisi tru long go sekim ol pepa bilong ol bebi stap, paps Kanage tokim Misis, 'Em nau taim bilong mi long go insait long bebi skel.' Em tok olsem wan wantu em i go na kalap go insait. Taim em go insait pinis, em askim Misis long sekim hevi bilong em. Tarangu, Misis lukim olsem nidel bilong skel i no wok. Nidel i tanim liklik tasol na go bek gen long zero. Paps Kanage ting em winim skel mak bilong ol bebi na askim Misis Kanage, 'Misis yu lukim skel, hevi bilong mi mas winim ol bebi ya. Misis Kanage paul na laik sekim gut skel i stap na nes i kam askim, 'Misis dispela em bebi bilong yu!' Kanage harim pinis nek bilong nes na kirap kra, 'mam - mi - i, su-su-u.' Nes ya harim kra na i no moa askim planti askim long Misis Kanage na go stret sekim skel na tokim Misis Kanage, 'Misis, olgeta bebi i gat gutpela hevi, tasol bebi bilong yu ya nogat whevi tru. Mak bilong nidel i stap tasol long zero. Yu mas kukim planti kumu tripela taim long wanpela de, moning, belo na apin-un na em mas kaikai.' Taim Kanage harim dispela skul tok bilong nes em tanim het insait long skel bilum.

**Chris Dahl
Madang**

KANAGE bilong Sapmunga long Towet ples. Wanpela taim ol lain bilong em i kilim wanpela pik na givim long ol lain bilong meri bilong em. Kanage i save olsem em bai i no iap kaikai hap pik long wanem long kastom bilong em, i tambu long kaikai samting long han bilong ol tambu. Tasol Kanage i gat bikpela laik tru long kaikai pik. Olsem na em i go na sindaun sori sori long sip bilong paia stap. Na tambu bilong em i sori tru long turangu Kanage. Na tok ples na em tok Oro Ambona na em katim namba wan hap pik na givim Kanage. Wantu Kanage i daunim na tambu i givim em namba tu hap bilong pik. Taim Kanage i kaikai na lukim i kaikai stap. Na meri bilong em i tok, 'Hai Kanage, husat givim pik na yu kaikai. Yu laikim ol brata bilong yu bai sem long pasin bilong yu?' Man Kanage em kirap nogut na trautilim pik na tekov i go pinis.

**Joel Nongi
Sapmunga**

KANAGE em i bilong Madang. Kanage em i singel man. Krismas bilong Kanage, em i 50. Planti taim Kanage save painim ol meri long marit, tasol ol i save tok papa long em, na em save belhat nating. Wanpela de nau em i go putim skin long ples bilong pilai bingo. Sem taim Kanage lukim wanpela mama Simbu i kam wantaim pikinini meri bilong em. Kanage i gat laik stret long pikinini meri bilong mama Simbu ya. Olsem na Kanage smail long ol. Sem taim mama Simbu ya askim Kanage olsem, 'Papa wanpela smok i kam.' Kanage harim tasol, em hap ai lukluk long pikinini meri bilong Simbu ya na em bikmaus long mama Simbu ya, 'Yu noken kolim mi



papa, mi singel man. Yu noken skelim bodi bilong man. Yu mas skelim laik bilong man.'

**S. Tobby K
Madang**

WANPELA taim wanpela PMV draiva i stap long Mendi na em i laik i go long Lae. Olsem na lusim Mendi long 6 kilok. Sem taim wanpela wait man long Amerika tu i stap long Lae na em i laik i go long Mendi na em i kirap long 6 kilok. Kanage draivim bas na wait man ya i draivim ka bilong em yet. Nau tupela kilim skin tru long siksti long haiwe kamap long wanpela bris long wara Kagul. Dispela bris i stap long boda bilong Mendi na Hagen. Long bris klostu Kanage na wait man ya i klostu bam nau. Long bris stret tupela stapim ka na wait man kalap i go outsait na tokim Kanage olsem, 'You should stop your car on the other side of the bridge and give way!' Kanage kirap na tokim wait man ya olsem, 'Yu tu, yu sanap long bris ya.' Taim ol pasindia harim olsem ol i lap nogut tru na sindaun isi tasol long bas i stap. Wait man ya i paul long toktok bilong Kanage na larim em i draivim ka i go hapsait long bris na tekov.

**Paul Wape
Lae, Morobe provins.**


WANPELA taim Kanage i go long Goroka maket na em i lukim tupela gutpela yanpela meri na em i wok long lukluk long tupela. Na tupela meri ya tokim Kanage olsem, 'Oh you too bad!' Kanage i ama-

mas nogut tru na em igo long ples na em i go redim tupela bet na bihain em i go bek long taun na lukim tupela meri ya. Na Kanage i kirap na tokim tupela meri, 'Aste yet tupela bet i redi pinis. Tupela kirap na tok, 'Kanage yu bus kanaka. Yu no save. Mipela tok, 'too bad', em i olsem yu nogut yah! Sori ol manmeri long maket i harim tupela meri i daunim poin bilong papa Kanage na ol i kilim skin long lap. Kanage i harim na lukim ol manmeri i lap long em na em i sem nogut tru na tekov long ples.

**Paul Wape
Lae, Morobe provins.**

KANAGE em i bilong Sepik. Em wok long oil pam blok i stap. Wanpela taim lapun Kanage i go raun long Kimbe. Em i harim wanpela 'born again' i wok long autim tok long taun Kimbe i stap na lapun Kanage i go sanap harim stap. Taim em i sanap harim stap yangpela man autim tok olsem, 'Ol brata na susa, i nogat taim nau, yupela tanim bel.' Na em i lukluk strong long Kanage na i tok, 'Sapos yu no tanim bel bai yu go long paia i stap oltaim oltaim.' Na em i poinim pinga i go long em. Mekim na lapun Kanage kirap na kros na em i tok, 'Yu tok long mi ah, yangpela. Mi tokim yu, taim mama i no karim yu yet, mi raun long dispela graun. Mi lukim namba tu wol woa. Na maski tok pilai long mi nogut bai yu yet i go long bikpaia.'

**Alois K. Waliama
Kimbe**



**PNG HIT
Parade
1999**

**SPONSOR -
TRADEWINDS**

| WIB | | LW | | TIW | | SONG | ARTIST |
|-----|----|----|--|-----|--|-----------------------|------------------|
| 12 | 4 | 1 | | | | Acting Papua | K-Dumen |
| 8 | 8 | 2 | | | | Wanfela Girl | Demas Saul |
| 3 | 3 | 3 | | | | Aunty Jane | Honai Rhythm |
| 2 | 2 | 4 | | | | Wok Masin | Kanai Pineri |
| 1 | 1 | 5 | | | | 16x4 | Connections Band |
| 0 | 12 | 6 | | | | Luksave pinis | Lista |
| 0 | 17 | 7 | | | | Longwe long mama | Itambu |
| 0 | 14 | 8 | | | | Size 28 Reggae | Midstreet |
| 6 | 5 | 9 | | | | Brendy | Bluemates |
| 14 | 9 | 10 | | | | Blu Ais Blong Sentani | Kamezz Band |
| 4 | 10 | 11 | | | | Oh Tingting | Demas Saul |
| 0 | 12 | 12 | | | | Martha | Yangillis |
| 7 | 7 | 13 | | | | Suspect | Connections Band |
| 9 | 13 | 14 | | | | Tuleple | Honai Rhythm |
| 10 | 14 | 15 | | | | Kopex Lewa | Kamezz band |
| 15 | 15 | 16 | | | | Namaliau | Tamadogs |
| 0 | 0 | 17 | | | | Kandre meri waswas | Gembog Band |
| 5 | 6 | 18 | | | | Lalos yo | Bluemates |
| 11 | 16 | 19 | | | | Sduain Bay | Kulsun Taritos |
| 16 | 17 | 20 | | | | Mango Uposi | Kulsun Taritor |

IN: Kandre meri waswas Gembog Band

OUT: Sit mi Bogia Kulsun Taritos

PNG FM PTY. LTD.
Trading as
NAU FM
and
YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Noken yusim mandato long agensim OPM

Dia Edita,

PLIS givim mi spes long bekim nius stori i bin kamap long Wantok Niuspepa, 20 Me 1999, we bisop bilong Vanimo Daiosis, Bisop Caesare Bonevento i bin tok.

OPM i no wanpela kriminel oge-naisesen, tasol em i wanpela fridom grup bilong ol Wes Papua.

Dispela nem, OPM/FPM em ol pipel bilong Wes Papua i kamapim pinis long nem bilong God na blesing bilong God yet. Long taim Indonesia o tekova long Wes Papua long Dutch Kingdom bilong Netherlands, ol Wes Papua pipel i kamapim OPM long kisim indipendens long Indonesia.

Ol Wes Papua i pait hat long kisim indipendens long Indonesia inap long 38 yia olgeta. Insait long dispela taim ol ami bilong Indonesia i save kilim ol pipel bilong Wes Papua na bagarapim ol tru.

Sapos Bisop Caesere Bonivento em i wokim wok bilong God tru, bilong wanem na em i no inap long toktok long stapim Indonesia long brukim 'Human Rights' lo bilong i no givim indipendens long Wes Papua.

Plis Bisop Bonivento, noken maus wara nating na yusim nem bilong God insait long wanpela Misa long Vanimo Holi kros Katolik Sios, we moa long 500 pipel i bin bung na lotu. Insait long dispela Misa, Konsul bilong Indonesia tu i bin stap.

Insait long hap tok bilong yu long yusim mandato em i no gutpela pasin. Moabeta yu skelim hevi bilong ol pipel bilong Wes Papua tru husat i papa tru bilong graun nau ol Indonesia i kam sin-

daun na rausim ol long en. Yu ting God i no inap sori long ol Wes Papua pipel. Taim God i wokim ol, em i putim ol long Wes Papua na dispela em ples tru bilong ol na i no ol Indonesia pipel. Ol Indonesia pipel i kam stilim graun bilong ol na mekim ol i kamap olsem ol trip manmeri long graun bilong ol yet.


Wes Papua pipel i pait long indipendens. Ol i no laikim ol ausait lain olsem ol Indonesia i

bosim ol. Sapos yu misinari tru bilong Papua Niugini yu mas skelim wari bilong ol Melanesian brata bilong Papua Niugini, em ol Wes Papua pipel na sapatim pait bilong ol long kisim Indipendens. Sapos yu nogat bel long ol Melanesian pipel orait noken yusim baibel long strongim toktok bilong yu.

Ol Wes Papua pipel tu i bilip long wankain God na ol i yusim

wankain baibel na mandato olsem na noken paulim tingting bilong ol. Moabeta yu kamap mausman namel long ol OPM na gavman bilong PNG na Indonesia long painim gutpela rot bilong stretim wari bilong ol Wes Papua pipel, em long kisim indipendens.

KAMASAN KAFIAR MOSBI



• Ol OPM paitman i holim pas ol 11 pipel bilong Indonesia taim PNG Difens Fos na plis fos i go insait na kisim ol.

Wewak papagraun pasim graun

Dia Edita,

Mi laik raitim dispela pas i go long olgeta papagraun bilong Wewak taun husat i wok long pasim developmen na i no givim graun long kirapim ol wok.

Hamas developmen bai kam sapos nogat spes bilong sanapim opis spes na fektori long wokim ol samting. Klostu 95 pesen bilong ol graun em ol papagraun bilong Wewak i go pas na ol i wok long askim ol long kompensesen klostu klostu. Na wanem taim bai sampela sevis i kamap.

Mi laik askim ol papagraun bilong Kreer, Koiken, Moem, Magun, Saure, Meni, Kremenden, Mengar, na Sawarin olsem inap yupela i larim sampela graun i op i stap bilong sanapim ol bisnis.

Plis yupela i mas sasim ol man liklik mani long baim graun na kirapim developmen.

JOHN KRISOAKI WEWAK

Mekim tupela haus long Wewak Taun maket

Dia Edita,

WEWAK Taun maket i stap moa long 20 yia na tupela wankain haus kapa i wok long sanap yet na i nogat senis.

Ol mama i bringim ol kaikai, na narapela samting na putim ausait we san na ren i wok long bagarapim. Wanem taim tru bai Wewak Taun Komisen i opim ai na lukluk long wokim tupela haus maket long helpim ol pipel.

Ol mani taun komisen i save kisim long takis i go we? Planti taim mi harim dispela komplek bilong ol pipel na mi no amamas long wok bilong Wewak Taun Komisen. Mi laik lukim tupela haus maket i mas kirap long Wewak Taun maket.

JOHN KRISOAKI WEWAK

Stretim Dagua Wes Kos rot

Dia Edita,

Mi singaut strong i go long memba bilong Wewak, Bernard Narokobi na Is Sepik gavana, Sir Michael Somare long putim mani i go insait na stretim Dagua Wes Kos rot i go olgeta long Aitape.

I luk yupela i nogat luksave long eria bilong mi. Gutpela rot i kam pinis long Hawain na hap rot i go olgeta long boda bilong Is Sepik na Sandaun em i bagarap olgeta. I gat planti pot hol na ol ka i painim hat tru long bringim ol kako na ol pasindia long taun i go long ples o long ples i go long taun.

Long ples bilong mi stret, rot i bus na planti pot hol i stap long rot, bus tu i kamap bikpela na rot i luk olsem wanpela bus rot i go long gaden.

Mipela ol kopra groas i save kisim bikpela pen stret taim mipela i kisim kopra bilong mipela i go long Wewak taun long salim. Olsem wanem, mipela i no mekim mani bilong provins na kantri o mipela sindaun nating na singaut long sevis. Amas takis gavman i save kisim long kopra bilong mipela. Sapos i tru gavman i save kisim takis long kopra bilong mipela orait, stretim rot bilong mipela ol pipel bilong Dagua Wes Kos.

Ating gavman i save kisim takis long mipela ol grasrut man na yusim long go ovasis? Ating mipela ol grasrut i stap long Ostrelia na Indonesia ya?

JEROME IKAU WEWAK WES KOS

Wewak Taun Komisen kisim tok salens

Dia Edita,

WEWAK Taun Komisen i mas lukluk long givim ol sevis we ol taun pipel i laikim na tu long mekim taun i luk nais long ol turis na ol arapela lain i go long provins.

Dispela i no kamap. I luk olsem olgeta wokman em ol spak man tasol. Planti taim ol i kisim mani bilong pablik toilet, pipia, na ol kainkain takis na ol mani ya i go we?

Wewak maket i stap 10 yia na i nogat gutpela haus long putim ol kaikai, kumu na ol prut.

Taun Komisen i gat planti wokman i wokim wankain wok na kisim mani nating. I nogat sevis i kamap bikos planti ol

kontrak wok bilong klinim pipia o rausim pekpek ol i no bihainim ol tenda lo. Luk olsem i gat paol pasin i kamap insait long opis bilong Wewak Taun Komisen. Olsem i moa beta Gavana bilong Is Sepik, Sir Michael Somare i mas kam stap long provins na stretim ol hevi.

Bilong wanem na Lod Meya Anton Wamuesh i bamim ka bilong Komisen? Mi askim ol Wewak Taun pipel long mekim wanpela protes mas na askim Wewak Taun Komisen long ol dispela samting. Mi yet, mi no amamas long wok bilong Komisen.

JOHN KRISOAKI ULARINA PLES, WEWAK

Maski salim ol stoa kako long pablik maket

Dia Edita,

Mi no amamas long lukim ol manmeri i karim ol slipa, naip, plet, sospen, snot, su na ol arapela samting bilong stoa na salim long pablik maket long Lae siti. Olsem wanem em wokabout stoa o wanem samting?

Olgeta papa bilong stoa i save kisim laisens bilong ronim stoa bisnis. Na ol dispela lain i save salim ol kako bilong stoa long ol pablik maket i kisim laisens tu o nogat?

Gavman na Lae siti atoriti mas sekim dispela toktok bilong mi na sapos i tru, ol i mas kamap wantaim sampela strongpela lo bilong stapim kain pasin.

Mi ritim long niuspepa olsem sampela lain i salim ol katen lem fleps tu long maket. Dispela

em i no gutpela long wanem em ol abus bilong ais bokis. Watpo ol i mas salim long sait maket. Mipela i no pik, dok bilong ol.

Plis gavman i mas mekim strongpela lo tru bai kain ol pasin i no ken bagarapim gutnem bilong mipela ol pipel bilong Papua Niugini na tu i noken strongim kain pasin.

Dispela inap kamapim sampela bikpela sik na planti pipel inap dai. Olsem na mi laik tok gen olsem gavman i mas glasim dispela hevi na painim rot bilong stapim ol lain i salim ol kako bilong stoa long pablik maket.

Em tasol wari bilong mi, na sapos yu husat i laik agensim o sapatim mi, plis rait long Wantok bai mi ken ritim.

KUNDIP HINGI MANGI BIALLA

Memba bilong Kabum i stap we?

Dia Edita,

Mi wanpela man mi save stap long ples na lukim olsem planti taim ol papamama long ples i save votim ol lida bilong Kabwum long kamap memba. Tasol dispela ol memba, mipela i no lukim ol liklik.

Ol papamama tu i gat bikpela tingting olsem inap long dispela ol memba i wokim haus sik long Indum ples o olsem wanem. Ol pipel long Indum ol i save kisim hat taim long kisim marasin. Plis inap memba bilong Kabwum, Ginson Soanu glasim dispela hevi na mekim sampela samting.

Na tu inap yu harim toktok bilong ol pipel bilong yu. Sapos yu no harim krai bilong ol em yu save pinis, bai yu no inap putim lek bilong yu long Indum ples bipo long neks ileksen.

Em tasol wari bilong mipela long Indum. Yu husat i laik sapatim mi o agensim plis rait tasol i go long Wantok Niuspepa na bai mi lukim.

A.L. HUWAI YANGARA.G KAMBWUM, MOROBE PROVINS

Noken paulim tingting bilong lida

Dia Edita,

Mi makim maus bilong ol pipel bilong Enga. Wanpela man i bin kotim Enga Gavana Peter Ipatas na narapela man i kotim memba bilong Kandep, Jimson Sauk. Dispela pasin em i no gutpela.

Gavana bilong Enga na memba bilong Kandep i laik wokim gut wok na husat man yu wok long kotim ol i westim taim bilong ol na pipel bilong Enga na Kandep. Nau yupela ol pipel bilong Enga i ken opim ai na lukim Mista Ipatas na Mista Sauk em ol lida tru.

Em tasol na mi laikim ol pipel bilong Enga na Kadep i mas opim ai na mekim samting. Noken hangre long pawa. Tenkyu na God i blesim yupela.

EPHETAMI ANGO LYAIN SIRUNKI TABUBIL

Yangoru Sausia i nogat memba yet

Dia Edita,

NESENL Gavman i no luksave long ol hevi na wari bilong ol pipel bilong Yangoru-Sausia klostu long tupela yia nau. I kam inap tude ol i nogat memba long palamen long givim ol sevis.

Ol pipel bilong Numbo/Sausia na Wes/Is Yangoru i no kisim sevis liklik na gavman i no sori long helpim ol. Apil kot bilong Gabriel Dusava i stap yet. Olsem wanem, traim na rausim dispela apil kwik na larim bai-ileksen i kamap kwik.

Ol Ilektoel Developmen fan o Rurel Eksen Program mani i stap we bilong wokim ol rifom wok o stretim ol rot, bris, skul, haus sik bilong Yangoru-Sausia.

Inap Elektorel Komisina Rueben Kaiulo i toksave long ol pipel bilong Yangoru-Sausia wanem taim bai i gat Bai-Ileksen?

JOHN KRISOAKI WEWAK

Sapos yu laik salim pas bilong yu, salim long dispela adres:
EDITA
WANTOK NIUSPEPA
P. O. Box 1982, Boroko,
N.C.D

JOINT PUBLIC NOTICE ILLEGAL DEPOT-TAKING SCHEMES



BANK OF PAPUA NEW GUINEA

In January this year the Bank of Papua New Guinea (the Central Bank) published warning in newspaper advertisements about a company that was **NOT** licensed to carry on any aspect of banking business under the *Banks & Financial Institution Act*.

The Bank of Papua New Guinea and the Investment Promotion Authority (the IPA) extend that warning.

We advise that the following organisations are not licensed to carry on any aspect of banking business under the *Banks of Financial Institutions Act*.

- **JR CREATIVE NETWORK LTD** also known as **MONEY RAIN**;
- **U-VISTRAC FINANCE CORPORATION LIMITED**;
- **MILLENNIUM CORPORATION LIMITED**;
- **SOFT LOAN** also known as **BONANZA 99**

This is not an exclusive list. There may be other similarly unlicensed groups.

The public is advised that although these companies and business are registered with the Registrar of Companies, they are not registered or licensed as banks or financial institutions under *Section 4* of the *Banks and Financial Institutions Act* by the Bank of PNG, to carry on any aspect of banking business.

"Banking Business" under the Bank & Financial Institution Act means the business of receiving funds:-

- (a) *through the acceptance of money deposits payable-*
(i) *on demand; or*
(ii) *after a fixed period of time; or*

(iii) *after notice; or*

- (b) *by any similar operation through the sale or placement of bonds, certificates, notes or other securities;*

and the use of the funds wholly or partly for-

- (c) *advances or investments; or*

- (d) *any other operation authorised by law or customary banking practices.*

for the account and at the risk of the person doing the business.

Any such operation carried out by such unlicensed organisations is therefore not regulated or supervised by the *Banks and Financial Institutions Act* or the *Central Banking Act*.

The public is advised that the Investment Promotion Authority and the Bank of Papua New Guinea **DO NOT** and **WILL NOT** sanction any such unlicensed organisation nor accept responsibility or any liability whatsoever for any loss of deposits (funds) in any schemes operated by such an organisation if and when the schemes cannot repay their depositors or any other losses, damages, claims and liabilities whatsoever and howsoever arising in respect of such schemes or operations.

Authorised by Governor of Bank of Papua New Guinea
and
Managing Director of Investment Promotion Authority

PABLIK NOTIS

OL DIPOSIT MONI BISNIS INO KISIM LAISENS LONG KAMAP OLSEM BENK



BANK OF PAPUA NEW GUINEA

Long mun Jenueri long dispela yia, Benk bilong Papua Niugini, o mama Benk bilong Papua Niugini, i bin makim bikpela tok lukaut insait long ol niuspepa long wanpela kampani husar **I NOGAT LAISENS** long kisim diposit moni bilong ol pablik na wok olsem benk.

Nau Benk bilong Papua Niugini wantaim Investment Promotion Authority, o IPA, i laik mekim dispela tok lukaut o woning.

Ol dispela lain kampani husat nem bilong ol i stap tamblo **I NOGAT LAISENS** long kisim diposit moni long pablik.

1. **U-VISTRAC FINANCE CORPORATION LIMITED**
2. **MILLENNIUM CORPORATION LIMITED**
3. **CORAL PACIFIC INTERNATIONAL LTD.** Narapela nem bilong dispela kampani em i **WINDFALL**.
4. **JR CREATIVE NETWORK LTD.** Narapela nem bilong dispela kampani em i **MONEY RAIN**.
5. **SOFTLOAN.** Narapela nem bilong dispela kampani em i **BONANZA '99**.

I tru ol dispela kampani i gat laisens bilong Investment Promotion Authority tasol ol **I NO INAP** long kisim diposit mani bilong ol pablik na wok olsem ol benk.

Ol dispela kampani **I NOGAT LAISENS** bilong Benk bilong Papua Niugini long wok olsem ol benk aninit long bikpela lo ol i kolim *Section 4* bilong *Banks na Finance Institution Act*.



INVESTMENT PROMOTION AUTHORITY

Olsem na Benk bilong Papua Niugini i no inap long sekim, glasim o was gut na lukautim wok bilong ol dispela kampani.

Ol dispela kampani mipela putim nem bilong ol antap em ol sampela lain tasol husat o **I NOGAT LAISENS** long wok olsem ol benk.


Tingting gut na was gut long wanem ol narapela lain i mekim dispela kain pasin tu.

Narapela bikpela samting. Lo bilong Papua Niugini i no inap long helpim ol pablik husat i dipositim mani bilong ol wantaim ol dispela kampani long wanem ol dispela lain **I NOGAT LAISENS** long wok olsem ol benk.

Olsem na ol pablik husat o putim moni bilong ol wantaim ol dispela kampani i no inap long kros wantaim Investment Promotion Authority na Benk bilong Papua Niugini taim moni bilong ol i lus o ol dispela kampani **I NO INAP** long peim moni bilong ol.

Ol dispela pablik husat i putim moni bilong ol wantaim ol dispela kampani **I NO INAP** long tok olsem rong o asua i stap wantaim Investment Promotion Authority na Benk bilong Papua Niugini taim moni bilong ol i lus o ol dispela kampani **I NO INAP** long peim moni bilong ol.

Authorised by Governor of Bank of Papua New Guinea
and
Managing Director of Investment Promotion Authority.



Bisnis Niuspepa
bilong PNG!

PNG BUSINESS

JUN ISU

"Agriculture in PNG"

Kamaut pinis....

Go baim pepa bilong
yu long nius agencies
klostu long yu.

Noken abrusim pepa
bilong yu tude.

70t
tasol!

Proudly Published by
Word Publishing Co. Ltd.

WANTOK NIUSPEPA REACHES THE PEOPLE WHO WANT GOOD VALUE!

Some advertisers tend to underestimate the buying power of the average Wantok Niuspepa reader without appreciating the dynamic attributes of Wantok's audience.

Wantok Niuspepa is reaching 150,000 readers per week. Consider this is more than twice the readership of any other PNG newspaper.

Most read the Wantok word for word. Every advertisement is considered. Your advertisement gets the attention it deserves.

Wantok Niuspepa readers are loyal in their product preferences. Price is a concern but familiarity and perceived value guides their buying behaviour.

Advertising in Wantok Niuspepa can influence their buying patterns and create loyal customers of your product and service range.

Wantok Niuspepa is reaching the readers who really matters and it will be to your advantage to educate your target market more thoroughly.

Wantok Niuspepa can be your alternative point of sale venue in merchandising your products and services. After all, consumer conversion can only come through approaching your target market directly.

ADVERTISING SPACE COST

.... PRICES QUOTED EXCLUDES 4% NCD SALES TAX

Advert Size Mono One spot colour Two spot colours Full Colour

| | | | | |
|------------------------------|---------|---------|-----------|-----------|
| Full Page - 38cm x 7cols | K731.50 | K931.50 | K1,131.50 | K1,531.50 |
| Half Page - 28cm x 5cols | K385.00 | K585.00 | K785.00 | K1,185.00 |
| Half Page - 19cm x 7 cols | K365.75 | K565.75 | K765.75 | K1,165.75 |
| Quarter Page - 12cm x 7cols | K231.00 | K431.00 | K631.00 | K1,031.00 |
| Quarter Page - 19cm x 4 cols | K209.00 | K409.00 | K609.00 | K1,009.00 |

Compare Wantok's cost per column cm!
K2.75 per c/cm against the Dailies K6.15 for the same size!!

Contact our Advertising team for your advertising requirements on Phone: 325 2500 Fax: 325 2579 now!



Wiken Spot Dro

KOIARI RUGBY LEAGUE DRAW

Round: 2/3
Date: Sunday June 27, 1999.
Venue: Iarowari Oval (Sogeri)

Oval One B Grade

10.00 Bears vs Tigers
11.00 Pukpuks vs Choice

A Grade

12.00 Bears vs Tigers
1.00 Pukpuks vs Choice
2.00 Warriors vs Panthers

Oval Two Under 17

12.00 Lakers vs Ops
1.00 Warriors vs Choice
2.00 Bears vs Tigers

B Grade

3.00 Warriors Panthers
4.00 Lakers vs Owls

Bye: East Kongos and Panthers U17

RESULTS

For Round 2/2 as Sunday
June 20, 1999.

(A)

Pukpuk 1 defeated Lakers nil
Choice 6 defeated Tigers 5
Kongos 18 defeated Panthers 6
Warriors 28 defeated Bears 4
Bye: Owls

(B)

Pukpuks 4 drew Lakers 4
Choice 22 defeated Tigers 8
Panthers 6 defeated Kongos 1
Warriors 12 defeated Bears nil
Bye: Owls

POINTS LADDER

| Club | P | W | D | L | F | A | Pts |
|----------------|----|---|---|----|-----|-----|-----|
| A Grade | | | | | | | |
| Sogeri Choice | 10 | 8 | 1 | 1 | 147 | 85 | 17 |
| IBS Pukpuks | 9 | 6 | 1 | 2 | 157 | 90 | 13 |
| Trek Warriors | 10 | 6 | 4 | 4 | 114 | 113 | 12 |
| Crystal Lakers | 10 | 5 | 1 | 4 | 153 | 95 | 11 |
| Ice Panthers | 10 | 5 | 5 | 5 | 126 | 106 | 10 |
| Hooks Tigers | 10 | 3 | 3 | 4 | 145 | 116 | 9 |
| East Kongos | 10 | 3 | 7 | 7 | 84 | 90 | 6 |
| Sirinumu Owls | 9 | 2 | 7 | 7 | 112 | 162 | 4 |
| Sapphire Bears | 10 | 1 | 9 | 9 | 60 | 141 | 2 |
| B Grade | | | | | | | |
| Crystal Lakers | 10 | 9 | 1 | - | 128 | 51 | 19 |
| IBS Pukpuks | 9 | 4 | 2 | 2 | 120 | 34 | 12 |
| Sogeri Choice | 10 | 4 | 3 | 3 | 100 | 70 | 11 |
| Ice Panthers | 10 | 5 | 1 | 2 | 74 | 59 | 11 |
| Trek Warriors | 10 | 5 | 5 | 7 | 78 | 71 | 10 |
| Sirinumu Owls | 9 | 4 | 5 | 6 | 62 | 71 | 8 |
| Hooks Tigers | 10 | 1 | 3 | 6 | 90 | 79 | 5 |
| Sapphire Bears | 10 | 2 | 8 | 8 | 84 | 117 | 4 |
| East Kongos | 10 | - | - | 10 | 8 | 112 | - |

PORT MORESBY RUGBY FOOTBALL LEAGUE INC COMPETITION POINTS TABLE AND MATCH RESULTS

Round 11
Date June 20, 1999.

| Club | P | W | D | L | F | A | P |
|----------------|----|---|---|---|-----|-----|----|
| A Grade | | | | | | | |
| West | 11 | 8 | 0 | 3 | 312 | 261 | 16 |
| Souths | 11 | 7 | 0 | 4 | 240 | 181 | 14 |
| Brothers | 11 | 6 | 2 | 3 | 253 | 196 | 14 |
| Waliya | 11 | 6 | 1 | 4 | 269 | 256 | 13 |
| Paga Panthers | 11 | 6 | 1 | 4 | 216 | 235 | 13 |

| | | | | | | | |
|---------------|----|---|---|---|-----|-----|----|
| Defence | 11 | 5 | 1 | 5 | 207 | 214 | 11 |
| Royals | 11 | 5 | 1 | 5 | 223 | 241 | 11 |
| Tarangau | 11 | 5 | 1 | 5 | 205 | 261 | 11 |
| Kone Tigers | 11 | 5 | 0 | 6 | 239 | 238 | 10 |
| Hawks | 11 | 4 | 1 | 6 | 237 | 201 | 9 |
| Post Puma | 11 | 3 | 3 | 5 | 206 | 201 | 9 |
| Magani | 11 | 4 | 1 | 6 | 210 | 218 | 9 |
| Dobo Warriors | 11 | 3 | 1 | 7 | 193 | 246 | 7 |
| Gerehu United | 11 | 3 | 1 | 7 | 201 | 278 | 7 |

MATCH RESULTS

Paga Panthers 16 beat Hawks 14
Waliya 42 beat Dobo Warriors 12
Royals 24 beat Magani 20
Souths 24 beat Brothers 10
Tarangau 32 beat West 22
Gerehu United 22 beat Defence 18
Post Puma 20 beat Kone Tigers 10
Int. PNG Kumuls 38 beat NZ Maoris 10

LFA SOKA DRO

Saturday 26 June, 1999

| Time | Div | Team | Oval |
|------------------------|-------|----------------------|------|
| 9.00 | U16 | Mopi vs Mitif | 1 |
| 9.00 | U16 | Omili vs Ten City | 2 |
| 10.00 | U16 | Taraka vs St Martin | 1 |
| 10.00 | U19 | L.Tech vs B.Uni | 2 |
| 11.00 | L/Res | Bara vs HC West | 1 |
| 12.00 | L | Borabora vs Duresong | 1 |
| 12.00 | 1st | Hapa vs Lae Tech | 2 |
| 2.00 | L | Bara vs HC West | 1 |
| 2.00 | W | Lae Tech vs Nadzab | 2 |
| 4.00 | L | Faze vs Poro | 1 |
| 4.00 | 1st | Taragoly vs Titipu | 2 |
| Sunday 27 June, 1999 | | | |
| 9.00 | U19 | Mopi vs Mitif | 1 |
| 9.00 | U16-G | Omili vs St Martin | 2 |
| 10.00 | U19 | T/Buresong vs Faze | 1 |
| 10.00 | U19 | Blue Kumuls vs Poro | 2 |
| 11.00 | L/Res | HC West vs Bara | 1 |
| 11.00 | L/Res | Goro vs Blue Kumuls | 2 |
| 12.00 | L | Mopi vs Mitif | 1 |
| 12.00 | W | Bulolo Uni vs Bara | 2 |
| 2.00 | L | Bulolo Uni vs Topick | 1 |
| 2.00 | W | B/Kumuls vs Borabora | 2 |
| 4.00 | L | Goro vs S.B/Kumuls | 1 |
| 4.00 | 1st | MDC vs Seminary | 2 |
| Saturday 26 June, 1999 | | | |
| 10.00 | L/Res | Faze vs Poro | 1 |
| 12.00 | L/Res | Bulolo Uni vs Topick | 1 |
| Official Forfeit | | | |
| 9.00 | U16-B | Poro vs Borabora | 2 |
| 10.00 | U16-G | Tent City vs Amba | 1 |
| 12.00 | W | Mopi vs Samase | 2 |
| 2.00 | 1st | Medics vs Samase | 2 |

PORT MORESBY RUGBY FOOTBALL LEAGUE INC

ROUND 12 DRAWS-Lloyd Robson Oval
Saturday 26 June, 1999.

| Time | G | Team |
|----------------------|---|-------------------------|
| 9.00 | C | Defence vs Waliya |
| 10.30 | B | Royals vs Koni Tigers |
| 12.00 | A | Defence vs Waliya |
| 13.30 | A | Royals vs Kone Tigers |
| 15.00 | A | Post Puma vs Hawks |
| Sunday 27 June, 1999 | | |
| 9.00 | B | P/Panthers vs Warriors |
| 10.30 | A | Souths vs Gerehu United |
| 12.00 | A | P/Panthers vs Warriors |
| 13.30 | A | Magani vs West G. Opi |
| 15.00 | A | Tarangau vs Brothers |

PRL OVAL 2

Saturday 26 June, 1999

9.00 C Magani vs West J.Iniga
10.30 C P/Panthers vs Warriors

H.H

12.00 B Magani vs West T. Kairi

Sunday 27 June, 1999

9.00 C Souths vs Gerehu United
10.00 C Royals vs Kone Tigers
12.00 B Souths vs Gerehu United
13.30 B Defence vs Waliya

PRL OVAL 3

Sunday 27 June, 1999

9.00 C Tarangau vs Brothers U.H
10.00 C Post Puma vs Hawks J. K
12.00 B Tarangau vs Brothers G.
P
13.30 B Post Puma vs Hawks P.Roa

1999 SP CUP COMPETITION

Round Ten Results

LBC Bombers 21 def Spear Tume 18
C/Lahanis 44 def NBPOL Bulls 20

POINTS LADDER

| Team | P | W | D | L | F-A | PTS |
|--------------|----|---|---|---|---------|-----|
| C/Lahanis | 10 | 7 | 1 | 2 | 229-174 | 15 |
| Spear Muruks | 10 | 7 | - | 3 | 200-170 | 14* |
| Spear Gurias | 10 | 6 | - | 4 | 194-158 | 12 |
| Lae Bombes | 10 | 5 | - | 5 | 205-170 | 10* |
| C/Eagles | 10 | 5 | - | 5 | 199-196 | 10 |
| Spear Tume | 10 | 5 | - | 5 | 180-196 | 10 |
| C/Vipers | 10 | 4 | 1 | 5 | 174-186 | 9* |
| Toyota Mioks | 10 | 4 | - | 6 | 151-173 | 8* |
| NBPOL Bulls | 10 | 3 | - | 7 | 195-262 | 6 |
| Spear Angras | 10 | 3 | - | 7 | 178-243 | 6 |

*Subject to confirmation

Round Eleven Draw (27 June)

Spear Gurias vs LBC Bombers (Kokopo)
Cambridge Eagles vs Spear Angras (Banz)
NBPOL Bulls vs Cambridge Vipers (Kimbe)
Toyota Mioks vs Cambridge Lahanis (Wabag)
(NB. Muruks vs Tume postponed till Wednesday 7th July)

OKKAINHENS RUGBY LEAGUE ASSOCIATION DRAW

Venue: Hohola Oval
Sunday June 27, 1999.

| | |
|----------------|------------------------|
| B Grade | |
| 0930am | Nami Bro vs Tapaya |
| 1000am | Benabena vs Usu United |
| 1030am | Negifi B. vs Comix |
| 1100am | Yamasor vs Sianes |
| 1130am | Uriano Sharks vs Hens |
| A Grade | |
| 1200pm | Nami Bro vs Tapaya |
| 1300pm | Benabena vs Usu United |
| 1400pm | Negifi B. vs Comix |
| 1500pm | Yamaso R. vs Sianes |
| 1600pm | Uriano Sharks vs Hens |

PORT MORESBY SOCCER ASSOCIATION DRAW

Saturday June 26, 1999.

Bisini 1
0800 M1 Cyclone vs Nomads
0920 R Telekom vs Adau
1040 W1 Nomads vs Telekom
1200 M1 Wanzesi vs Sobou
0120 W1 Tarangau vs Sobou
0240 R ICF University vs K. Andra
0400 P Telekom vs Adau

Bisini 2
0800 M1 M. Gaindu vs SPB
0920 R Rapatona vs IBS PS
United
1040 W1 Defence vs Guria
1200 M1 WM1 Togelu vs YM2
0120 W1 Naniu vs Togelu WM1
0240 R Blue Kumuls vs Momase
0400 P Rapatona vs IBS PS
United

University
0800 M2 Naniu vs R.B. West
0920 W2 W. Heights vs Kula
1040 M2 Kula vs Bavaroko
1200 W2 M. Gaindu vs Pom United
0120 M2 MKayaks vs Kutu
0240 W2 IBS PS United vs Cosmos
0400 M2 Mukaso vs Eda Ranu
Byes: Prem/Res - Cosmos
Inservice College

0800 U19 Cosmos vs Tarangau
0910 U19 Bavaroko vs K. Andra
1020 U19 M. Gaindu vs Momase
1130 U19 Bao Mitas vs Adau
1240 U19 Nisco vs Guria
0150 U19 Blue Kumul vs Telekom
0300 U19 IBS PS United vs ICF Uni
0410 U19 Babaka TST vs Rapatona
Midweek Game

Monday 28th: U19
Bisini 1 Defence vs Pom United
Sunday June 27, 1999.




Bisini 1
0800 M1 CT Kings vs Murat
0920 R TST Babaka vs Tarangau
1040 W2 ICF University vs Bomana
1200 M1 Dobo Murika vs Nisco
0120 W1 B.Kumuls vs University
0240 P ICF University vs K. Andra
0400 P TST Babaka vs Tarangau

Bisini 2
0800 M1 Baomita vs Tawala
0920 2 Defence vs Guria
1040 W1 Wanzesi vs TST Babaka
1200 M1 Verave vs Pom United
0120 M1 Bau Futz vs Bulolo Mocs
0240 P Blue Kumuls vs Momase
0400 P Defence vs Guria
University
0800 M2 Dolos vs Don Bosco
0920 W2 Adau vs Murat
1040 M2 Cyclone vs W. Heights
1200 W2 Tawala vs CT Kings
0120 M2 Korian vs SPB
0240 M2 Cyclone vs Rapatona
0400 M2 Muma vs CT Kings



ZENAG - Gutpela kiau

WANTOK SPOT



Wimen soka askim long moa helpim

HENRY MORABANG i raitim

PNG Futbol Asosiesen bai putim wanpela ripot i go long Wimens Soka Symposium (kibung) long askim long moa helpim long strongim soka insait long kantri na tu Osenia rijen.

Siaman bilong PNG Wimens Soka komiti Cathy Davani bai lusim kantri long go stap insait long dispela miting we bai kamap long Los Angeles, Amerika. Miting ya bai kamap long Julai 7 na pinis long Julai 12.

Davani i tok ripot pepa bilong em long kibung ya bai toktok olsem soka i strong tru long Osenia rijen. Insait long 5-pela yia i go pinis, PNG i ken kamap wankain olsem Australia na Nu Silan sapos em i kisim gutpela helpim i kam long ol mama bodi olsem Osenia Futbol Konfederesen na FIFA.

"PNG i ken kamap wanpela strong-pela kantri long wimen soka sapos i gat mani na i gat ol gutpela teknikal opisel," Davani i tok.

Eria bilong teknikal i karamapim ol kosa na referi. Dispela em tupela bikpela eria we wimens soka long Papua Niugini i laikim tru.

PNGFA i gat ol dispela komiti tasol sapos ol i kisim helpim i kam long OFC na FIFA, ating ol i ken mekim wok.

Davani tu i toktok strong long eksens program (exchange program). Dispela program bai karapim ol pilaia na kosa bilong ol dispela

grup anda 13 na i go long ol sinia wimens divisien.

Ol pilaia i ken yusim dispela eksens program bikos nau yet Osenia rijen i gat Soka Koles long Mt Smart Stadium long Auckland, Nu Silan.

Aninit long sampela kain agrimen, PNGFA i ken salim ol yangpela soka meri i go tren na pilai long dispela koles.

Davani i tokaut olsem em i bin salim pinis ol askim i go long wanwan soka asosiesen insait long kantri na em i wetim bekim bilong ol. Em bai yusim dispela ol askim long givim ripot pepa i go long Wimens Soka Kibung.

Em i tok dispela wokabaut em i olsem bilong go raun na lukim wanem kain helpim PNG Wimens Soka i ken kisim long dispela kain ol kibung. Insait long dispela kibung, Davani bai traim painim sampela rot long mekim dispela wok.

OFC i save givim sampela helpim tasol PNGFA i save kisim na skelim. Na dispela samting em i bilong PNGFA na wimens soka i no save kisim gutpela helpim long dispela ol helpim o mani.

Davani bai wantaim Kisaku Posman na Madiu Andrew we tupela bai stap long FIFA Congress long LA long semtaim.

•Siaman bilong Oseania Wimen Futbol Peter Mommers i stap pinis long Amerika long lukim bikpela Wol Kap bilong ol meri.



□ Tim menesa bilong Brothers Peter Watinga (holim bal) na redi long tromoi i go long skram ya. Ol lain i fomim skram ya em (l-r) Peter Tsiamalili (patron), Isacc Lupari (presiden) na John Bockel (menesal MTM). Sanap long sait em kepten bilong Brothers Robin Fidler Kafie na long basat em Robert Akunai. Foto IVAN BAYAGAU

Australia kampani sapotim Brothers RLC

WANPELA kampani bilong Australia, More than Marketin (MTM) i givim K17,000 spon-sasip long T'siot, kep na trening bal i go long Brothers ragbi lig klab long Pot Mosbi.

Jenerel menesa bilong MTM John Brockel i givim dispela ol samting long presiden bilong Brothers Isacc Lupari na patron Peter Tsiamalili

Presiden Lupari i tok em i amamas tru long dispela helpim. Helpim ya i kam long rait taim we Brothers tim i gat bikpela tingting long winim primiasip bilong Pot Mosbi ragbi lig.

Lupari i tok em i namba wan taim tru long wanpela kampani long Australia i sapotim wanpela lokel klab long Pot Mosbi na tu Papua Niugini.

Presiden i tok olsem klab bilong em i gat planti ol pilaia i nogat wok. Na dispela sapot bilong MTM bai helpim ol long kamap gutpela sitisen bilong komyuniti.

"Brothers em wanpela olupela klab long bipo long 1970 na tu i winim planti primiasip bilong PRL," Lupari i tok olsem.

Patron Tsiamalili tu i mekim bikpela tok amamas i go long klab long gutpela tingting em i laik helpim klab.


Brothers i gat nem nogut tasol nau aninit long nupela menesemen, klab ya i wok long kamapim gutpela gem stret ya.

Kepten Robin Kafie na vais presiden Robert Akunai tu i autim bel amamas bilong tupela long MTM long gutpela sapot.

Brockel i tokaut olsem em i amamas long wokim bisnis wantaim ol kampani insait long kantri.

Na wanpela we long tok tenk yu em long sapotim ol spot insait long kantri.

Em i namba wan taim MTM i givim sapot long wanpela lokel klap long arapela kantri.



YU GAT OL DISPELA HEVI O NOGAT?

- Nogat weahaus spes - Hevi long sekyuriti - Nogat kolstoa rum

Orait, Mipela i gat ansa bilong yu!

SIPING KONTENAS - DRAI NA I GAT FRISA

Contact:

Elizabeth Zarb, "THE CONTAINER LADY", Trade Corp International,
Ph: 05 617 4956 6162 Fax: 05 617 4956 6501, Email: tradeco@easynet.net.au

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.